

Í-SE-KIAT (26)

1 Tng saⁿ-cháp--nî, sì-gêh chhoe-gō·, goá tī Ka-pa-ló· ê hô-piⁿ, siū-liáh ê lāng ê tiong-kan; hit-sī thiⁿ khui, goá khoàⁿ-kìⁿ Siōng-tè ê tīⁿ-siōng. ²Tī hit-gêh ê chhoe-gō·, chiū-sī Iok-ngá-kun ông siū-liáh ê tē-gō· nî, ³tī Ka-lèk-tí lāng ê toē, Ka-pa-ló· ê hô-piⁿ, Iā-hô-hoa ê oē tiâu-tī līm-kàu Pò·se ê kiáⁿ, chè-si Í-se-kiat; tī-hia Iā-hô-hoa ê chhiú hē tī i ê sin-chiūⁿ. ⁴Goá khoàⁿ-kìⁿ, lí khoàⁿ, ū kông-hong tui pak-hng lāi, ū toā phiàn hūn, ū iām-iām-sih ê hé, i ê chiu-ūi ū kng, tui hit tiong-kan ê hé-lāi hoat-chhut chhin-chhiūⁿ hók-phek ê sek-tì. ⁵Koh tui hit tiong-kan chhut-hiān sì ê oáh-mih ê hêng-siōng. In ê khoán-sit sī án-ni; ū lāng ê hêng-siōng. ⁶Ták-ê ū sì ê bīn, ták-ê ū sì ki sít. ⁷In ê kha sī tít-tít, kha-jiah-toé chhin-chhiūⁿ gū-á ê kha-toē; lóng chhàn-lān chhin-chhiūⁿ boā-kng ê tâng ê chhiah-bák. ⁸Tī in sì-bīn ê sít-ē koh ū lāng ê chhiú, chit ê sì ê oáh-mih-ê bīn kap sít chiū-sī án-ni, in ê sít lóng saⁿ-liân-chiap; kiāⁿ ê sī, seng-khu m̄-bián oát, lóng tít-tít chìn-chêng khi. ¹⁰Lūn-kàu in ê bīn ê hêng-siōng, in ū lāng ê bīn; in sì-ê tī chiāⁿ-pêng ū sai ê bīn, in sì-ê tī tò-pêng ū gū ê bīn; in sì-ê iā ū eng-chiáu ê bīn. ¹¹In ê bīn sī án-ni; in ê sít tui téng-bīn thí-khui; chit-ê hit-ē nng ê sít saⁿ-liân, koh ū nng ê sít khàm seng-khu. ¹²In ták-ê tít-tít kiāⁿ chìn-chêng; sīn beh khi toh-lóh, in chiū khi hia; kiāⁿ ê sī, seng-khu m̄-bián oát. ¹³Lūn-kàu oáh-mih ê khoán-

sit, in ê hêng-siōng chhin-chhiūⁿ tòh ê hé-thoàⁿ, koh chhin-chhiūⁿ hé-pé ê hêng-siōng, khi-khi lóh-lóh tī oáh-mih ê tiong-kan; hé chin kng, tui hé-tiong hoat-chhut sih-nà. ¹⁴Hiah ê oáh-mih cháu-khi cháu-lāi, chhin-chhiūⁿ sih-nà teh sih. ¹⁵Goá teh khoàⁿ oáh-mih ê sī, Khoàⁿ ah, ū chhia-lūn tī toē-chiūⁿ, tī oáh-mih ê piⁿ-á, chiàu i ê sì-bīn. ¹⁶Chhia-lūn kap in ê choè-hoat ê khoán-sit chhin-chhiūⁿ ng ê gèk ê sek-tì; sì ê lūn ê hêng-siōng siāng chit-khoán; in ê khoán-sit kap choè-hoat sī chhin-chhiūⁿ lūn-tiong ū lūn. ¹⁷Lūn kiāⁿ ê sī, sì-bīn lóng oē kiāⁿ--tit; kiāⁿ ê sī m̄-bián oát. ¹⁸Lūn-kàu chhia-lūn ê khoān sī chin-koaiⁿ thang kiaⁿ; sì ê lūn ê khoān ū bák-chiu moá-moá. ¹⁹Oáh-mih kiāⁿ ê sī, lūn iā tī in ê sin-piⁿ teh kiāⁿ; oáh-mih kú-khi lī-khui toē ê sī, lūn iā kú-khi. ²⁰Sīn só· beh khi ê só·chāi, in iā khi; sīn nā khi tī-hia, lūn iā tī in ê sin-piⁿ kú-khi; in-ūi oáh-mih ê sīn tī lūn ê lāi-bīn. ²¹Hiah-ê nā kiāⁿ, chia-ê iā kiāⁿ, hiah-ê nā thēng, chia-ê iā thēng; hiah-ê nā kú-khi lī-khui toē ê sī, lūn iā tī in ê sin-piⁿ kú-khi; in-ūi oáh-mih ê sīn tī lūn ê lāi-bīn. ²²Oáh-mih ê thau-khak ê téng-bīn ū kiong-chhong ê hêng-siōng, khoàⁿ-liáu chhin-chhiūⁿ thang-kiaⁿ ê chú-chiⁿ ê sek-tì, pho· tī in ê thau-khak ê téng-bīn. ²³Tī kiong-chhong ê ē-bīn in ê sít thí tít-tít, tãi-ke saⁿ-tui; koh ū nng ki sít khàm i ê seng-khu ê chit-pêng, iā koh ū nng ki sít khàm i ê seng-khu

ê hit-pêng. ²⁴In kiâⁿ ê sî, goá thiaⁿ-kìⁿ in ê sít ê siaⁿ, chhin-chhiūⁿ choē-choē chúí ê siaⁿ, chhin-chhiūⁿ Choân-lêng--ê ê siaⁿ, ũ hoā-hoā-jíong ê siaⁿ, chhin-chhiūⁿ kun-tūi ê siaⁿ; in thêng ê sî, sít chiū pàng--lôh-lâi. ²⁵Tī in thâu-khak-téng kiong-chhong ê téng-bīn ũ siaⁿ; in thêng ê sî, sít chiū pàng--lôh-lâi. ²⁶Tī in thâu-khak-téng kiong-chhong ê téng-bīn ũ pó-chō ê hêng-siōng, chhin-chhiūⁿ lâm-sek ê pó-chiōh; tī pó-chō hêng-siōng ê téng-bīn ũ hêng-siōng chhin-chhiūⁿ lāng ê khoán-sit. ²⁷Goá khoàⁿ-kìⁿ tui i ê io ê hêng-siōng ê téng-bīn ũ hó-phek ê sek-tì, tī i ê lāi-bīn chiu-ūi ũ hé ê hêng-siōng; iā khoàⁿ-kìⁿ tui i ê io ê hêng-siōng ê ē-bīn ũ chhin-chhiūⁿ hé ê hêng-siōng chiū-ūi chin-kng. ²⁸Tī lôh-hō· ê jít hūn-tiong khēng ê hêng-siōng cháiⁿ-iūⁿ, chiu-ūi ê kng ê hêng-siōng iā sī án-ni. Goá chit-ē khoàⁿ-kìⁿ, chiū phak tī toē--nih; koh thiaⁿ-kìⁿ chit-ūi kóng-oē--ê ê siaⁿ.

2 I tui goá kóng, Jîn-chú ah, lí khí-lâi khiā, Goá beh kap lí kóng-oē. ²I tui goá kóng-oē ê sî, sîn chiū jip goá ê lāi-bīn, hō· goá khiā-khí-lâi; goá chiū thiaⁿ-kìⁿ hit-ūi tui goá kóng-oē--ê ê siaⁿ. ³I tui goá kóng, Jîn-chú ah, Goá chhe lí khi kàu Í-sek-liát chók, kàu poē-gék ê pang-kok, in sī poē-gék Goá ê; in kap in ê liát-chó· ũi-kéh Goá, tit-kàu kin-á-jít. ⁴Chiah ê kiáⁿ bīn-phê kâu, sim ngī; Goá chhe lí khi in hia; lí tiōh tui in kóng, Chú lâ-hô-hoa án-ni kóng. ⁵In kiám-chhái thiaⁿ, kiám-chhái m̄-thiaⁿ, (in-ūi in sī poē-gék ê ke), beh chai tī in tiong-kan tek-khak bat ũ sian-ti. ⁶Jîn-chú ah, sui-jiân ũ chháu-chhi chit-lê tī lí hia, koh lí tiām tī giat-á-thang ê tiong-kan, lóng bôh-tit kiaⁿ in, iā bôh-tit kiaⁿ in ê oē; in sui-jiân sī poē-gék ê ke, iáu-kú bôh-tit kiaⁿ in ê oē, iā bôh-tit in-ūi in ê bīn-māu lâi kiaⁿ-hiāⁿ. ⁷In

kiám-chhái thiaⁿ, kiám-chhái m̄-thiaⁿ, lí choē lí chiong Goá ê oē kā in kóng; in-ūi in sī kék-kí poē-gék ê. ⁸Jîn-chú ah, lí tiōh thiaⁿ Goá tui lí só· kóng ê oē; lí m̄-thang poē-gék, chhin-chhiūⁿ hit ê poē-gék ê ke; lí tiōh khui-chhiūⁿ, chiah Goá só· hō· lí ê. ⁹Hit-sî goá khoàⁿ, khoàⁿ ah, ũ chit ki chhiú chhun ñg goá chia-lâi; khoàⁿ ah, chhiú-lâi ũ chit kúg chheh; ¹⁰I chiong hit pún hian-khui tī goá ê bīn-chêng; lâi-goā lóng ũ siá-jī; hí téng-bīn só· siá-ê ũ ai-siong, thó·-khui, chai-ē ê oē.

3 I chiū tui goá kóng, Jîn-chú ah, tiōh chiah lí só· tit-tiōh ê; tiōh chiah hit kúg chheh, iā tiōh khi tui Í-sek-liát ke kóng-oē. ²Tui án-ni goá khui-chhiūⁿ, I chiū hō· goá chiah hit-kúg. ³Koh tui goá kóng, Jîn-chú ah, chiong chit-kúg, Goá só· hō· lí ê, tiōh chiah tī lí ê pak-tó·, chhiong-moá lí ê tng. Goá chiū chiah i; chhiū-lâi chai i ê tīⁿ chhin-chhiūⁿ bit.

⁴I tui goá kóng, Jîn-chú ah, khí-lâi chiū-kūn Í-sek-liát ê ke, iā ēng Goá ê oē kā in kóng. ⁵In-ūi lí hōng-chhe m̄-sī khi hit ê kóng-oē chhim-ò, giân-gú oh--tit thiaⁿ ê peh-siⁿ hia, chiū-sī khi Í-sek-liát ke; ⁶m̄-sī khi hiah ê kóng-oē chhim-ò, giân-gú oh--tit thiaⁿ ê choē-choē kok, in ê oē lí boē hiáu-tit thiaⁿ. ⁷Goá nā chhe lí khi in hia, in tek-khak thiaⁿ lí. Chóng-sī Í-sek-liát ke m̄-khéng thiaⁿ lí, in-ūi m̄-khéng thiaⁿ Goá; in-ūi Í-sek-liát choân-ke sī thâu-hiáh tēng, sim ngī ê lāng. ⁸Khoàⁿ ah, Goá hō· lí ê bīn ngī, tí-ték in ê bīn; hō· lí ê thâu-hiáh tēng, tí-ték in ê thâu-hiáh. ⁹Goá hō· lí ê thâu-hiáh chhin-chhiūⁿ soān-chiōh, pí hé-chiōh khah-tēng; in sui-jiân sī poē-gék ê ke, lí bôh-tit kiaⁿ in, iā bôh-tit in-ūi in ê bīn-māu lâi kiaⁿ-hiāⁿ. ¹⁰I koh tui goá kóng, Jîn-chú ah, Goá tui lí só· kóng it-chhè ê oē, lí tiōh ēng sim sēng-siū, ēng hī-khang thiaⁿ. ¹¹Lí

tiòh khi chiū-kūn pún-kok siū-liáh ê peh-sìⁿ hia; in kiám-chhái thiaⁿ, kiám-chhái m̄-thiaⁿ; lí tiòh tùi in kóng-oē, kā in kóng, Che sī Chú Iâ-hô-hoa án-ni kóng.

¹²Hit-sī sîn kú-khí goá, goá chiū thiaⁿ-kìⁿ tī goá ê ka-chiah-āu ū toā tín-tāng hū-hū-háu ê siaⁿ, kóng, Iâ-hô-hoa ê êng-kng tùi I ê só·-chāi hián-chhut, eng-kai tit-tiòh o-ló. ¹³Goá iā thiaⁿ-kìⁿ hiah ê oáh-mih ê sít saⁿ-kháp-tiòh ê siaⁿ, kap in ê sin-piⁿ lún ê siāⁿ, chiū-sī toā tín-tāng hū-hū-háu ê siaⁿ. ¹⁴Tùi án-ni sîn kú-khí goá, toā goá khi; goá khi chin kan-khó·, sim-sîn kek-liát; Iâ-hô-hoa ê chhiú tī goá sin-chiūⁿ chin ū lát. ¹⁵Goá chiū kàu The-lék-a-pit, tiàm tī Ka-pa-ló· hô-piⁿ siū-liáh ê lâng hit-ūi, kàu in só· khiā-khí ê só·-chāi; tī in tiong-kan chē chhit-jit kú, tiàm hia chin gông-ngiáh.

¹⁶Kè chhit-jit Iâ-hô-hoa ê oē lîm-kàu goá, kóng, ¹⁷Jîn-chú ah, Goá siat-líp lí choē Í-sek-liát ke siú-bāng ê lâng; só·-í lí tiòh thiaⁿ Goá ê chhui só·-kóng--ê, thoē Goá keng-kài in. ¹⁸Goá tùi pháiⁿ-lâng kóng, Lí tek-khak oē sí; nā lí bô keng-kài i, bô ēng oē keng-kài pháiⁿ-lâng hō· i lī-khui i ê pháiⁿ-lō·, lái kiù i ê sīⁿ-miā; chiū hit ê pháiⁿ-lâng beh sí tī i ê choē; chóng-sī Goá beh tùi lí ê chhiú thó i ê sīⁿ-miā. ¹⁹Siat-sú lí keng-kài pháiⁿ-lâng, iā i bô oát-túg lī-khui i ê pháiⁿ só·-kiāⁿ kap i ê pháiⁿ-lō·, chiū i beh sí tī i ê choē; chóng-sī lí ū kiù lí ka-kī ê sīⁿ-miā. ²⁰Koh siat-sú ū gī-lâng oát-túg lī-khui i ê gī-lái hoān-choē, Goá iā hē that-gāi tī i ê bīn-chêng, chiū i beh sí; in-ūi lí bô keng-kài i, chiū i beh sí tī i ê choē, koh i só· ū kiāⁿ ê gī bô koh tit-tiòh kì-liām; chóng-sī Goá beh tùi lí ê chhiú thó i ê sīⁿ-miā. ²¹Chóng-sī lí nā keng-kài gī-lâng, hō· gī-lâng bô hoān-choē, i nā chin-chiāⁿ bô

hoān-choē, chiū tek-khak tit-tiòh oáh, in-ūi i ū siū keng-kài; lí iáh kiù ka-kī ê sīⁿ-miā.

²²Iâ-hô-hoa ê chhiú tī-hia hē tī goá ê sin-chiūⁿ; I tùi goá kóng, Lí khí-lái, khi piⁿ-iūⁿ, Goá beh tī-hia kap lí kóng-oē. ²³Tùi án-ni, goá khí-lái, chhut-khi kàu piⁿ-iūⁿ; khoàⁿ ah, Iâ-hô-hoa ê êng-kng khiā tī-hia, chhin-chhiūⁿ goá tī Ka-pa-ló· hô-piⁿ só· khoàⁿ-kìⁿ ê êng-kng chit-iūⁿ; goá chiū phak tī toē--nih. ²⁴Sîn chiū jip goá ê lái-bīn, hō· goá khiā--khí-lái; I kap goá kóng-oē; tùi goá kóng, Khi ah, lí tiòh ka-kī koaiⁿ tī chhiū-lái. ²⁵Jîn-chú ah, lâng beh ēng soh hē tī lí ê sin-khu, kā lí khún-pák; tì-kàu lí boē chhut-khi lái kiāⁿ tī in tiong-kan. ²⁶Goá beh hō· lí ê chhiū liām tī lí ê chiūⁿ-kiuⁿ, tì-kàu lí é-káu, boē oē choē chek-pī in ê lâng; in-ūi in sī poē-gék ê ke. ²⁷Tók-tók kàu Goá kap lí kóng-oē ê sī, Goá beh khui lí ê chhui, lí chiū tùi in kóng, Chú Iâ-hô-hoa án-ni kóng, Ài thiaⁿ--ê thiaⁿ, m̄ thiaⁿ--ê kù i m̄-thiaⁿ; in-ūi in sī poē-gék ê ke.

4 Jîn-chú ah, lí tiòh thêh chit tè chng, hē tī lí ê bīn-chêng; ūi Iâ-lō·-sat-léng siāⁿ tī hí téng-bīn. ²Koh ūi-khùn kong-kek--i, khí thô·-tui kong-kek--i, tī sī-ūi an-siat toā-thui kong-kek--i. ³Koh tiòh thêh thih-pán, hē tī lí kap siāⁿ ê tiong-kan, chún-choē thih-chhiūⁿ; lí ê bīn tiāⁿ-tiāⁿ òng--i, chiū siāⁿ siū ūi-khùn, lí beh ūi-khùn i. Che thang choē tiāu-thâu tī Í-sek-liát ke.

⁴Lí tiòh khi tò-pêng tó-teh, tam-tng Í-sek-liát ke ê choē; chiàu lí khi tò-pêng tó-teh ê jít joā-choē, lí tam-tng in ê choē iā sī án-ni. ⁵Goá chiong in hoān-choē ê nī hō· lí ēng jít ê siāu-giáh lái tí--i, chiū-sī saⁿ-pah káu-cháp jít; lí chiàu án-ni tam-tng Í-sek-liát ke ê choē-koà. ⁶Lí í-keng moá chiaⁿ ê jít, tiòh koh khi chiāⁿ-pêng tó-teh, tam-tng Iū-tāi ke

ê choē-koà, Goá ká lí hān sì-cháp jít, chít-jít tí chít-nî. ⁷Só-í lí ê bīn tiòh tiāⁿ-tiāⁿ òng siū ũi-khùn ê Iā-lō-sat-léng, chhiú-kut lèk theh-theh, soan-thoan lâi kong-kek--i. ⁸Khoàⁿ ah, Goá beh ēng soh hē tī lí ê sin-chiūⁿ; tì-kàu lí boē-oē hoan kè-pēng, kàu lí ũi-khùn siāⁿ ê jít moá. ⁹Lí tiòh thèh sío-béh, toā-béh, tâu-á, āng-tâu, soé-á, kap chho-béh, toé tī chít ê khi-kū-lāi; ũi-tiòh pún-sin ēng--i lâi choē-piāⁿ, chiàu lí tó thán-khi ê jít ê siàu-giáh, chiū-sī saⁿ-pah káu-cháp jít, lí tiòh chiáh--i. ¹⁰Lí só-chiáh ê sít-bút, tiòh chiàu chhìn-tāng, ták-jít chiáh jī-cháp sià-khek-lèk, chiàu-sī lâi chiáh. ¹¹Lí lim chú iáh tiòh chiàu niū, ták-jít chít-him ê lāk-hūn-chít; chiàu-sī lâi lim. ¹²Lí chiáh chít ê piāⁿ, chhin-chhiūⁿ chiáh toā-béh-piāⁿ chít-iūⁿ; tiòh ēng lāng só-pàng ê pùn, pek--i tī cheng-lāng ê bák-chiu-cheng. ¹³Iā-hô-hoa kóng, Í-sek-liát lāng tī Goá só-koáⁿ in kàu ê liát-kok-tiong, iáh tek-khak án-ni chiáh bô chheng-khi ê piāⁿ. ¹⁴Goá kóng, Ai ah, Chú Iā-hô-hoa ah, goá pēng-sò bē-bat bak-tiòh lâ-sâm, tui soē-hàn kàu-taⁿ, bē-bat chiáh ka-kī sí-ê, á-sī hō-íá-siū thiah-llh--ê; hit ê khó-òⁿ ê bah, iáh bē-bat jip goá ê chhui. ¹⁵Tui án-ni I tui goá kóng, Khoàⁿ ah, Goá hō-í ēng gū-sái lâi thoē lāng ê pùn; lí tiòh chiong lí ê piāⁿ pek tī hit téng-bīn. ¹⁶I koh tui goá kóng, Jīn-chú ah, khoàⁿ ah, Goá beh tī Iā-lō-sat-léng toān-choát in só-oá-khò ê bí-niū; in chiáh-piāⁿ tiòh chiàu chhìn, chún-chat lâi chiáh; lim chú iáh tiòh chiàu niū, gōng-ngiáh lâi lim. ¹⁷Hō-í in khiām-kheh piāⁿ kap chú, saⁿ-kap gōng-ngiáh, koh tī in ê choē-koà lâi siàu-biát.

5 Jīn-chú ah, lí tiòh kiáh chít ki lâi-kiām, choē lí ê thì-thâu-to, lâi thì lí ê thâu-m̄ng kap lí ê chhui-chhiu; jiān-āu ēng lī-téng téng i ê

tāng-khin, lâi pun i. ²Ũi-khùn siāⁿ ê jít í-keng moá, lí tiòh chiong saⁿ-hūn ê chít-hūn tī siāⁿ-lâi ēng hé sio--i; chiong saⁿ-hūn ê chít-hūn tī i ê sì-ũi ēng to phah--i; chiong saⁿ-hūn ê chít-hūn iā-soàⁿ hō-í hong chhe--khi; Goá iáh beh puih to tui-jip--i. ³Lí tiòh tui hí tiòng-kan thòh kúi-nā ki, pāk tī lí ê saⁿ-á-ku. ⁴Koh tui hí tiòng-kan thèh tām-pòh-á, hiát tī hé-tiong, ēng hé sio--i; tui hia beh ũ hé chhut, kàu tī Í-sek-liát choān-ke.

⁵Chú Iā-hô-hoa án-ni kóng, Che sī Iā-lō-sat-léng; Goá beh an-tī i tī liát-pang-tiong, liát-kok tī i ê sì-ũi. ⁶I kiāⁿ pháiⁿ ũi-kheh Goá ê hoat-tō, pí liát-pang khah siòng-tiōng; kan-hoan Goá ê lút-lē pí sì-ũi ê liát-kok khah-chhám; in-ũi i khi-sak Goá ê hoat-tō, Goá ê lút-lē in iáh bô chun-thàn. ⁷Só-í Chú Iā-hô-hoa án-ni kóng: In-ũi lín jiáu-loan pí lín sì-ũi ê liát-pang khah siòng-tiōng, bô chun-thàn Goá ê lút-lē, bô chip-siú Goá ê hoat-tō, iáh m̄-thàn lín sì-ũi liát-kok ê hoat-tō. ⁸Só-í Chú Iā-hô-hoa án-ni kóng: Khoàⁿ ah, Goá beh kong-kek lí, Goá beh tī lín tiòng-kan sīm-phoàⁿ lín, hō-í liát-kok chhin-bák khoàⁿ-kìⁿ. ⁹Koh in-ũi it-chhè khó-òⁿ ê sū, Goá beh tī lí tiòng-kan kiāⁿ Goá só-bē-bat kiāⁿ, í-āu iáh bô koh án-ni kiāⁿ--ê. ¹⁰In-ũi án-ni, tī lí ê tiòng-kan, lâu-pē beh thài kiāⁿ lâi chiáh, kiāⁿ iáh beh thài lâu-pē lâi chiáh; Goá beh tī lín tiòng-kan sīm-phoàⁿ lín. Goá beh chiong lí só-chhun ê cheng-lāng, lóng sì-soàⁿ in tī sì-hng. ¹¹In-ũi án-ni, Chú Iā-hô-hoa kóng, Goá kí Goá ê éng-oah lâi chiū-choā, ũi-tiòh lí ēng it-chhè khó-òⁿ ê m̄h, thang iām-chiān ê sū, phah lâ-sâm Goá ê sēng-só, Goá iā beh kiám-chió lí ê lāng-giáh; Goá ê bák-chiu bô beh thiāⁿ-sioh lí, Goá iáh bô beh lín-bín lí. ¹²Lí saⁿ-hūn ê chít-hūn beh tui un-ék lâi sí,

iáh tùi ki-hng lâi siau-biát tī lín tiong-kan; saⁿ-hūn ê chit-hūn beh tī lí ê sî-ûi tó tī to-ē; saⁿ-hūn ê chit-hūn Goá beh sî-soàⁿ in tī hiah ê hong; iáh beh puih-to tui-jip in. ¹³Chhin-chhiūⁿ án-ni, Goá ê siū-khì tit-tiòh chiâⁿ, Goá toā siū-khì in ê beh soah, Goá chiū siū an-ùi; koh Goá toā siū-khì in-ê í-keng chiâⁿ, chiū in thang chai Goá Iâ-hô-hoa sī jiát-sim lâi kóng--ê. ¹⁴Goá beh hō· lí choè léng-chēng, choè léng-jiók, tī lí sî-ûi ê liát-pang-tiong; hō· keng-kè ê lâng chhin-bák khoàⁿ-kìⁿ. ¹⁵Án-ni, Goá beh ēng siū-khì, kap toā siū-khì, kap giâm-giâm ê chek-pī, tī lí ê tiong-kan sím-phoàⁿ lí; hit-sī lí chiū tī sî-ûi ê liát-pang-tiong, chiâⁿ-choè thang léng-jiók, thang ki-chhi, thang kàm-kài, thang gông-ngiáh; che sī Goá Iâ-hô-hoa kóng--ê. ¹⁶Hit-sī Goá ēng ki-hng oē châu-biát lâng ê pháiⁿ-chìⁿ siā in; chiū-sī Goá só· siā lâi châu-biát lín--ê; Goá iáh beh ke-thiⁿ lín ê ki-hng, toān-choát lín só· oá-khò ê bí-niū. ¹⁷Koh beh ki-hng ok-siū kàu lín hia, in beh hō· lín ê kiáⁿ sí-láiu-liáu; koh un-ék kap thái lâng ê sū iáh beh liū-hēng tī lín hia; Goá iáh beh hō· to-kiàm līm-kàu lín; che sī Goá Iâ-hô-hoa kóng--ê.

6 Iâ-hô-hoa ê oē līm-kàu goá kóng, Jîn-chú ah, lí tiòh bīn òng Í-sek-liát chiaⁿ ê soaⁿ, lâi tùi i soan-thoân, kóng, Í-sek-liát chiaⁿ ê soaⁿ ah, tiòh thiaⁿ Chú Iâ-hô-hoa ê oē; ³Chú Iâ-hô-hoa tùi toā-soaⁿ, sió-soaⁿ, chúi-kau, soaⁿ-kok, án-ni kóng, Khoàⁿ ah, Goá, Goá beh ēng to-kiàm līm-kàu lín, iáh beh húi-biát lín ê soaⁿ-thâu-toâⁿ. ⁴Lín ê chè-toâⁿ tek-khak hong-hoè, lín ê jít-thâu ê thiāu beh tú-tiòh phah-chhùi; Goá beh hō· lín siū-thâi ê lâng tó tī lín ngó·-siōng ê bīn-chēng. ⁵Goá iáh beh chiong Í-sek-liát chók ê sin-si hē tī in ê ngó·-siōng ê bīn-chēng; chiong lín ê kut-thâu sî-koè hiat tī lín ê toâⁿ

ê sî-ûi. ⁶Tī lín it-chhè khiā-khí ê só·-chāi, siāⁿ beh pha-hng, soaⁿ-thâu-toâⁿ beh hong-hoè; hō· lín ê chè-toâⁿ pha-hng hong-hoè, lín ê ngó·-siōng phah-chhùi biát-bô, lín ê jít-thâu ê thiāu beh chhò-lòh, lín ê só·-choè lóng hoè-bô. ⁷Siū-thâi ê lâng beh tó tī lín tiong-kan; chiū lín beh chai Goá sī Iâ-hô-hoa. ⁸Lín sî-soàⁿ tī liát-kok ê sī, Goá beh tī liát-pang-tiong só· chhun ê lâng hō· i thoat-lī to-kiàm. ⁹Lín tiong-kan tit-tiòh thoat-lī ê lâng, beh tī in siū liáh-khì ê liát-kok-tiong kì-liām Goá; in-ūi Goá beh húi-hoāi in ìm-loān lī-khui Goá ê sim, í-kiap in loān-ài ngó·-siōng ê bák-chiu; in beh ūi-tiòh só· kiâⁿ ê pháiⁿ khó-òⁿ ê sū, lâi ka-kī oàn-hūn. ¹⁰In beh chai Goá sī Iâ-hô-hoa; Goá kóng beh kàng chai-ē hō· in, m̄-sī khang-khang ê oē.

¹¹Chú Iâ-hô-hoa án-ni kóng, Lí tiòh phah-chhiú tòng-kha, kóng, Chhám ah, Í-sek-liát-ke kiâⁿ che it-chhè khó-òⁿ ê pháiⁿ-tāi; in beh tùi to-kiàm, tùi ki-hng, tùi un-ék lâi sí. ¹²Tiām tī hng ê lâng beh tùi un-ék lâi sí; tiām tī kūn ê lâng beh tùi to-kiàm lâi sí; lâu-teh siū ūi-khùn ê lâng beh tùi ki-hng lâi sí; án-ni Goá beh it-chhīn chiâⁿ Goá ê siū-khì tī in. ¹⁸In siū-thâi ê lâng tó tī in chè-toâⁿ sî-ûi ê ngó·-siōng-tiong, chiū-sī ták ê koāiⁿ-soaⁿ, ták ê soaⁿ-téng, ták ê chhiⁿ-chhiū ê chhiū-kha, ták ê ām-ām ê siōng-chhiū-kha, chiū-sī in hiàn phang-phang ê chè-sū hō· it-chhè ngó·-siōng ê toē-hng; hit-sī lín chiū chai Goá sī Iâ-hô-hoa. ¹⁴Goá beh chhun Goá ê chhiú kong-kek in, hō· in khiā-khí ê só·-chāi pha-hng léng-chēng, tùi không-ia kàu Tē-pek-láh-tha; in chiū chai Goá sī Iâ-hô-hoa.

7 Iâ-hô-hoa ê oē koh līm-kàu goá kóng, Jîn-chú ah, Chú Iâ-hô-hoa tùi Í-sek-liát toē án-ni kóng, Kiat-kiók kàu lah! chit ê toē ê

sì-kéng, kiát-kiók kàu lah. ³Taⁿ lí ê kiát-kiók í-keng kàu lah, Goá beh hō· Goá ê siū-khì kàu tī lí, iáh beh chiàu lí ê só·-kiâⁿ sím-phoàⁿ lí; chiàu lí it-chhè khó-òⁿ ê sū pò-èng lí; ⁴Goá ê bák-chiu bô beh pó-sioh lí, Goá iáh bô beh khó-lín lí; sī beh chiàu lí ê só·-kiâⁿ pò-èng lí, lí khó-òⁿ ê sū beh kui tī lí tiong-kan; lín chiū chai Goá sī Iâ-hô-hoa.

⁵Chú Iâ-hô-hoa án-ni kóng: Ū chai-ē, hui-siōng ê chai-ē; khoàⁿ ah, beh kàu lah. ⁶Kiat-kiók kàu lah, kiát-kiók kàu lah, khí-lâi kong-kek lí; khoàⁿ ah, kàu lah. ⁷Kéng-lâi khiā-khí ê peh-sìⁿ ah, só· tiāⁿ-tiòh ê chai-ē beh lîm-kàu lí; sī-kí kàu lah, jît-chí kûn lah, chiū-sī hoā-hoā-jíong, m̄-sī soaⁿ-téng hoaⁿ-hí ê siaⁿ ê jît. ⁸Goá beh kín-kín piàⁿ-chhut Goá ê toā siū-khì tī lí; koh it-chīn chiâⁿ Goá ê siū-khì tī lí, chiàu lí ê só·-kiâⁿ sím-phoàⁿ lí, chiàu lí it-chhè khó-òⁿ ê sū pò-èng lí. ⁹Goá ê bák-chiu bô beh pó-sioh lí, Goá iáh bô beh khó-lín lí, beh chiàu lí ê só· kiâⁿ pò-èng lí, lí khó-òⁿ ê sū beh kui tī lí tiong-kan; lín chiū chai phah-lín--ê sī Goá Iâ-hô-hoa. ¹⁰Khoàⁿ ah, khoàⁿ ah, jît-chí í-keng kàu lah; só· tiāⁿ-tiòh ê chai-ē í-keng hoat-chhut; koáiⁿ-á í-keng khui-hoe, kiau-ngō· í-keng puh-gê. ¹¹Kiông-pō heng-khí, chiâⁿ-choè heng-hoat pháiⁿ ê koáiⁿ-á; in bô--khì, in cheng-lâng iáh bô--khì, in ê chài-pó iā bô--khì; in tiong-kan bô lêng tit-tiòh chun-kùi. ¹²Sī-kí kàu lah, jît-chí kûn lah; boē ê lêng bóh-tit hoaⁿ-hí, boē ê lêng bóh-tit hoan-ló; in-ūi toā siū-khì í-keng kàu tī in cheng-lâng. ¹³Boē-ê in sui-jiân iáu oáh--teh, iā boē tò-túg kàu i só· boē-ê; in-ūi chit ê īⁿ-siōng koan-hē in cheng-lâng, lóng boē tò-túg-lâi; iáh bô lêng oē tui i ê pháiⁿ só·-kiâⁿ lâi kian-kò· i ê oáh-miā. ¹⁴In í-keng pûn sàu-kak, pī-pān chiâu-pī; chóng-sī bô lêng chhut-

khì kau-chiàn; in-ūi Goá ê toā siū-khì lîm-kàu in cheng-lâng. ¹⁵Tī goā-bīn ū to-kiàm, tī lâi-bīn ū un-ék, ū ki-hng; tī chhân-iá--ê beh tui to-kiàm lâi sí, tī siâⁿ-lâi--ê, ki-hng kap un-ék beh thun-biát--i. ¹⁶Kî-tiong thoat-lī--ê beh thoat-lī; ták-lâng in-ūi i ê choē-koà, tī soaⁿ--nih chhut pi-ai ê siaⁿ, chhin-chhiūⁿ soaⁿ-kok-tiong ê ka-chui. ¹⁷Chhiú lóng sng, kha-thâu-u nús chhin-chhiūⁿ chú. ¹⁸Beh ēng moā-pò· hâ-io, kiaⁿ-hiáⁿ beh jia-khâm i, ták-lâng bīn kiàn-siáu, thâu-khak bô poàⁿ-ki m̄ng. ¹⁹In beh hiat in ê gûn tī koe-lō·, khoàⁿ kim chhin-chhiūⁿ ù-oē ê m̄h; tng Iâ-hô-hoa siū-khì ê jît, in ê kim-gûn boē-oē kiù in, boē-oē hō· in ê sim ti-chiok, iáh boē-oē hō· in ê pak-tó· pá; in-ūi che ū poàⁿ-tó in tī choē-ok tiong. ²⁰Lūn-kàu i chng-thāⁿ ê súi, sī I hō· i tit-tiòh ui-hong; in chiū ēng--i lâi chng thang oàn-hūn ê m̄h, thang iàm-chiān ê ngó·-siōng; só· í Goá hō· in khoàⁿ chhin-chhiūⁿ ù-oē ê m̄h. ²¹Goá beh chiong i kau tī goā-pang lêng ê chhiú, choē i só· chhiúⁿ ê m̄h; kau-hù toē-chiūⁿ ê pháiⁿ-lâng, choē chhát-chng; in iáh beh phah lâ-sâm i. ²²Goá beh oát-túg Goá ê bīn bô khoàⁿ--in; in beh phah lâ-sâm Goá ki-bit ê só·-chāi; kiông-béng ê chhát iā beh jlp-khì phah lâ-sâm. ²³Tiòh chō thih-liān, in-ūi chit só·-chāi moá-moá lâu-huih ê choē, siâⁿ-lâi chhiong-moá kiông-pō ê sū. ²⁴Goá beh hō· goā-pang tē-it pháiⁿ--ê lâi pà-chiām in ê chhù-thêh; Goá beh hō· kiông-pō ê lêng ê kiau-ngō· soah; in ê sèng-só· phah lâ-sâm. ²⁵Húi-biát kûn lah; in beh kiù pêng-an, iáh boē tit-tiòh. ²⁶Beh ū chai-ē ke-thiⁿ chai-ē, hong-siaⁿ soà-chiap hong-siaⁿ; in beh tui sian-ti kiù īⁿ-siōng; chóng-sī chè-si ê lút-hoat, tióng-ló ê kè-ék, lóng beh toān-choát. ²⁷Kok-ông beh pi-ai, ông-chhin beh léng-chēng, peh-sìⁿ ê chhiú

ngiáuh-ngiáuh-chhoah. Goá beh chiàu in ê só·kiâⁿ khoán-thāi in, chiàu in eng-kai siū ê sím-phoàⁿ, lâi sím-phoàⁿ in; in chiū chai Goá sī Iâ-hô-hoa.

8 Tē lāk-nī lāk-gêh chhoe-gō·, goá chē tī goá ê chhù-lāi, Iû-tāi chiah ê tióng-ló chē tī goá ê bīn-chêng; tī-hia Chú Iâ-hô-hoa ê chhiú kàu tī goá ê sin-chiūⁿ. ²Goá koan-khoàⁿ, khoàⁿ-kìⁿ ū hêng-siōng chhin-chhiūⁿ hé ê khoán-sit; tùi i ê io í-ē ê khoán-sit ū hé, tùi i ê io í-chiūⁿ ê kng-kng ê khoán-sit, chhin-chhiūⁿ hó·phek ê sek-tì. ³I chhun chhut chhin-chhiūⁿ chit ki chhiú ê khoán, khiú-tiâu goá chit-kó· ê thâu-m̄ng; sîn chiū chiong goá kú-khi kàu thiⁿ kap toē ê tiong-kan, tī Siōng-tè ê iⁿ-siōng-tiong toà goá kàu Iâ-lō·sat-léng, òng pak lāi-iⁿ ê m̄ng-kháu; tī-hia ū tò·khī ê ngó·siōng ê chō·ūi, chiū-sī kek-tōng tò·khī-ê. Khoàⁿ ah, tī-hia ū Í-sek-liát Siōng-tè ê êng-kng, khoán-sit kap goá tī pīⁿ-iūⁿ só· khoàⁿ-kìⁿ--ê chit-iūⁿ. ⁵I tùi goá kóng, Jîn-chú ah, lí kiáh-bák òng pak-hng ê lō· koan-khoàⁿ; goá chiū kiáh-bák òng pak-hng ê lō· koan-khoàⁿ; khoàⁿ ah, tī chè-toāⁿ m̄ng ê pak--sì, tī m̄ng-kháu ū chit-ê kek-tōng tò·khī ê ngó·siōng. ⁶I koh tùi goá kóng, Jîn-chú ah, lí khoàⁿ-kìⁿ in só· choè--ê mah? chiū-sī Í-sek-liát ke tī chia só· kiâⁿ toā khó·ò·ⁿ ê sū, hō· Goá lī-khui Goá ê sèng-só· h̄ng-h̄ng? chóng-sī lí beh koh khoàⁿ, iáu ū koh-khah toā khó·ò·ⁿ ê sū. ⁷I chhoā goá kàu iⁿ ê m̄ng; goá koan-khoàⁿ, khoàⁿ-kìⁿ chhiūⁿ-piah ū chit-khang. ⁸I tùi goá kóng, Jîn-chú ah, lí tiòh iah chhiūⁿ; goá chit-ē iah chhiūⁿ, khoàⁿ-kìⁿ ū chit ê m̄ng. ⁹I ká goá kóng, Lí jíp-khì, khoàⁿ in tī chí lāi-bīn só· kiâⁿ khó·ò·ⁿ ê pháiⁿ-tāi. ¹⁰Goá chiū jíp-khì khoàⁿ; khoàⁿ ah, tī sī-bīn ê chhiūⁿ-piah, ūi ták-hō oē sô ê m̄h, kap khó·ò·ⁿ ê cháu-siù, kap Í-sek-liát

ke it-chhè ê ngó·siōng. ¹¹Tī chiah ê siōng ê bīn-chêng, ū Í-sek-liát ke chhit-cháp ê tióng-ló khiā-teh, Sa-hoan ê kiáⁿ Ngá-sat-nī-a iā khiā tī in tiong-kan; ták-lâng chhiú thêh huiⁿ-lō·, huiⁿ-ian ê phang-bī chhèng chiūⁿ-koàiⁿ. ¹²I tùi goá kóng, Jîn-chú ah, Í-sek-liát ke ê tióng-ló, tī àm-tiong, tī in ták-lâng ūi-siōng ê pâng-á-lāi só· kiâⁿ--ê, lí khoàⁿ-kìⁿ bô? in-ūi in kóng, Iâ-hô-hoa bô khoàⁿ-kìⁿ goán, Iâ-hô-hoa í-keng lī-khui chit ê toē. ¹³I koh tùi goá kóng, Lí beh koh khoàⁿ-kìⁿ in só· kiâⁿ, iáu ū koh-khah toā khó·ò·ⁿ ê sū. ¹⁴I chhoā goá kàu Iâ-hô-hoa ê chhù, òng pak ê m̄ng-kháu; khoàⁿ ah, tī-hia ū hū-lú chē--teh, ūi-tiòh Tah-bô·su thi-khau. ¹⁵I tùi goá kóng, Jîn-chú ah, lí khoàⁿ-kìⁿ bô? lí iáu beh khoàⁿ-kìⁿ pí che koh-khah khó·ò·ⁿ ê sū. ¹⁶I koh chhoā goá kàu Iâ-hô-hoa chhù ê lāi-iⁿ; khoàⁿ ah, tī Iâ-hô-hoa ê tiān-m̄ng, léng-lông kap chè-toāⁿ ê tiong-kan, iok-liók ū jī-cháp-gō· lāng, ka-chiah òng Iâ-hô-hoa ê tiān, bīn òng-tang; in iā òng-tang pài jīt-thâu. ¹⁷I tùi goá kóng, Jîn-chú ah, lí ū khoàⁿ-kìⁿ bô? Iû-tāi ke tī chia kiâⁿ chit ê khó·ò·ⁿ ê sū, iáu s̄ng-choè sió-khoá mah? in tī chit ê só· chāi piàn-kiâⁿ không-pō, chàl-saⁿ kek Goá ê siū-khì; khoàⁿ ah, in kiáh chhiū·ki hē tī i ê phīⁿ-chêng. ¹⁸In-ūi án-ni, Goá iah beh kiáⁿ Goá ê toā siū-khì; Goá ê bák-chiu bô beh thiàⁿ-sioh in, Goá iā bô beh khó·lín in; in sui-jiân òng Goá ê hī-khang-tiong toā-siaⁿ kiū-kiò, Goá iū-goân m̄-thiaⁿ.

9 I òng goá ê hī-khang-tiong, toā-siaⁿ kiò kóng, Tiòh kiò hiah ê khoán chit ê siāⁿ ê lāng lâi, ták-lâng ê chhiú tiòh kiáh biát sīⁿ-miā ê ke-si. ²Hut-jiân ū lāk ê lāng tùi òng-pak téng ê m̄ng hit tiâu lō· lâi, ták-lâng chhiú kiáh thāi-lāng ê ke-si; lāi-tiong ū chit-lāng chhèng iū-toē-saⁿ, io--nih kùl bák-ô·; in jíp-khì, khiā

tī tâng-toân ê piⁿ-thâu. ³Í-sek-liát Siông-tè ê êng-kng, pún tī ki-lō-peng ê téng-bīn; taⁿ tùi hia chiūⁿ--khì, soá kàu tiān ê hō-tēng, I kiò hit ê chhēng iù-toē-saⁿ, io--nih kùì bák-ô ê lāng lāi. ⁴Iâ-hô-hoa tùi i kóng, Piàn-kiâⁿ tī siâⁿ-lāi, chiū-sī piàn-kiâⁿ Iâ-lō-sat-léng ê tiong-kan; kìn-nā ūi-tiōh siâⁿ-lāi só· kiâⁿ it-chhè khó-òⁿ ê sū, lâi thó·-khùì pūn-hāiⁿ ê lāng, chiū choè kì-hō tī i ê thâu-hiáh. ⁵Goá ê hī-khang-tiong thiaⁿ-kìⁿ I tùi kī-ū ê lāng kóng, Tiōh tè i piàn-kiâⁿ thong-siâⁿ, lâi thâi-sí lāng; lín ê bák-chiu bóh-tit thiàⁿ-sioh, lín iáh bóh-tit khó-lín in. ⁶Tiōh it-chīn thâi-sí lāu-lāng, siàu-liân lāng, chāi-sek-lú, eⁿ-á, hū-jīn-lāng; iáh tiōh tùi Goá ê sèng-só· thâi-khí; tók-tók kìn-nā ū kì-hō--ê, bóh-tit kùn-oá i. Tùi án-ni, in chiū tùi tiān-chēng ê tióng-ló thâi-khí. ⁷I tùi in kóng, Tiōh phah lâ-sâm chit keng tiān, hō· ɿⁿ-lāi chhiong-moá siū-thâi ê lāng; lín tiōh chhut-khì. In chiū chhut-khì, tī siâⁿ-lāi thâi-sí lāng. ⁸In khi thâi lāng ê sī, chhun goá tī-hia; goá chiū phak tī toē--nih, kiò kóng, Hāiⁿ ah, Chú Iâ-hô-hoa ah, Lí chiong toā siū-khì piàⁿ tī Iâ-lō-sat-léng, kiám sī beh chiong Í-sek-liát lāng it-chīn biát-bô mah? ⁹I chiū tùi goá kóng, Í-sek-liát-ke kap Iū-tāi-ke ê choē-koà kék-kí tâng; piàn-toē ū lâu-huih ê sū, moá-siâⁿ ū oan-óng; in-ūi in kóng, Iâ-hô-hoa í-keng lī-khui chit ê toē, Iâ-hô-hoa bô teh khoàⁿ. ¹⁰Só·-í Goá ê bák-chiu bô beh thiàⁿ-sioh, Goá iáh bô beh khó-lín in; beh chiàu in só· kiâⁿ--ê, pò-èng tī in ê thâu-khak-téng. ¹¹Khoàⁿ ah, hit ê chhēng iù-toē-saⁿ, io--nih kùì bák-ô ê lāng, chiong chit ê sū hē-hok kóng, Goá í-keng chiàu Lí só· hoan-hù--ê kiâⁿ lah.

10 Goá koan-khoàⁿ, khoàⁿ-kìⁿ ki-lō-peng thâu-khak-téng kiong-chhong ê tiong-

kan, chhin-chhiūⁿ lām-sek ê pó-chiòh, chhin-chhiūⁿ pó-chō ê hēng-siōng ê khoán-sit. ²I tùi hit ê chhēng iù-toē-saⁿ ê lāng kóng, Lí jip-khì, tī tng-sèh ê lūn ê tiong-kan, ki-lō-peng í-ē, tùi ki-lō-peng ê tiong-kan thêh tòh ê hé-thoàⁿ, moá nng chhiú, iā tī siâⁿ-téng. Goá chiū chhin-bák khoàⁿ-kìⁿ i jip-khì. ³Hit-lāng jip-khì ê sī, ki-lō-peng khiā tī tiān ê chiàⁿ-pēng, hūn chhiong-moá lai-ɿⁿ. ⁴Iâ-hô-hoa ê êng-kng tùi ki-lō-peng hia chiūⁿ--khì, thēng tī tiān ê hō-tēng ê téng-bīn; tiān ū hūn moá-moá; hit ê ɿⁿ iáh hō· Iâ-hô-hoa êng-kng ê chhàn-lān chhiong-moá. ⁵Ki-lō-peng ê sít ê siaⁿ thiaⁿ kàu goā-ɿⁿ, chhin-chhiūⁿ choân-lēng ê Siông-tè kóng-oē ê siaⁿ. ⁶I hoan-hù hit ê chhēng iù-toē-saⁿ ê lāng kóng, Tiōh tùi tng-sèh ê lūn ê tiong-kan, ki-lō-peng ê tiong-kan, chhú hé; hit-sī i chiū jip-khì, khiā tī chit ê lūn ê piⁿ-thâu. ⁷Ū chit ê ki-lō-peng tùi ki-lō-peng tiong chhun i ê chhiú, kàu ki-lō-peng tiong-kan ê hé, thêh koá khí-lāi, hē tī chhēng iù-toē-saⁿ ê lāng ê nng kì chhiú; hit-lāng ká i thêh--lāi, chiū chhut-khì. ⁸Tī ki-lō-peng ê sít-ē, ū hián-chhut lāng ê chhiú ê khoán. ⁹Goá koh koan-khoàⁿ, khoàⁿ-kìⁿ ki-lō-peng ê piⁿ--thâu sī ê lūn; chit ê ki-lō-peng ê piⁿ--thâu ū chit ê lūn, hit ê ki-lō-peng ê piⁿ--thâu iā ū chit ê lūn; lūn ê khoán-sit chhin-chhiūⁿ ng ê gèk ê sek-tì. ¹⁰Lūn-kàu in ê khoán-sit, sī-ê lóng siāng chit-iūⁿ ê hēng-chōng, chhin-chhiūⁿ lūn-tiong ū lūn. ¹¹Kiâⁿ ê sī, sī-bīn lóng oē kiâⁿ--tít, kiâⁿ ê sī m̄-bián oát, thâu ng sīm-mih só·-chāi, in chiū tè i kiâⁿ; kiâⁿ ê sī m̄-bián oát. ¹²In thong sin-khu, in ê ka-chiah, in ê chhiú, in ê sít, kap lūn, sī-ūi ū bák-chiu moá-moá; chiū-sī in sī-ê só· ū ê lūn. ¹³Lūn-kàu chiah ê lūn, goá hī-khang-tiong thiaⁿ-kìⁿ kóng, Tng-sèh--ê. ¹⁴Tāk-ê ū sī ê bīn, thâu

chít ê bīn sī ki-lō̍-peng ê bīn, tē-jī ê bīn sī lāng ê bīn, tē-saⁿ ê bīn sī sai ê bīn, tē-sì ê bīn sī eng ê bīn. ¹⁵Ki-lō̍-peng lóng chiūⁿ--khì; che sī goá tī Ka-pa-ló̍ hô-piⁿ só̍ bat khoàⁿ-kìⁿ ê oáh-mih. ¹⁶Ki-lō̍-peng kiâⁿ, lūn iáh tī piⁿ--thâu kiâⁿ; ki-lō̍-peng thí-khui sít tùi toē chiūⁿ--khì, lūn iā bô oát-túg lī-khui in ê sin-piⁿ. ¹⁷Hiah-ê thēng, chiah-ê iā thēng; hiah-ê chiūⁿ--khì, chiah-ê iáh saⁿ-kap chiūⁿ--khì; in-ūi oáh-mih ê sīn tī in ê lāi-bīn. ¹⁸Iâ-hô-hoa ê êng-kng tùi tiān ê hō̍-tēng-téng chhut-khì, thēng tī ki-lō̍-peng ê téng-bīn. ¹⁹Ki-lō̍-peng chhut-khì ê sī chiū thí-khui sít, tī goá ê bák-chiu-chēng tùi toē chiūⁿ--khì, lūn iáh tī in ê sin-piⁿ; thēng tī Iâ-hô-hoa ê chhù tang-m̄ng ê m̄ng-khàu, tī in ê téng-bīn, ū Í-sek-liát Siōng-tè ê êng-kng. ²⁰Che sī goá chēng tī Ka-pa-ló̍ hô-piⁿ só̍ khoàⁿ-kìⁿ Í-sek-liát Siōng-tè ê ē-bīn ê oáh-mih; goá chai in sī ki-lō̍-peng. ²¹Ták-ê ū sī ê bīn, ták-ê ū sī ê sít; in ê sít-ē ū lāng ê chhiú ê hēng-siōng. ²²Lūn-kàu in ê bīn ê hēng-siōng, chiū-sī goá chēng tī Ka-pa-ló̍ hô-piⁿ só̍ khoàⁿ-kìⁿ ê bīn; in ê khoán-sít, in ê sin-thé, lóng án-ni; lóng ták-ê tit-tít kiâⁿ--khì.

11 Sīn chiū kú-khí goá, toà goá kàu Iâ-hô-hoa ê chhù, òng-tang ê tang-m̄ng; khoàⁿ ah, tī m̄ng ê m̄ng-kháu, ū jī-cháp-gō̍ lāng; goá khoàⁿ-kìⁿ in tiong-kan ū peh-siⁿ ê kùi-chók, Ap-sok ê kiáⁿ Ngá-sat-nî, kap Pí-ná-ngá ê kiáⁿ Pí-láh-thê. ²I ká goá kóng, Jîn-chú ah, che chiū-sī tô̍-bô̍ choē-ok ê lāng, thê-chhiòng pháiⁿ-tāi tī chit ê siâⁿ-lāi. ³In kóng, Khí-chhù ê kī iáu-bē kàu, chit ê siâⁿ sī tiáⁿ, goán sī hit lāi-bīn ê bah. ⁴Jîn-chú ah, in-ūi án-ni, lí tiòh soan-thoân; tiòh soan-thoân lāi kong-kek in. ⁵Iâ-hô-hoa ê sīn līm-kàu goá, tùi goá kóng, Lí tiòh kóng, Iâ-hô-hoa án-ni kóng,

Í-sek-liát-ke ah, lín kóng án-ni, lín ê sim só̍ siūⁿ, Goá chai lah. ⁶Lín tī chit ê siâⁿ-lāi thâi-sí choē-choē lāng, hō̍ sin-si moá koe-lō̍. ⁷Só̍-í Chú Iâ-hô-hoa án-ni kóng, Lín só̍ hē tī chit ê siâⁿ-lāi ê sí-lāng chiū-sī bah; chit ê siâⁿ chiū-sī tiáⁿ; chóng-sī lín beh tùi hit tiong-kan siū toà-chhut--khì. ⁸Lín kiaⁿ to-kiám, Goá beh hō̍ to-kiám līm-kàu lín; che sī Chú Iâ-hô-hoa kóng--ê. ⁹Goá beh tùi hit tiong-kan chhoá lín chhut-khì, kau tī goá-pang lāng ê chhiú; koh beh tī lín tiong-kan kiâⁿ sím-phoàⁿ. ¹⁰Lín beh tó tī to-ē, Goá beh tī Í-sek-liát ê kau-kài sím-phoàⁿ lín; lín chiū chai Goá sī Iâ-hô-hoa. ¹¹Chit ê siâⁿ bô beh choē lín ê tiáⁿ, lín iáh bô beh choē hit tiong-kan ê bah; Goá beh tī Í-sek-liát ê kau-kài sím-phoàⁿ lín. ¹²Lín chiū chai Goá sī Iâ-hô-hoa, in-ūi lín bô kiâⁿ Goá ê lút-lē, iáh bô sūn-thàn Goá ê hoat-tō̍; chiū-sī thàn lín sī-ūi liát-kok ê hoat-tō̍. ¹³Goá tú-á teh soan-thoân ê sī, Pí-ná-ngá ê kiáⁿ Pí-láh-thê sí--khì. Goá chiū phak tī toē--nih, toā-siaⁿ kiò kóng, Hāiⁿ ah! Chú Iâ-hô-hoa ah, Lí beh chiong Í-sek-liát ê lāng it-chīn châu-biát mah?

¹⁴Iâ-hô-hoa ê oē līm-kàu goá kóng, ¹⁵Jîn-chú ah, Iâ-lō̍-sat-léng khiā-khí ê peh-siⁿ, tùi lí ê hiaⁿ-tī, chiū-sī lí ê hiaⁿ-tī, lí ê chhin-lāng, kap Í-sek-liát choân-ke, chiū-sī tùi chēng-lāng kóng, Lín tiòh lī-khui Iâ-hô-hoa, in-ūi chit ê toē sī hō̍ goán choē-giáp--ê. ¹⁶Só̍-í lí tiòh kóng, Chú Iâ-hô-hoa án-ni kóng, Goá sui-jiân chhian-soá in h̄ng-h̄ng, tī liát-pang-tiong, sì-soàⁿ in tī liát-kok-tiong, Goá iáu beh tī in só̍ kàu ê kok, chiām-si choē in ê sēng-só̍. ¹⁷Só̍-í lí tiòh kóng, Chú Iâ-hô-hoa án-ni kóng, Goá beh tùi chiah ê peh-siⁿ-tióng chio-chíp lín, iáh beh tùi lín sì-soàⁿ kàu ê liát-kok-tiong chū-chíp lín, koh beh chiong Í-sek-liát toē siúⁿ-sù

lín. ¹⁸In beh kàu hia, iáh beh tùi in tiong-kan tū-khì it-chhè khó-òⁿ thang oàn-hūn ê mih. ¹⁹Goá beh hōⁿ in choan-it ê sim, iáh beh chiong sin ê sîn hē tī lín ê lāi-bīn; koh beh tùi in ê jiók-thé-tiong tū-khì hit-hō chhin-chhiūⁿ chiòh ê sim, siúⁿ-sù in hit-hō chhin-chhiūⁿ bah ê sim. ²⁰Hōⁿ in sūn-thàn Goá ê lút-lē, chun-siú Goá ê hoat-tōⁿ lâi kiāⁿ--i; in choè Goá ê peh-siⁿ, Goá iáh beh choè in ê Siōng-tè. ²¹Chóng-sī sim thàn khó-òⁿ thang iàm-chiān--ê ê sim hit-hō lāng, Goá beh chiàu in sóⁿ kiāⁿ--ê pò-èng tī in ê thâu-khak-téng; che sī Chú Iâ-hô-hoa kóng--ê.

²²Hit-sī ki-lōⁿ-peng thí-khui in ê sít, hiah ê lūn iáh tī in ê piⁿ-thâu; tī in ê téng-bīn ū Í-sek-liát Siōng-tè ê èng-kng. ²³Iâ-hô-hoa ê èng-kng tùi siāⁿ-tiong chiūⁿ--khì, hioh tī siāⁿ-goā tang--sì ê soaⁿ. ²⁴Sîn kú-khí goá, tī òⁿ-siōng-tiong tùi Siōng-tè ê sîn toà goá kàu Ka-lék-tí siū-liáh ê lāng hia; goá sóⁿ khoàⁿ-kìⁿ ê òⁿ-siōng, chiūⁿ lī-khui goá chiūⁿ--khì. ²⁵Goá chiūⁿ chiong Iâ-hô-hoa sóⁿ chí-sī goá it-chhè ê sū, lóng kóng hōⁿ siū-liáh ê lāng thiaⁿ.

12 Iâ-hô-hoa ê oē koh līm-kàu goá kóng, Jîn-chú ah, lí khiā-khí tī poē-gék ê ke-tiong; in ū bák-chiu thang khoàⁿ, iáh m̄-khoàⁿ; ū hī-khang thang thiaⁿ, iáh m̄-thiaⁿ; in-ūi in sī poē-gék ê ke. ³Sóⁿ-í jîn-chú ah, lí tiòh ūi ka-kī pī-pān siū chhian-soá èng-iōng ê mih-kiāⁿ; tng-thâu pēh-jit tī in ê bák-chiu-chêng lâi chhian-soá; koh tiòh tùi lí ê sóⁿ-chāi tng in ê bák-chiu-chêng chhian-soá kàu pát-ūi; in sui-bóng sī poē-gék ê ke, kiám-chhái tùi án-ni oē siūⁿ. ⁴Lí tiòh tng-thâu pēh-jit, tī in ê bák-chiū-chêng, toà lí ê mih chhut-khì; chhin-chhiūⁿ toà siū chhian-soá èng-iōng ê mih chit-iūⁿ; kàu ê-hng, lí tiòh tī in ê bák-chiu-chêng ka-kī chhut-khì, chhin-chhiūⁿ siū-

liáh ê lāng chhut-khì chit-iūⁿ. ⁵Lí tiòh tī in ê bīn-chêng, tùi chhiūⁿ-piah iah-khang, tùi hit khang toà mih chhut-khì. ⁶Kàu jít àm, lí tiòh tī in ê bák-chiu-chêng, pē tī keng-thâu chhut-khì; iáh tiòh tà lí ê bīn, kàu bô khoàⁿ-kìⁿ toē; in-ūi Goá ēng lí choè Í-sek-liát-ke ê tiāu-thâu. ⁷Goá chiūⁿ chiàu sóⁿ hoan-hù--ê khì kiāⁿ, tng-thâu pēh-jit toà goá ê mih-kiāⁿ chhut-khì, chhin-chhiūⁿ toà siū chhian-soá èng-iōng ê mih-kiāⁿ; jít beh àm, goá ēng chhiú tùi chhiūⁿ iah khang; jít í-keng àm, chiūⁿ tng in ê bák-chiu-chêng pē tī keng-thâu toà chhut-khì. ⁸Kè chá-khí, Iâ-hô-hoa ê oē līm-kàu goá kóng, Jîn-chú ah, Í-sek-liát-ke, chiūⁿ sī poē-gék ê ke, kiám m̄-bat m̄ng lí kóng, Lí choè sīm-mih ah? ¹⁰Lí tiòh in in kóng, Chú Iâ-hô-hoa án-ni kóng, Chit ê khé-sī, koan-hē Iâ-lōⁿ-sat-léng ê kun-ông, í-kip in tiong-kan Í-sek-liát ê choân-ke. ¹¹Lí tiòh kóng, Goá choè lín ê tiāu-thâu; goá cháiⁿ-iūⁿ kiāⁿ in sóⁿ tú-tiòh--ê iā beh án-ni; in beh siū-liáh siū chhian-soá. ¹²In tiong-kan ê kun-ông iā beh tī jít àm ê sī, pē mih tī keng-thâu toà chhut-khì; in beh tùi chhiūⁿ iah khang, tùi hit khang toà mih chhut--khì; i beh khàm i ê bīn, in-ūi bák-chiu bô khoàⁿ-kìⁿ toē. ¹⁸Goá beh tiuⁿ Goá ê lô-bāng tī i ê téng-bīn, i beh hōⁿ Goá ê oáh-tauh tauh--tiòh; Goá beh toà i kàu Pa-pí-lūn, Ka-lék-tí lāng ê toē; i sui-jiân sí tī-hia, iā boē khoàⁿ-kìⁿ hit ê toē. ¹⁴Chiu-ūi it-chhè pó-hōⁿ i ê, kap i sóⁿ ū ê kun-tūi, Goá beh sì-soàⁿ in tī sì-hng; iā beh pūih-to tui-jip in. ¹⁵Goá hun-soàⁿ in tī liát-pang, sì-soàⁿ in tī liát-kok ê sī, in chiūⁿ chai Goá sī Iâ-hô-hoa. ¹⁶Chóng-sī Goá beh lâu in kúi-nā lāng, thoat-lī to-kiám, ki-hng, un-ék, hōⁿ in tī sóⁿ kàu ê ták-kok-tiong, kóng-khí in khó-òⁿ ê sū; in chiūⁿ chai Goá sī Iâ-hô-hoa.

¹⁷Iâ-hô-hoa ê oē koh lîm-kàu kóng, Jîn-chú ah, lí tiòh ngiáuh-ngiáuh-chhoah lâi chiáh lí ê piáⁿ, tiòh kiaⁿ-hiâⁿ chún-chat lâi lîm lí ê chúí.
¹⁹Lí tiòh tùi chit ê toē-hng ê peh-siⁿ kóng, Chú Iâ-hô-hoa lûn Iâ-lō·sat-léng, kap Í-sek-liát toē khiā-khí ê peh-siⁿ, án-ni kóng, In chiáh piáⁿ tiòh chún-chat, lîm chúí tiòh gông-ngiáh, in-ūi in tiong-kan khiā-khí ê chêng-lâng só· kiáⁿ kiông-pō ê sū, chit ê toē beh hong-hoē sit-lòh i só·-ū-ê. ²⁰Ū lêng khiā-khí ê siâⁿ beh pha-hng; toē iā beh hong-hoē; lín chiū chai Goá sī Iâ-hô-hoa.

²¹Iâ-hô-hoa ê oē koh lîm-kàu goá kóng, ²²Jîn-chú ah, tī lín Í-sek-liát toē, cháiⁿ-iūⁿ ū chit-hō siók-gú kóng, Sî-jit iân-chhiân, tīⁿ-siōng lóng bô èng-giām ah? ²³Só·-í lí tiòh kâ in kóng, Chú Iâ-hô-hoa án-ni kóng, Goá beh hō· chit ê siók-gú soah, Í-sek-liát tiong bô koh ēng chit-ê choē siók-gú; chóng-sī lí tiòh kâ in kóng, Sî-jit kûn--lah, ták ê tīⁿ-siōng ê èng-giām iā-sī án-ni. ²⁴Í-āu tī Í-sek-liát-ke ê tiong-kan, tek-khak bô koh ū hu-ké ê tīⁿ-siōng, sūn jîn-ì ê pok-koà. ²⁵In-ūi Goá chiū-sī Iâ-hô-hoa, Goá beh kóng, koh Goá só· kóng ê oē, beh èng-giām, bô koh iân-chhiân; lín chit ê poē-gèk ê ke ah, Goá beh tī lín oah-teh ê jít lâi kóng, lâi chiâⁿ--i; che sī Chú Iâ-hô-hoa kóng--ê.

²⁶Iâ-hô-hoa ê oē koh lîm-kàu goá kóng, Jîn-chú ah, khoàⁿ ah, Í-sek-liát-ke ê lêng kóng, I só· khoàⁿ-kìⁿ ê tīⁿ-siōng, sī siók tī choē-choē jít-āu ê sū, só· kóng ê chhâm-gú, sī chí kék-hng ê sī-kí. ²⁸Só·-í lí tiòh tùi in kóng, Chú Iâ-hô-hoa án-ni kóng, Goá ê oē bô chit-kù ū koh iân-chhiân, Goá só· kóng ê oē, tek-khak chiâⁿ--i; che sī Chú Iâ-hô-hoa kóng--ê.

13 Iâ-hô-hoa ê oē lîm-kàu goá kóng, Jîn-chú ah, lí tiòh soan-thoân lâi kong-kek Í-sek-

liát-tiong hiah-ê teh soan-thoân ê sian-ti, kâ hiah-ê chiàu i ka-kī ê sim-ì lâi soan-thoân--ê kóng, Lín tiòh thiaⁿ Iâ-hô-hoa ê oē. ³Chú Iâ-hô-hoa án-ni kóng, Hiah-ê gōng ê sian-ti, in ū chai-ē ah, in thàn ka-kī ê sim-sîn lâi kiâⁿ, pēng-bô khoàⁿ-kìⁿ chit-hāng. ⁴Í-sek-liát ah, lí ê sian-ti chhin-chhiūⁿ pha-hng ê só·-chāi ê hô·-lî. ⁵Lín bē-bat chiūⁿ-kàu phoà-khiah ê só·-chāi, iah bē-bat ūi-tiòh Í-sek-liát-ke ūi chit ê chhiūⁿ; thang tī Iâ-hô-hoa ê jít, chiàn-tīn khiā-oē-tiâu. ⁶In só· khoàⁿ-kìⁿ--ê sī hu-ké, sī pēh-chhát ê chiam-pok; in kóng, Che sī Iâ-hô-hoa kóng--ê, kī-sit Iâ-hô-hoa bô-iaⁿ chhe--in, in iáu teh òng-bāng hit ê oē oē èng-giām. ⁷Lín kiám-m̄-sī khoàⁿ-kìⁿ hu-ké ê tīⁿ-siōng mah? kiám-m̄-sī kóng pēh-chhát ê chiam-pok mah? lín kóng, Che sī Iâ-hô-hoa kóng--ê, kī-sit Goá bô chhe in kóng.

⁸Só·-í Chú Iâ-hô-hoa án-ni kóng, In-ūi lín só· kóng-ê sī hu-ké, só· khoàⁿ--ê sī pēh-chhát; khoàⁿ ah, in-ūi án-ni Goá kap lín hoán-tùi; che sī Chú Iâ-hô-hoa kóng--ê. ⁹Goá ê chhiū beh kong-kek hiah ê khoàⁿ-kìⁿ hu-ké, ēng pēh-chhát chiam-pok ê sian-ti; in tek-khak bô siók tī Goá ê peh-siⁿ ê hoē-tiong, bô kì tī Í-sek-liát ke ê lêng-miâ-phō; iah boē thang chìn-jíp Í-sek-liát toē; lín chiū chai Goá sī Chú Iâ-hô-hoa. ¹⁰In-ūi in iú-hék Goá ê peh-siⁿ kóng, Pēng-an, kī-sit bô-ū pēng-an; chiū-sī chhin-chhiūⁿ lêng khí chhiūⁿ-piaⁿ, in kâ i chhéng he-chúí. ¹¹Só·-í lí tiòh tùi hiah-ê chhéng he-chúí ê lêng kóng, Chhiūⁿ beh tó-hoāi, beh ū tiòng-chúí ê toā-hō; toā-pháuh ah, lín tiòh lòh--lâi, koh beh ū toā-hong chhe-lîh--i. ¹²Khoàⁿ ah, chhiūⁿ tó liáu-āu, lêng kiám bô beh tùi lín kóng, Lín só· chhéng ê he-chúí, taⁿ tī toh-lòh? ¹³Só·-í Chú Iâ-hô-hoa án-ni kóng, Goá beh tī Goá ê toā siū-

khì, ēng kông-hong thiah-lîh--i, tī Goá ê siū-khì beh ū tiòng-chúi ê toā-hō, iā tī Goá ê toā siū-khì beh lóh toā-pháuh lâi húi-biát--i. ¹⁴Goá beh án-ni thiah-húi lín chhéng he-chúi ê chhiūⁿ, thiah kàu pīⁿ-toē; tì-kàu chhiūⁿ-kì lō·hiān, chhiūⁿ beh tó-hoāi; lín iáh beh biát-bô tī hit tiòng-kan; lín chiū chai Goá sī Iâ-hô-hoa. ¹⁵Goá beh án-ni chiāⁿ Goá ê toā siū-khì tī hit ê chhiūⁿ, kap chhéng he-chúi ê lāng; iáh beh tùi lín kóng, Chhiūⁿ bô--khì lah, chhéng he-chúi ê lāng iáh bô--khì lah. ¹⁶Che chiū-sī Í-sek-liát ê sian-ti, in kī Iâ-lō·sat-léng lâi soan-thoân; ūi-tiòh i khoàⁿ-kìⁿ pêng-an ê ìⁿ-siōng, kī-sit bô-ū pêng-an; che sī Chú Iâ-hô-hoa kóng--ê.

¹⁷Jîn-chú ah, lí tiòh bīn tít-tít òng lí ê peh-siⁿ ê hū-lú, chiū-sī chiàu i ê sim-i lâi soan-thoân--ê; ¹⁸lí tiòh soan-thoân lâi kong-kek--i, kóng, Chú Iâ-hô-hoa án-ni kóng, Chiah ê hū-lú ū chai-ē ah, in kâ chêng-lāng ê chhiú-khiau pāng khò-tiām, kâ ták téng-hō sin-chhâi ê lāng choè tà thâu-khak ê phè, lâi chhiúⁿ lāng ê sîn-hûn! chóng-bô lín beh chhiúⁿ Goá ê peh-siⁿ ê sîn-hûn, ūi lī-ek ka-kī kiù oáh sîn-hûn mah? ¹⁹Lín ūi-tiòh kúi-nā pé toā-bêh, kúi-nā tè piáⁿ, tī Goá ê peh-siⁿ-tiòng siat-tòk Goá, tùi Goá hiah ê ài thiaⁿ pèh-chhát-oē ê peh-siⁿ, lâi kóng pèh-chhát, hāi-sí hiah-ê m̄ eng-kai sí ê sîn-hûn, iáh hō· m̄-eng-kai oáh ê sîn-hûn oáh. ²⁰Só·-í Chú Iâ-hô-hoa án-ni kóng, Khoàⁿ ah, Goá hoán-tùi lín ê khò-tiām, chiū-sī lín só· ēng lâi chhiúⁿ sîn-hûn hō· i pe-khì-ê; Goá beh tùi lín ê chhiú thiah--khí-lâi; Goá beh tháu-pàng hiah ê sîn-hûn, chiū-sī lín só· chhiúⁿ ê sîn-hûn, lâi hō· in pe--khì ê. ²¹Goá iáh beh thiah-lîh lín hiah ê phè, kiù Goá ê peh-siⁿ thoat-lī lín ê chhiú, bô koh siū chhiúⁿ tī lín ê chhiú-lâi; lín chiū chai Goá sī

Iâ-hô-hoa. ²²In-ūi hit hō gī-lāng, Goá bô hō· i siong-sim, lín ēng pèh-chhát oē hō· i siong-sim; koh lín kian-kò· pháíⁿ lāng ê chhiú, hō· i bô oát-thâu lī-khui i ê pháíⁿ-lō·, lâi tít-tiòh oáh. ²³Só·-í lín boē thang koh khoàⁿ-kìⁿ hu-ké, iáh boē thang koh chiam-pok. Goá beh kiù Goá ê peh-siⁿ thoat-lī lín ê chhiú; lín chiū chai Goá sī Iâ-hô-hoa.

14 Ū kúi-nā ê Í-sek-liát ê tiòng-ló lâi goá chia, chē tī goá ê bīn-chêng. ²Iâ-hô-hoa ê oē chiū līm-kàu goá kóng, ³Jîn-chú ah, chiah ê lāng í-keng chiong in ê ngó·siōng chiap-láp tī in ê sim, koh hē tì-kàu hoān-choē ê that-gāi tī ka-kī ê bīn-chêng. Goá kiám beh hō· i m̄ng mah? ⁴Só·-í lí tiòh tùi in kóng, Chú Iâ-hô-hoa án-ni kóng, Í-sek-liát-ke ê tiòng-kan kìⁿ-nā chiap-láp i ê ngó·siōng tī i ê sim-lāi ê lāng, koh hē tì-kàu hoān-choē that-gāi tī i ka-kī ê bīn-chêng, koh lâi chiū-kūn sian-ti--ê, Goá Iâ-hô-hoa tī i só· kiù ê sū, beh chiàu i ê choē-choē ngó·siōng lâi ìn-tap i; ⁵tì-kàu Goá thang hō· Í-sek-liát-ke sim-lāi ka-kī chek-pī, in-ūi in lóng ūi-tiòh in ê ngó·siōng kap Goá chhiⁿ-so·. ⁶Só·-í lí tiòh kâ Í-sek-liát-ke kóng, Chú Iâ-hô-hoa án-ni kóng, Tiòh hoē-thâu, oát-túg lī-khui lín ê ngó·siōng, oát-túg bīn, bóh-tít thàn lín it chhè khó·-ò· ê sū. ⁷In-ūi Í-sek-liát-ke ê lāng, á-sī tī Í-sek-liát tiòng kià-kha ê chhut-goā lāng, kìⁿ-nā kap Goá keh-tūg, chiap-láp i ê ngó·siōng tī i ê sim-lāi, koh hē tì-kàu hoān-choē ê that-gāi tī i ka-kī ê bīn-chêng, koh lâi chiū-kūn sian-ti, beh ūi ka-kī ê sū lâi m̄ng Goá--ê, Goá Iâ-hô-hoa beh pún-sin ìn-tap i. ⁸Goá beh òng hit-hō lāng pīⁿ-bīn, hō· i choè lāng ê kàm-kài, choè oē-piⁿ, hō· lāng gông-ngiáh; iáh beh tùi Goá ê peh-siⁿ-tiòng chián-tú i; lín chiū chai Goá sī Iâ-hô-hoa. ⁹Sian-ti nā bê-hék lâi kóng chit kù

oē, chiū-sī Goá Iâ-hô-hoa bê-hék hit ê sian-ti; Goá iah beh chhun-chhiú kong-kek i; chiong i tùi Goá ê peh-siⁿ Í-sek-liát-tiong tû-biát. ¹⁰In beh tam-tng ka-kī ê choē-koà, sian-ti ê choē-koà, kap kiū-mng i ê lāng ê choē-koà, lóng sī chit-iūⁿ. ¹¹Thang hō· Í-sek-liát-ke bô koh kiāⁿ bê-lō· lī-khui Goá, bô koh in-ūi ták-iūⁿ ê choē-koà phah lâ-sâm ka-kī; tók-tók beh choē Goá ê peh-siⁿ, Goá choē in ê Siōng-tè; che sī Chú Iâ-hô-hoa kóng--ê.

¹²Iâ-hô-hoa ê oē lîm-kàu goá kóng, ¹³Jîn-chú ah, nā ū kok tùi in ê poē-gék lâi tek-choē Goá, Goá iah chhun-chhiú kong-kek i, toān-choát i só· oá-khò ê bí-niū, hō· ki-hng lîm-kàu i, tùi in tiong-kan chián-tû lāng kap cheng-siⁿ, ¹⁴kī-tiong sui-jiân ū Ná-a, Tân-í-lí, Iok-pek, chí saⁿ-lāng; in chí-ū oē in-ūi in ê gī lâi kiū ka-kī ê siⁿ-miā nā-tiāⁿ; che sī Chú Iâ-hô-hoa kóng--ê. ¹⁵Goá nā hō· ok-siū keng-kè hit ê toē lâi sún-hoāi, hō· hit só·-chāi hong-hoē; in-ūi chiah ê siū ê iân-kò·, tì-kàu bô lāng tùi hia keng-kè, sui-jiân ū chí saⁿ-lāng tī in tiong-kan, Chú Iâ-hô-hoa kóng, Goá kí Goá ê éng-oah lâi chiū-choā, in boē kiū in ê kiáⁿ cha-bó·-kiáⁿ, chí ū in pún-sin tit-tiōh kiū nā-tiāⁿ, toē-hng iū-goân hong-hoē. ¹⁷Á-sī Goá hō· to-kiām lîm-kàu hit ê toē-hng kóng, To-kiām ah, lí tiōh keng-kè hit ê toē-hng, tì-kàu Goá tùi in tiong-kan chián-tû lāng kap cheng-siⁿ, ¹⁸sui-jiân ū chí saⁿ-lāng tī in tiong-kan, Chú Iâ-hô-hoa kóng, Goá kí Goá ê éng-oah lâi chiū-choā, in boē kiū in ê kiáⁿ cha-bó·-kiáⁿ, chí-ū in pún-sin tit-tiōh kiū nā-tiāⁿ. ¹⁹Á-sī Goá hō· un-ék liū-hêng hit ê toē-hng, hō· Goá piāⁿ-chhut biát miā ê toā siū-khi tī in ê téng-bīn, thang tùi in tiong-kan chián-tû lāng kap cheng-siⁿ, ²⁰sui-jiân ū Ná-a, Tân-í-lí, Iok-pek tī in tiong-kan, Chú Iâ-hô-hoa kóng, Goá chí

Goá ê éng-oah lâi chiū-choā, in boē kiū in ê kiáⁿ cha-bó·-kiáⁿ, chí-ū oē in-ūi in ê gī lâi kiū ka-kī ê siⁿ-miā nā-tiāⁿ. ²¹Chú Iâ-hô-hoa án-ni kóng, Hô-hòng Goá chiong Goá si-hāng ê toā chai-ē, chiū-sī to-kiām, ki-hng, ok-siū, un-ék, kàng-lòh tī Iâ-lō·-sat-léng, tùi hit tiong-kan chián-tû lāng kap cheng-siⁿ, kiám-m-sī koh-kah boē kiū--tit mah? ²²Khoàⁿ ah, beh ū só· chhun ê lāng lâu-teh, chiū-sī siū liāh--chhut-lâi ê kiáⁿ cha-bó·-kiáⁿ, khoàⁿ ah, in beh chhut-lâi kàu lín chia, lín beh khoàⁿ in ê só· kiāⁿ só· choē, chiū lín lūn-kàu Goá só· kàng-lòh tī Iâ-lō·-sat-léng ê chai-ē, chiū-sī Goá it-chhè kàng-lòh tī in téng-bīn ê, beh tit-tiōh an-ūi. ²³Lín khoàⁿ in só· kiāⁿ só· choē--ê, beh siū an-ūi; chiū chai Goá tī Iâ-lō·-sat-léng só· kiāⁿ--ê, m-sī bô iân-kò·; che sī Chú Iâ-hô-hoa kóng--ê.

15 Iâ-hô-hoa ê oē lîm-kàu goá kóng, Jîn-chú ah, phû-tô-chhiū chiū-sī chhiū-nâ-lâi chhiū-bák-tiong ê chit-ki, i pí ták-hō chhiū ū sím-mih kah-iāⁿ? ³Kiám oē thang tùi i chhiū chhâ-liāu choē sím-mih lô·-ēng? á-sī thang ēng i choē khít-á lâi tiâu sím-mih khi-kū mah? ⁴Khoàⁿ ah, sī hiat tī hé--nih choē hé-chhâ, siang-thâu í-keng hō· hé sio-liáu, tiong-ng iah siū-sio, iáu ū sím-mih lô·-ēng ah? ⁵Khoàⁿ ah, hó-hó ê sī, siōng-chhiáⁿ m-háp sím-mih lô·-ēng, hô-hòng hō· hé sio, í-keng pháiⁿ--khi, iáu oē háp sím-mih lô·-ēng ah? ⁶Só·-í Chú Iâ-hô-hoa án-ni kóng, Chhin-chhiūⁿ chhiū-nâ-lâi chiah ê chhiū-tiong ê phû-tô, Goá só· kau-hù tī hé-tiong choē hé-chhâ--ê, Goá iah beh chiàu án-ni khoán-thāi Iâ-lō·-sat-léng khiā-khi ê peh-siⁿ. ⁷Goá beh tùi in pìⁿ-bīn; in tùi hé-tiong chhut-lâi, chóng-sī hé beh sio-biát in. Goá tùi in pìⁿ-bīn ê sī, lín chiū chai Goá sī Iâ-hô-hoa. ⁸Goá beh hō· chit só·-chāi hong-

hoè, in-ūi in kiāⁿ tãi-chì lăi hoăn-choē; che sī Chú Iâ-hô-hoa kóng--ê.

16 Iâ-hô-hoa ê oē koh lîm-kàu goá kóng, Jîm-chú ah, lí tiòh hō· Iâ-lō·sat-léng chai i hiah ê khó-òⁿ ê sū, kóng, Chú Iâ-hô-hoa tùi Iâ-lō·sat-léng án-ni kóng, Lí ê pún-goân, lí ê chhut-sì, sī tī Ka-lâm toē; A-mô·lī lāng sī lí ê lău-pē, lí ê lău-bú sī Hek-lāng. ⁴Lūn-kàu lí chhut-sì ê keng-hóng, tng lí chhut-sì ê jît bô kâ lí tng-châi; iā bô ēng chúi kâ lí soé hō· lí chheng-khì; lóng bô kâ lí sám iâm, iah bô ēng pò· kâ lí pau. ⁵Bô lāng khoàⁿ-kò· lí, kâ lí choè chiaⁿ ê sū, lîn-bín lí; lí chhut-sì ê jît hiat tī chhân-ia, sī in-ūi lí hō· lāng iâm-òⁿ. ⁶Goá tùi lí hia kè, khoàⁿ-kìⁿ lí kô tī lí ê huìh-lăi, chiū tùi lí kóng, Lí sui-jîan tī lí ê huìh-tiong, iáu-kú thang oáh; Goá sit-châi tùi lí kóng, Lí sui-jîan tī lí ê huìh-tiong, iáu-kú thang oáh. ⁷Goá hō· lí tióng-sêng, chhin-chhiūⁿ chhân-nih só· hoat-siⁿ--ê, koh lí chiām-chiām chiaⁿ-choè toā-lāng, bîn-mău chheng-siū, lîn phòng, thâu-mng tng; chóng-sī lí iū-goân chhiah-sin lô·thé. ⁸Goá tùi lí hia kè, khoàⁿ-kìⁿ lí; khoàⁿ ah, hit-sī sī lí heng-khí ài-chêng ê sī; Goá chiū ēng saⁿ-á-ku khâm lí, jia lí ê theng-theh-theh; koh tùi lí chiū-choā, kap lí kiát-iok; lí chiū siók tī Goá; che sī Chú Iâ-hô-hoa kóng--ê. ⁹Hit-sī Goá ēng chúi soé lí, soé chheng-khí lí sin-thé ê huìh, koh ēng iū boah lí. ¹⁰Goá hō· lí chhēng siū-hoe ê saⁿ, iah hō· lí chhēng hái-káu phē ê oē, iah ēng iū-toē-pò· hō· lí hā-io; koh ēng tiū-toān choē-saⁿ hō· lí moa. ¹¹Goá ēng chng-thāⁿ ê mih chng-thāⁿ lí; ēng chhiú-khoân koà tī lí ê chhiú, ēng kim-liân-á koà tī lí ê âm-kún. ¹²Goá iah ēng khoân khoà tī lí ê phīⁿ; ēng hī-kau koà tī lí ê hī-á, ēng súi ê bô tī tī lí ê thâu-khak. ¹³Án-ni, lí chiū ū kim-gûn ê chng-thāⁿ; só· chhēng--ê sī iū-toē-pò·,

kap tiū-toān, kap siū-hoe ê saⁿ; só· chiaⁿ-ê sī iū-iū ê mī, phang ê bit, kap iū; lí iah kék-kī súi, hoat-tát kàu ông-hō· ê chun-kùi. ¹⁴Lí súi ê miâ-siaⁿ thoân tī liát-kok-tiong; sī tùi lí ê súi oân-choân, in-ūi Goá ū ēng Goá ê ēng-kng hō· lí; che sī Chú Iâ-hô-hoa kóng--ê.

¹⁵Tòk-tòk lí oá-khò ka-kī ê súi, koh in-ūi lí ê miâ-siaⁿ, chiū kiāⁿ im-loân; lí hòng-chhiòng im-iók, hō· kè-lō· lāng chhut-châi i ê i-sù lăi kiāⁿ. ¹⁶Koh ēng lí ê saⁿ, chng-thāⁿ koàiⁿ ê só· châi, ngó·sek lóng chiaⁿ-pī; tī hit téng-bîn kiāⁿ im-loân; chit hō· sū bô beh lăi, iah bô koh ū. ¹⁷Lí iah chú Goá só· hō· lí kim-gûn súi ê pó-khì; ūi-tiòh ka-kī choè lāng ê siōng, kap i kiāⁿ-im. ¹⁸Koh ēng lí siū-hoe ê saⁿ kâ i moa, iah ēng Goá ê ko-iū, Goá ê hiuⁿ-liău, pài tī i ê bîn-chêng. ¹⁹Koh Goá só· siūⁿ-sù lí ê chiaⁿ-mih, iū-mī, kap iū kap bit, Goá só· ēng lăi iūⁿ-chhi lí--ê, lí chiū ēng--i, pài tī in ê bîn-chêng, lăi choè phang-bī, sit-châi ū án-ni; che sī Chú Iâ-hô-hoa kóng--ê. ²⁰Koh lí ēng lí ê kiāⁿ, lí ê cha-bó·-kiāⁿ, chiū-sī lí só· kâ Goá siⁿ--ê, lăi hiân hō· in chiaⁿ; lí kiāⁿ chiaⁿ ê im-loân, kiám sī sió-khoá sū? ²¹Lí keng-jîan koh thâi-sí Goá chiaⁿ ê kiāⁿ lăi kau-hù i, hō· in keng-kè hé lăi kui tī i? ²²Lí kiāⁿ chiaⁿ-ê it-chhè khó-òⁿ kap im-loân ê sū lóng bô siūⁿ-tiòh lí soè-hàn chhiah-sin lô·thé, kô tī lí huìh-tiong ê jît. ²³Chú Iâ-hô-hoa kóng, Lí ū chai-ē ah, ū chai-ē ah; ²⁴Lí kiāⁿ che it-chhè pháiⁿ-tăi í-ău, koh ūi ka-kī khí hoe-lău, tī ták tiâu koe-lō· khí koàiⁿ-tăi. ²⁵Lí tī it-chhè koe-lō·-kháu khí koàiⁿ-tăi, hō· lí ê súi piàn choè khó-òⁿ--ê; koh kap it-chhè kè-lō·--ê choē-choē kiāⁿ im-loân. ²⁶Lí iah kap lí keh-piah kok, hòng-chhiòng chêng-iók ê Ai-klp lāng kiāⁿ-im, ke-thiⁿ lí ê im-loân, jiá Goá siū-khì. ²⁷Khoàⁿ ah, Goá chhun-chhut Goá ê chhiú kong-kek lí; kiám-chió lí èng-iōng

ê mih; koh chiong lí kau hō· oàn-hūn lí ê Hui-lī-sū hiah ê cha-bó·-gín-á, hō· in chhut-chāi ì-sù khoán-thāi lí; in khoàⁿ-kìⁿ lí kiāⁿ pháiⁿ, lâi kiàn-siàu. ²⁸Lí in-ūi hòⁿ-sek put-ti-chiok, koh kap A-sút lāng kiāⁿ-îm; kap in kiāⁿ-îm liáu-āu, iū-goân bô moá-ì. ²⁹Lí koh tī Ka-lâm toē kàu Ka-lék-tí kiāⁿ choē-choē ìm-loān, iáu-kú bô moá-ì. ³⁰Chú Iā-hô-hoa kóng, Lí kiāⁿ che it-chhè ê sū, sī pà-sèng ìm-hū ê só· kiāⁿ, khó-kiàn lí ê sim sī joā loán-jiók. ³¹In-ūi lí tī it-chhè koe-lō·-kháu khí hoe-lâu, tī ták tiâu koe-lō· khí koāiⁿ-tâi; in-ūi lí bô chhin-chhiūⁿ pát ê chhiong-ki, m̄-tih chíⁿ. ³²Goā! Lí chit ê kiāⁿ-îm ê bó· ah, beh tih pát-lāng lâi thoē tiōng-hu! ³³Lāng sī ēng mih sàng chhiong-ki, lí hoán-túg ēng mih sàng lí siong-hó ê lāng, chhiáⁿ in tùi sì-ūi lâi kap lí kiāⁿ-îm. ³⁴Lí ê kiāⁿ-îm kap pát ê hū-jîn-lāng tui-hoán; in-ūi m̄-sī lāng chhē lí kiāⁿ-îm, sī lí ēng mih sàng lāng, m̄-sī lāng sàng lí; só·-í lí kap pát-ê hū-jîn-lāng tui-hoán.

³⁵In-ūi án-ni, lí chit ê chhiong-ki ah, tiōh thiaⁿ Iā-hô-hoa ê oē; ³⁶Chú Iā-hô-hoa án-ni kóng, In-ūi lí piàⁿ-chhut lí ê ù-oē; lí kap lí só· siong-hó--ê thng-theh-theh kiāⁿ-îm; koh in-ūi lí só· pài it-chhè khó-òⁿ ê ngó·-siōng, koh ūi-tiōh só· lâu lí chiah ê kiáⁿ ê huìh, chiū-sī lí só· hiàn hō· in--ê; ³⁷khoàⁿ ah, in-ūi án-ni, Goá beh chū-chíp lí it-chhè siong-hó--ê, chiū-sī lí bat kap i iàn-lók--ê, kap lí it-chhè só· thiàⁿ--ê, lí it-chhè só· oàn-hūn-ê, Goá beh tui sì-ūi chū-chíp lâi kong-kek lí, iah beh tui in lō·-chhut lí ê thng-theh, hō· in-khoàⁿ lí ê thng-theh. ³⁸Goá iah beh sím-phoàⁿ lí, chhin-chhiūⁿ sím-phoàⁿ kiāⁿ-îm kap thāi-lāng ê hū-jîn-lāng chit-iūⁿ; Goá beh ēng toā siū-khì tò·khī, hō· lí lâu-huìh. ³⁹Goá koh beh chiong lí kau tī in ê chhiú, in beh thiah-húi lí ê hoe-lâu,

húi-hoài lí ê koāiⁿ-tâi, thng lí ê saⁿ, chhiúⁿ lí súi ê pó-khì; lâu lí chhiah-sin lō·-thé. ⁴⁰In iā beh chhoā choē-choē lāng khí--lâi kong-kek lí, ēng chiòh-thâu tìm-sí lí, ēng to-kiām chhák-thâu lí. ⁴¹Ēng hé sio lí ê chhù-thé, tī choē-choē hū-jîn-lāng ê bīn-chēng sím-phoàⁿ lí; Goá tek-khak hō· lí bô koh kiāⁿ-îm, iah bô koh sàng lāng mih. ⁴²Án-ni, Goá òng lí ê toā siū-khì beh soáh, Goá ê tò·khī iah beh lī-khui lí; Goá beh an-chēng bô koh siū-khì. ⁴³In-ūi lí boē-kì-tit lí soē-hàn ê jít, tī che it-chhè ê sū lâi kek Goá; só·-í Goá beh chiàu lí só· kiāⁿ--ê, pò-èng tī lí ê thau-khak-téng; hō· lí bô koh kiāⁿ-îm, ke-thiⁿ tī lí it-chhè khó-òⁿ ê sū; che sī Chú Iā-hô-hoa kóng--ê.

⁴⁴Khoàⁿ ah, kìn-nā kóng siók-gú--ê, beh ēng siók-gú thoé-thak lí, kóng, Lāu-bú án-ni, cha-bó·-kiáⁿ iā sī án-ni. ⁴⁵Lí chin-chiàⁿ sī lín lāu-bú ê cha-bó·-kiáⁿ, iām-chiān i ê tiōng-hu kap kiáⁿ-jī; lí chin-chiàⁿ sī lín chí-bē ê chí-bē, iām-chiān in ê tiōng-hu kap kiáⁿ-jī; lín lāu-bú sī Hek lāng, lín lāu-pē sī A-mô·-lī lāng. ⁴⁶Lí ê toā-chí sī Sat-má-lī-a, i kap i ê chēng cha-bó·-kiáⁿ tiām tī lí ê tò-pēng; lí ê sió-bē sī Só·-to-má, i kap i ê chēng cha-bó·-kiáⁿ tiām tī lí ê chiàⁿ-pēng. ⁴⁷Lí bô òh in ê só·-kiāⁿ, iah bô chiàu in khó-òⁿ ê sū khì choē; lí liáh choē sió-khoá sū, lí it-chhè só·-kiāⁿ-ê, pí in khah-chhau. ⁴⁸Chú Iā-hô-hoa kóng, Goá kí Goá ê éng-oáh lâi chiū-choā; lí ê sió-bē Só·-to-má, kap i chēng cha-bó·-kiáⁿ, bē ū kiāⁿ lí kap lí chēng cha-bó·-kiáⁿ só· kiāⁿ ê sū. ⁴⁹Khoàⁿ ah, lí ê sió-bē Só·-to-má ê choē sī chit-khoán; i kap i ê chēng cha-bó·-kiáⁿ, sim-chì kiau-ngō·, bí-niū pá-chiok, hióng-siū an-iát; lóng bô hū-chō· khùn-khó· kap sòng-hiong lāng ê chhiú. ⁵⁰In chū-ko, tī Goá ê bīn-chēng kiāⁿ khó-òⁿ ê sū, Goá khoàⁿ-liáu chiū chiong in tū--khì.

⁵¹Sat-má-lī-a só· hoān ê choē bô lí ê chít-poàn; lí ke-thiⁿ khó-òⁿ ê sū pí in khah-choē, koh tùi lí só· kiāⁿ it-chhè khó-òⁿ ê sū, hō· lí ê chí-bē hián-bêng sī gī. ⁵²Lí kì-jian toàn-tēng lí ê chí-bē choē-gī, chiū tiōh tam-tng lí ka-kī ê lēng-jiók; in-ūi lí só· hoān ê choē pí in khah khó-òⁿ, in chiū pí lí khah gī; lí í-keng hō· lí ê chí-bē hián-bêng sī gī, lí chiū tiōh kiàn-siàu, tam-tng ka-kī ê lēng-jiók. ⁵³Goá beh hō· in siū-liáh-ê tò-túg--lái; chiū-sī hō· Só-to-má kap i ê cheng cha-bó·-kiáⁿ siū-liáh-ê, Sat-má-lī-a kap i ê cheng cha-bó·-kiáⁿ siū-liáh--ê, í-kip in tiong-kan lín siū-liáh--ê, lóng tò-túg--lái. ⁵⁴Thang hō· lí tam-tng ka-kī ê lēng-jiók, koh tùi lí it-chhè só· kiāⁿ hō· in tit-tiōh an-ùi--ê, lái kiàn-siàu. ⁵⁵Lí ê chí-bē Só-to-má, kap i ê cheng cha-bó·-kiáⁿ, beh tò-lái goân-ūi; Sat-má-lī-a, kap i ê cheng chá-bó·-kiáⁿ, beh tò-lái goân-ūi; lí, kap lí ê cheng cha-bó·-kiáⁿ, iáh beh tò-lái goân-ūi. ⁵⁶Tng lí kiau-ngō· ê jlt, lí ê chhui bô kóng-khi lí ê sió-bē Só-to-má, ⁵⁷hit-sī lí ê pháiⁿ iáu-bē hoat-hián, A-lân chiaⁿ ê cha-bó·-kiáⁿ, lián i sî-úi ê lāng, iáu-bē lēng-jiók lí; Hui-lī-sū chiaⁿ cha-bó·-kiáⁿ, pēng-sò· tī sî-úi biáu-sī lí--ê, i iā bē ū lēng-jiók lí. ⁵⁸Iâ-hô-hoa kóng, Lí hòⁿ-îm kap khó-òⁿ ê sū, lí í-keng tam-tng lah. ⁵⁹In-ūi Chú Iâ-hô-hoa án-ni kóng, Lí poē-iok khoàⁿ-khin chiū-choā, Goá beh chiàu lí só· kiāⁿ lái khoán-thāi lí. ⁶⁰Chóng-sī Goá beh tui-liām Goá tī lí siàu-lián ê sī, kap lí só· līp ê iok; iáh beh kap lí siat-līp éng-oán ê iok. ⁶¹Tng lí chiap-láp lí ê chí-bē, chiū-sī lí ê toā-chí kap lí ê sió-bē ê sī, lí beh kî-tit lí só· kiāⁿ--ê lái kiàn-siàu; Goá iáh beh chiong in hō· lí choē cha-bó·-kiáⁿ, tók-tók m̄-sī tùi lí ê iok. ⁶²Goá beh kap lí siat-līp Goá ê iok, lí chiū chai Goá sī Iâ-hô-hoa; ⁶³kàu Goá sià-bián lí it-chhè só· choē ê sī, lí kî-tit chiū

kiàn-siàu; koh in-ūi lí ê lēng-jiók, chiū bô koh khui-chhui; che sī Chú Iâ-hô-hoa kóng--ê.

17 Iâ-hô-hoa ê oē lîm-kàu goá kóng, Jîn-chú ah, lí tiōh tùi Í-sek-liát ke chhut-chhai, siat phî-jū; ³kóng, Chú Iâ-hô-hoa án-ni kóng, Ū chit chiaⁿ toā eng, sít-kó· toā, sít-bé tng, m̄ng-chháu chât, ū ngó·-chhái-sek, pe kàu Lī-pa-lùn, chhú pek-hiuⁿ-chhiū tiong-ki ê ki-bé. ⁴At-chih i chīn bé-liu chíⁿ ê ki, kâⁿ kàu seng-lí-tiūⁿ, hē tī boé-boē ê lāng ê siáⁿ. ⁵Koh chhú hit só·-chāi ê cheng, chai tī pui-toē, chhah tī choē-choē chúⁱ ê piⁿ-thâu, chhin-chhiūⁿ chai liú-chhiū. ⁶Chiū chiām-chiām toā-chang, chiāⁿ-choē pha-tin kē-kē ê phû-tô-chhiū; i ê ki choán òng hit chiaⁿ eng, kun tī i ê ē-bīn; tùi án-ni chiāⁿ-choē phû-tô-chhiū, siⁿ ki hoat tin. ⁷Koh ū chit chiaⁿ toā eng, sít toā, m̄ng chât, khoàⁿ ah, chit ê phû-tô-chhiū tùi chai-cheng ê só·-chāi oan i ê kun òng i, hoat i ê ki òng i, òng-bāng i koan-ak. ⁸I chai tī pui-toē, choē-choē chúⁱ ê piⁿ-thâu, thang hoat-ki kiat ké-chí, chiāⁿ-choē hó ê phû-tô-chhiū. ⁹Lí tiōh kóng, Chú Iâ-hô-hoa án-ni kóng, Chit ê phû-tô-chhiū kiám oē hoat-ām? eng kiám boē puih i ê kun, tū i ê ké-chí, hō· i ko-tâ mah? hō· i iù ê hiōh lóng ko-tâ, iā m̄-bián ēng toā-lát kap choē-choē lāng puih-chhut i ê kun. ¹⁰I í-keng chai-cheng, kiám oē hoat-ām mah? tang-hong chit-ē chhe--i, kiám boē lóng ko-tâ mah? beh tī i hoat-siⁿ ê só·-chāi ko-tâ.

¹¹Iâ-hô-hoa ê oē koh lîm-kàu goá kóng, ¹²Lí tiōh kâ hit ê poē-gék ê ke kóng, Lín kiám m̄-chai chiaⁿ-ê sī sím-mih ì-sù mah? Lí tiōh kâ in kóng, Pa-pí-lûn ông kàu Iâ-lō·-sat-léng, liáh i ê kun-ông kap kù-chók, toā kàu i Pa-pí-lûn hia. ¹³Tùi ông-chhin ê tiong-kan, keng chit-lāng, kap i līp-iok, kah i chiū-choā; koh

liáh kok-lāi ũ sè-lék ê lâng; ¹⁴beh hō· kok pi-bi boē-oē chū-kiông, tók-tók siú bêng-iok, chiū tit-tiòh pó-chûn. ¹⁵Chóng-sī i poē-poân; chhe sù-chiá khi Ai-kíp, ài in hō· i bé kap choē-choē peng; i kiám oē heng-thong mah? kiâⁿ chit hō sū ê lâng, kiám oē tô-thoat mah? kiám ũ poē-iok, iáu cháu oē lī mah? ¹⁶Chú Iâ-hô-hoa kóng, Goá kí ka-kī ê éng-oáh lâi chiù-choā, Pa-pí-lûn ông siat-líp i choè-ông, i keng-jian biáu-sī chiù-choā ê oē, poē só· líp ê iok; in-ūi án-ni, i tek-khak sí tī Pa-pí-lûn ông só· tiàm ê só·-chāi. ¹⁷Tng in khí thô·-tui, chō tái, beh biát-bô choē-choē lâng ê sī, Hoat-ló choā toā tui peng, kap choē-choē lâng lâi; iā boē tī kau-chiàn-tiong pang-chān i. ¹⁸I poē-iok lâi biáu-sī chiù-choā, khoàⁿ ah, i í-keng tâu-hâng, iáu-kú choè-chhut chia-hê it-chhè ê sū, i tek-khak boē-oē tô-thoat. ¹⁹Só·-í Chú Iâ-hô-hoa án-ni kóng, Goá kí Goá ê éng-oáh lâi chiù-choā, i í-keng khoàⁿ-khin chí Goá só· chiù ê choā, poē-biū chí Goá só· líp ê iok; Goá beh chiong chit ê choē kui tī i ê thâu-khak. ²⁰Goá beh ēng Goá ê bāng pha tī i ê sin-chiūⁿ, i beh hō· Goá ê oáh-tauh tauh--tiòh; Goá beh toà i kàu Pa-pí-lûn, iáh beh tī-hia sím-mng i kan-hoan Goá ê choē. ²¹I ê kun-tui-tiong tô-cháu--ê, lóng beh tó tī to-ē; só· chhun--ê, iáh beh sì-soàⁿ tī sì-hng; lín chiū chai kóng chit ê oē--ê, sī Goá Iâ-hô-hoa.

²²Chú Iâ-hô-hoa án-ni kóng, Goá iáh beh chhú pek-hiūⁿ-chhiū tiong-ki koàiⁿ ê bé-liu, lâi chai--i; iáh beh tui i chíⁿ ê ki ê bé-liu, at-chhih i nng ê ki; chai tī koàiⁿ-koàiⁿ ê soaⁿ. ²³Goá beh chai i tī Í-sek-liát koàiⁿ-toē ê soaⁿ, i chiū khui-ki kiát-chí, chiâⁿ-choè hó ê pek-hiūⁿ-chhiū; kok-iūⁿ ê pe-chiáu beh hiòh tī i ê ē-bm, hiòh tī i ê ki ê ìm-ng-ē. ²⁴Chhân-ia ê chhiū-bák lóng beh chai Goá Iâ-hô-hoa hō·

koàiⁿ ê chhiū kàng-kē, kē ê chhiū seng koàiⁿ, chhiⁿ-chhiū ê chhiū ko·-tâ, ko·-tâ ê chhiū bō·-seng; Goá Iâ-hô-hoa án-ni kóng i, iā chiâⁿ i.

18 Iâ-hô-hoa ê oē koh lîm-kàu goá kóng, Lín tī Í-sek-liát toē siáⁿ-sū ēng chit ê siók-gú kóng, Lâu-pē chiáh sng ê phû-tô, kiâⁿ ê chhiū-khi sng-nng? ³Chú Iâ-hô-hoa kóng, Goá kí Goá ê éng-oáh chiù-choā kóng, Lín tī Í-sek-liát-tiong bô in-iú thang koh ēng chit ê siók-gú. ⁴Khoàⁿ ah, lóng-chóng ê sîn-hûn sī siók tī Goá; chhin-chhiūⁿ lâu-pē ê sîn-hûn siók tī Goá, kiâⁿ ê sîn-hûn iā sī án-ni; hoan-choē ê sîn-hûn, i beh sí. ⁵Lâng nā kong-gī, kiâⁿ kong-pêng kap gī-lí, bē-bat chiūⁿ soaⁿ-têng chiáh chè-mih, bē-bat gióng-bông Í-sek-liát-ke ê ngó·-siông, bē-bat phah lâ-sâm chhiū-piⁿ ê bó·, bē-bat chhin-kun keng-kî-lâi ê hū-jîn-lâng; bē-bat khui-hū lâng, sī chiong khiàm-chè ê lâng ê tng-thâu hêng i, bē-bat kiông-chhiūⁿ lâng ê mih, sī ēng chiáh-mih hō· iau ê lâng chiáh, ēng i-chiūⁿ hō· thng-theh ê lâng chhêng, bē-bat kâ chioh-chiⁿ ê lâng thó lī-sek, iā bô thêh lâi-chiⁿ, kiu-chhiú bô choè-pháiⁿ, tī líong-pêng ê lâng ê tiong-kan chiàu kong-tō phoàⁿ-koat, ⁹sun-thàn Goá ê lút-lê, chip-siú Goá ê hoat-tō·, chiàu sêng-sít kiâⁿ tãi-chì, che sī gī-lâng, tek-khak tit-tiòh oáh; che sī Chú Iâ-hô-hoa kóng--ê. ¹⁰Siat-sú i siⁿ chit ê kiâⁿ, choè kiông-tō, choè thài-lâng-ê, á-sī kiâⁿ hiah ê pháiⁿ ê chit-hâng, bô kiâⁿ téng-bîn só· kóng ê hó, hoan-túg chiūⁿ soaⁿ-têng chiáh chè-mih, koh phah lâ-sâm chhiū-piⁿ ê bó·, khui-hū khùn-khó· kap sòng-hiong ê lâng, kiông-chhiūⁿ lâng ê mih, bē-bat ēng tng-thâu hêng--lâng, gióng-bông ngó·-siông, kiâⁿ khó·-òⁿ ê sū, kâ chioh-chiⁿ ê lâng thó lī-sek, thêh lâi-chiⁿ; chit ê lâng kiám oē oáh mah? i tek-khak boē oáh; i kiâⁿ hiah ê it-chhè

khó-ò.ⁿ ê sū tek-khak tiòh sí; i ê choē beh kui tī i. ¹⁴Khoà.ⁿ ah, siat-sú i siⁿ chh̄t ê kiá.ⁿ, khoà.ⁿ-kì.ⁿ lâu-pē só.ⁿ kiā.ⁿ it-chhè ê choē, chiū kia.ⁿ-hiā.ⁿ, bô án-ni khi kiā.ⁿ; bē-bat chiū.ⁿ-soa.ⁿ chiá.ⁿ chè-mih, bē-bat gióng-bōng Í-sek-liát-ke ê ngó.ⁿ-siōng, bē-bat phah lâ-sâm chhù-pi.ⁿ ê bó.; bē-bat khui-hū lāng, bē-bat thèh lāng ê tng-thâu, bē-bat kiōng-chhiú.ⁿ lāng ê mih, sī ēng chiá.ⁿ-mih hō.ⁿ iau ê lāng chiá.ⁿ, ēng i-chiū.ⁿ hō.ⁿ thng-theh ê lāng chhēng, kiu-chhiú bô hāi sòng-hiong lāng, bô thó lāi-chi.ⁿ, bô thèh lī-sek, i sūn-thàn Goá ê hoat-tō.ⁿ, chip-siú Goá ê lút-lē, i chiū bô in-ūi lâu-pē ê choē-koà lāi sí-bô, tek-khak oē-oáh. ¹⁸Lūn-kàu i ê lâu-pē, in-ūi i khi-hū lāng chin siong-tiōng, kiōng-chhiú.ⁿ hia.ⁿ-tī, tī pún-chók-tiong kiā.ⁿ m̄-hó; khoà.ⁿ ah, i beh in-ūi ka-kī ê choē lāi sí. ¹⁹Lín iáu teh kóng, Kiá.ⁿ chái.ⁿ-iū.ⁿ bô tam-tng lâu-pē ê choē? Kiá.ⁿ nā kiā.ⁿ chng-tit, kap háp-lí ê sū, siú Goá it-chhè ê lút-lē lāi kiā.ⁿ--i; i tek-khak oē oáh. ²⁰Hoān-choē ê sūn-hūn, i beh sí; kiá.ⁿ tek-khak bô tam-tng lâu-pē ê choē, lâu-pē iā bô tam-tng kiá.ⁿ ê choē; gī-lāng ê gī beh kui tī i ka-kī; phái.ⁿ-lāng ê phái.ⁿ, iā beh kui tī i ka-kī. ²¹Phái.ⁿ-lāng nā hoē-thâu lī-khui só.ⁿ choē it-chhè ê choē-ok, chip-siú Goá it-chhè ê lút-lē, kiā.ⁿ chng-tit kap háp-lí ê sū, i tek-khak oē oáh, boē sí. ²²I só.ⁿ hoān it-chhè ê choē-koà bô koh kā i kì-tit; tī só.ⁿ kiā.ⁿ ê gī, i beh oáh. ²³Chú Iā-hô-hoa kóng, Phái.ⁿ-lāng sí-bô, kiám sī Goá só.ⁿ hoa.ⁿ-hí mah? Goá kiám-m̄-sī hoa.ⁿ-hí i hoē-thâu, lī-khui i só.ⁿ kiā.ⁿ ê lō, lāi tit-tiòh oáh mah? ²⁴Chóng-sī gī-lāng nā oát-thâu, lī-khui i ê gī, lāi hoān-choē, chiàu phái.ⁿ-lāng só.ⁿ kiā.ⁿ it-chhè khó-ò.ⁿ ê sū, lāi kiā.ⁿ; i kiám oē oáh mah? i só.ⁿ kiā.ⁿ it-chhè ê gī, lóng bô koh siū kì-liām, i beh tī só.ⁿ hoān ê choē, só.ⁿ kiā.ⁿ ê phái.ⁿ, sí tī hit tiong-kan.

²⁵Lín iáu teh kóng, Chú ê lō.ⁿ bô kong-pêng; Í-sek-liát-ke ah, lín tiòh thia.ⁿ; Goá ê lō.ⁿ kiám bô kong-pêng mah? kiám-m̄-sī lín ê lō.ⁿ bô kong-pêng mah? ²⁶Gī-lāng nā oát-thâu lī-khui i ê gī, lāi kiā.ⁿ choē-ok, tì-kàu ūi-tiòh án-ni lāi sí; i chiū in-ūi só.ⁿ kiā.ⁿ ê choē-ok lāi sí. ²⁷Koh phái.ⁿ-lāng nā hoē-thâu, lī-khui i só.ⁿ kiā.ⁿ ê phái.ⁿ, lāi kiā.ⁿ chng-tit kap háp-lí ê sū; i beh hō.ⁿ i ê sūn-hūn tit-tiòh oáh. ²⁸In-ūi i ū siū.ⁿ, hoē-thâu lī-khui i só.ⁿ hoān it-chhè ê choē-koà; i tek-khak oáh bô sí. ²⁹Í-sek-liát-ke iáu teh kóng, Chú ê lō.ⁿ bô kong-pêng; Í-sek-liát-ke ah, Goá ê lō.ⁿ kiám bô kong-pêng mah? kiám-m̄-sī lín ê lō.ⁿ bô kong-pêng mah? ³⁰Só.ⁿ-í Chú Iā-hô-hoa kóng, Í-sek-liát-ke ah, Goá beh chiàu lín ták-lāng só.ⁿ kiā.ⁿ--ê sīm-phoà.ⁿ lín; lín tiòh hoē-thâu, lī-khui só.ⁿ hoān it-chhè ê choē-koà; án-ni, choē-koà boē-oē hō.ⁿ lín pāi-bô. ³¹Lín tiòh chiong só.ⁿ hoān it-chhè ê choē-koà hiat-kák lī-khui lín; ūi ka-kī chiā.ⁿ chh̄t ê sin ê sīm, kap sin ê sūn; Í-sek-liát-ke ah, lín mih-sái tiòh sí? ³²Chú Iā-hô-hoa kóng, Lāng ê sí, Goá bô hoa.ⁿ-hí i ê sí; só.ⁿ-í lín tiòh hoē-thâu, lāi tit-tiòh oáh.

19 Lí tiòh ūi Í-sek-liát ê ông-chhin choē ai-ko, kóng, Lín lâu-bú sī sīm-mih? sī bú ê sai, phak tī chia.ⁿ ê sai ê tiong-kan; tī soē chia.ⁿ sai ê tiong-kan, iú.ⁿ-chhi i ê kiá.ⁿ. ³Tī i ê kiá.ⁿ ê tiong-kan, chhi chh̄t-chia.ⁿ kàu toā, hák-síp kā-mih lāi chiá.ⁿ-lāng. ⁴Liát-kok thia.ⁿ-kì.ⁿ, chiū tī in ê hām-khi.ⁿ liá.ⁿ-tiòh, ēng liān thoa i kàu Ai-kíp toē. ⁵Bú ê sai khoà.ⁿ pún-sin thng-hāu kàu sit-bāng; chiū tui i soē-chia.ⁿ sai ê tiong-kan koh chh̄t-chia.ⁿ, iú.ⁿ-chhi kàu toā. ⁶I tī chia.ⁿ ê sai ê tiong-kan cháu-lāi cháu-khi, chiā.ⁿ-choē ióng ê sai, hák-síp kā-mih lāi chiá.ⁿ-lāng. ⁷I chai in ê kiong-tiān, koh hō.ⁿ in ê siā.ⁿ pì.ⁿ-choē pha-hng, in-ūi i hīm-

hām-háu ê siaⁿ, piàn-toē kap kî-tiong só·-ū--ê chiū hong-hoè. ⁸Tùi án-ni sì-ùi ê pang-kok tùi ták-séng lāi kong-kek i, ēng bāng pha tī i ê téng-bīn; i siū-liáh tī in ê hām-khiⁿ. ⁹In kā i liān tī tū-nih, toà kàu Pa-pí-lūn ông hia; koaiⁿ--i tī kian-kò· ê só·-chāi; hō· i ê siaⁿ tī Í-sek-liát soaⁿ bô koh thiaⁿ-kìⁿ.

¹⁰Lín lāu-bú chēng chhin-chhiūⁿ phū-tô-chhiū, kék-kí bō·-sēng, chai tī chúí-piⁿ, in-ūi chúí choē, chiū kiát choē-choē ké-chí, hoat choē-choē ki. ¹¹Sìⁿ-chhut giám-ngī ê ki-oāiⁿ, thang choē chiáng-koân--ê ê koáiⁿ; i tī ām-ām ê ki-oāiⁿ-tióng choē kék koáiⁿ--ê; in-ūi koáiⁿ, chiū i ê oāiⁿ ê tióng-kí théng-khí hō· lāng khoàⁿ-kìⁿ. ¹²Chóng-sī chit-chāng phū-tô-chhiū, in-ūi toā siū-khì, tú-tiōh pūih--khí-lāi, hiát tī toē-nih; tang-hong chhe-ta i ê ké-chí, giám-ngī ê ki-oāiⁿ at-chit ko·-tā, hō· hé sio-lio--khì. ¹³Taⁿ chai tī khòong-iá ta-sò bô chúí ê toē. ¹⁴Koh tùi i ki-oāiⁿ ê koáiⁿ, ū hé hoat-chhut, sio i ê ké-chí; tì-kàu i bô giám-ngī ê ki-oāiⁿ, thang choē chiáng-koân--ê ê koáiⁿ; che sī thang ai-siong--ê, thang choē ai-ko.

20 Tē chhit--nī, gō·-gèh chhoe-cháp, ū Í-sek-liát ê tióng-ló kúi-nā lāng, lāi beh m̄ng Iâ-hô-hoa, chē tī goá ê bīn-chēng. ²Iâ-hô-hoa ê oē līm-kàu goá kóng, Jîn-chú ah, lí tiōh tùi Í-sek-liát ê tióng-ló kóng, kā i kóng, Chú Iâ-hô-hoa án-ni kóng, Lín lāi sī beh m̄ng Goá mah? Chú Iâ-hô-hoa kóng, Goá chí Goá ê éng-oáh lāi chiū-choā, Goá m̄ hō· lí m̄ng. ⁴Jîn-chú ah, lí beh sím-m̄ng in, sím-m̄ng in mah? lí tiōh hō· in chai in ê liát-chó· hiah ê khó·-òⁿ ê sū; ⁵tùi in kóng, Chú Iâ-hô-hoa án-ni kóng, Tng Goá keng Í-sek-liát ê jlt, òng Ngá-kok ke ê hō·-è, kiáh-khí Goá ê chhiú, tī Ai-klp toē hō· in bat Goá, tùi in kiáh-khí Goá ê chhiú, kóng, Goá sī Iâ-hô-hoa, lín ê Siōng-tè. ⁶Hit-jlt Goá

tùi in kiáh-khí chhiú beh chhoā in chhut Ai-klp toē, kàu Goá ūi-tiōh in só· kóng, lāu ni kap bit ê toē; hit ê toē tī bān-kok-tióng sī khah ū ēng-kng--ê. ⁷Goá tùi in kóng, Lín ták-lāng tiōh khi-sak bák-chiu só· hoaⁿ-hí hiah ê khó·-òⁿ ê tãi; m̄-thang in-ūi Ai-klp ê ngó·-siōng phah lâ-sâm ka-kī; Goá sī Iâ-hô-hoa, lín ê Siōng-tè. ⁸Chóng-sī in poē-gék Goá, m̄-khéng thiaⁿ Goá, m̄ pàng-sak in ták-lāng bák-chiu só· hoaⁿ-hí hiah ê khó·-òⁿ ê tãi, m̄ lī-khui Ai-klp ê ngó·-siōng; Goá chiū kóng, Goá beh chiong Goá ê toā siū-khì piàⁿ tī in ê téng-bīn, tī Ai-klp toē tùi in it-chīm chiáⁿ Goá ê siū-khì. ⁹Tók-tók Goá in-ūi Goá ê miá ê iân-kò· kiáⁿ tãi-chì, bián-tit Goá ê miá tī in só· khiā-khí liát-pang-tióng ê bīn-chēng siū siat-tók; Goá chhoā in chhut Ai-klp toē, tī liát-pang-tióng ê bák-chiu-chēng hō· in bat Goá. ¹⁰Án-ni, Goá chiū hō· in chhut Ai-klp toē, chhoā in kàu khòong-iá. ¹¹Chiong Goá ê lút-lē siúⁿ-sù in, chiong Goá ê hoat-tō· chí-sī in; chiū-sī lāng nā kiáⁿ--i beh tùi i lāi tit-tiōh oáh--ê. ¹²Koh Goá ēng Goá ê an-hioh-jlt siúⁿ-sù in, thang tī Goá kap in ê tióng-kan choē chēng-kù; hō· in chai Goá Iâ-hô-hoa sī hō· in chiān-choē sēng--ê. ¹³Chóng-sī Í-sek-liát-ke tī khòong-iá poē-gék Goá, bô sūn-thàn Goá ê lút-lē, khi-sak Goá ê hoat-tō·, (chiū-sī lāng nā kiáⁿ--i, beh tùi i lāi tit-tiōh oáh--ê), toā-toā hoān-tiōh Goá ê an-hioh-jlt: Goá chiū kóng, beh tī khòong-iá chiong Goá ê toā siū-khì piàⁿ tī in ê téng-bīn, biát-bô in. ¹⁴Tók-tók Goá in-ūi Goá ê miá ê iân-kò· kiáⁿ tãi-chì, bián-tit Goá ê miá siū siat-tók tī liát-pang lāng ê bák-chiu-chēng, chiū-sī hiah ê khoàⁿ-kìⁿ Goá chhoā in chhut Ai-klp ê liát-pang. ¹⁵Koh Goá tī khòong-iá tùi in kiáh-khí Goá ê chhiú, kóng, Goá bô beh chhoā in jlp Goá só· siúⁿ-sù in lāu ni kap bit

ê toē, hit ê toē tī bān-kok-tiong khah ū êng-kng--ê. ¹⁶In-ūi in iām-chiān Goá ê hoat-tō̄, bô sūn-thàn Goá ê lút-lē, hoān-tiōh Goá ê an-hioh-jlt, in ê sim ì-hiòng in ê ngó-siōng. ¹⁷Sui-jian án-ni, Goá ê bák-chiū iáu-kú sī sioh in, bô húi-biát in, bô tī khòng-iá kā in biát liáu-liáu. ¹⁸Goá tī khòng-iá tui in ê kiáⁿ-jī kóng, Bóh-tit thàn lín lāu-pē ê lút-lē, bóh-tit siú in ê hoat-tō̄, iáh bóh-tit in-ūi in ê ngó-siōng phah lâ-sâm ka-kī. ¹⁹Goá sī Iâ-hô-hoa lín ê Siōng-tè, lín tiōh sūn-thàn Goá ê lút-lē, siú Goá ê hoat-tō̄ lâi kiáⁿ--i. ²⁰Koh ēng Goá chiah ê an-hioh-jlt choè-sèng; chiah ê jlt tī Goá kap lín ê tiong-kan choè cheng-kù, hō lín chai Goá sī Iâ-hô-hoa lín ê Siōng-tè. ²¹Tòk-tók in ê kiáⁿ-jī poē-gék Goá, bô sūn-thàn Goá ê lút-lē, iáh bô siú Goá ê hoat-tō̄ lâi kiáⁿ--i, (chiū-sī lāng nā kiáⁿ--i, beh tui i lâi tit-tiōh oáh--ê); in hoān-tiōh Goá ê an-hioh-jlt; Goá chiū kóng, Goá beh chiong Goá ê toā siū-khì piàⁿ tī in ê téng-bīn, tī khòng-iá it-chīn chiāⁿ Goá ê siū-khì kong-kek i. ²²Sui-jian án-ni, Goá iáu-kú kiu Goá ê chhiú, ūi-tiōh Goá ê miá ê iân-kò kiáⁿ tãi-chì, bián-tit Goá ê miá siū siat-tók tī liát-pang lāng ê bák-chiu-cheng, chiū-sī hiah ê khoàⁿ-kìⁿ Goá chhoā in chhut Ai-kip ê liát-pang. ²³Koh Goá tī khoàn-iá, tui in kiáh-khí Goá ê chhiú, kóng beh hun-soàⁿ in tī liát-kok, sī-soàⁿ in tī liát-pang. ²⁴In-ūi in bô thàn Goá ê hoat-tō̄, iām-chiān Goá ê lút-lē, hoān-tiōh Goá ê an-hioh-jlt, bák-chiu ì-hiòng in lāu-pē ê ngó-siōng. ²⁵Koh Goá ēng m̄-hó ê lút-lē, kap boē-oē tui i lâi tit-tiōh oáh ê hoat-tō̄, hō--in. ²⁶In ēng it-chhè ê thau-chiūⁿ-kiáⁿ keng-kè hé; Goá chiū tī in ê chè-sū kā in phah lâ-sâm, hō in hong-hoè; hō in chai Goá sī Iâ-hô-hoa.

²⁷Jīm-chú ah, lí tiōh tui Í-sek-liát-ke kóng

oē, kā in kóng, Chú Iâ-hô-hoa án-ni kóng, Lín ê liát-chó̄ tek-choē Goá, ēng án-ni siat-tók Goá. ²⁸In-ūi Goá chhoā in kàu Goá kiáh-khí chhiú beh siúⁿ-sù in ê toē; in khoàⁿ-kìⁿ ták ê koaiⁿ-soaⁿ, ták-chang âm ê chhiū; chiū tī-hia hiàn in hiah ê chè-sū, hiàn kek Goá siū-khì ê lé-mih, iáh tī-hia sio phang-phang ê seng-lé, kap koan-tiān. ²⁹Goá chiū tui in kóng, Lín só̄ chiūⁿ hit ê koaiⁿ-ūi sī sím-mih? i ê miá kiò-choē Pa-bâ, tit-kàu kin-á-jlt. ³⁰Só̄-í lí tiōh tui Í-sek-liát-ke kóng, Chú Iâ-hô-hoa án-ni kóng, Lín iū-goân chiàu lín liát-chó̄ só̄ kiáⁿ-ê, phah lâ-sâm ka-kī mah? iū-goân thàn in khó̄-òⁿ ê sū kiáⁿ-im mah? ³¹Lín hiàn lé-mih, hō lín ê kiáⁿ keng-kè hé ê sī, iū-goân chiong it-chhè ê ngó-siōng phah lâ-sâm ka-kī, kàu kin-á-jlt mah? Í-sek-liát-ke ah, Goá kiám beh hō lín m̄ng mah? Chú Iâ-hô-hoa kóng, Goá kí Goá ê éng-oáh lâi chiū-choā, Goá tek-khak m̄ hō lí m̄ng. ³²Lín kóng, Goán beh chhin-chhiūⁿ goā-pang lāng, chhin-chhiūⁿ liát-kok ê chong-chók, khì hók-sāi chhâ-ê, chiōh-ê; lín hoat-khí chit-hō sim-ì, toàn-toàn boē chiāⁿ. ³³Chú Iâ-hô-hoa kóng, Goá kí Goá ê éng-oáh lâi chiū-choā, Goá beh ēng toā koan-leng ê chhiú, kap chhun-chhut ê chhiú-kut, kap piàⁿ-chhut ê toā siū-khì choē lín ê ông. ³⁴Goá beh ēng toā koan-leng ê chhiú, kap chhun-chhut ê chhiú-kut, kap piàⁿ-chhut ê toā siū-khì tui liát-pang-tiong chhoā lín chhut, iáh tui lín sī-soàⁿ-khì hiah ê kok chū-chip lín. ³⁵Goá beh chhoā lín kàu goā-pang lāng ê khòng-iá, tī-hia tng-bīn sím-m̄ng lín. ³⁶Goá àn-cháiⁿ-iūⁿ tī Ai-kip toē ê khòng-iá sím-m̄ng lín ê liát-chó̄, iáh beh án-ni sím-m̄ng lín; che sī Chú Iâ-hô-hoa kóng--ê. ³⁷Goá beh hō lín keng-kè koaiⁿ-á-ē, iáh beh hō lín siū iok ê khu-sok. ³⁸Goá beh tui lín tiong-kan it-chīn tui hiah ê poē

gèk kap tek-choē Goá ê lâng; chhoā in chhut in kià-kha ê toē-hng, chóng-sī in boē-tit jip Í-sek-liát toē; lín chiū chai Goá sī Iâ-hô-hoa.³⁹Í-sek-liát-ke ah, lūn-kàu lín, Chú Iâ-hô-hoa án-ni kóng, Khi ah, ták-lâng hók-sāi i ê ngó·siōng, tók-tók āu-lâi tek-khak beh thiaⁿ Goá, bô koh ēng lé-mih kap ngó·siōng siat-tók Goá ê sèng-miâ.⁴⁰Chú Iâ-hô-hoa kóng, Tī Goá ê sèng-soaⁿ, chiū-sī Í-sek-liát koàiⁿ ê soaⁿ, tī-hia Í-sek-liát choân-ke ê chêng-lâng, beh tī hit ê toē hók-sāi Goá, tī-hia Goá beh chiap-láp lín, tī-hia Goá beh kâ lín thó lé-mih, kap lín khí-thâu-sék ê thó·sán, í-kip lín it-chhè ê sèng-mih.⁴¹Goá tùi chiaⁿ ê peh-siⁿ-tiòng chhoā lín chhut, tùi lín sì-soaⁿ--khì ê liát-kok-tiòng chū-chíp lín; hit-sī Goá beh chiap-láp lín chhin-chhiūⁿ phang-hiūⁿ; Goá beh tī lín tit-tiòh hián-bēng choē-sèng, hō· goā-pang lâng khoàⁿ-kìⁿ.⁴²Goá chhoā lín jip Í-sek-liát toē, chiū-sī Goá kiáh-khí Goá ê chhiú, kóng beh siúⁿ-sù lín liát-chó· ê toē, hit-sī lín chiū chai Goá sī Iâ-hô-hoa.⁴³Tī-hia lín beh kì-tit lín ê só·kiâⁿ só· choē, chiū-sī lín tùi hiah-ê lâi phah lâ-sâm lín ka-kī--ê; koh beh in-ūi lín só·kiâⁿ it-chhè ê pháiⁿ, lâi ka-kī iàm-òⁿ.⁴⁴Chú Iâ-hô-hoa kóng, Í-sek-liát-ke ah, Goá ūi-tiòh Goá ê miâ ê iân-kò·, bô chiàu lín ê pháiⁿ só·kiâⁿ kap lín ê hú-pāi ê só·choē khoán-thāi lín; lín chiū chai Goá sī Iâ-hô-hoa.

⁴⁵Iâ-hô-hoa ê oē līm-kàu Goá kóng, Jîn-chú ah, lí ê bīn tiòh òng lām-hng, òng lām-hng piàⁿ-chhut oē, kong-kek lām-hng chhân-iá ê chhiū-nâ lâi soan-thoân.⁴⁷Tùi lām-hng ê chhiū-nâ kóng, Tiòh thiaⁿ Iâ-hô-hoa ê oē; Chú Iâ-hô-hoa án-ni kóng, Khoàⁿ ah, Goá beh tī lí tiòng kan khí hé, sio lí tiòng-kan it-chhè chhiⁿ-chhiūi ê chhiū, kap ko·tâ ê chhiū; bég-liát ê hé-iām, tek-khak bô sit; tùi lām kàu pak, ták-bīn

lóng siū sio.⁴⁸Hoān-nā ū hiat-khì--ê, lóng beh chai khí-hé--ê, sī Goá Iâ-hô-hoa.⁴⁹Tùi án-ni goá kóng, Hāiⁿ ah, Chú Iâ-hô-hoa ah, lâng lóng gī-lūn goá kóng, I kiám m̄-sī teh kóng phì-jū?

21 Iâ-hô-hoa ê oē līm-kàu goá kóng, Jîn-chú ah, lí tiòh bīn òng Iâ-lō·sat-léng, òng hiah ê sèng-só· piàⁿ-chhut oē kong-kek Í-sek-liát toē lâi soan-thoân.³Tùi Í-sek-liát toē kóng, Iâ-hô-hoa án-ni kóng, Khoàⁿ ah, Goá beh tí-ték lí, iáh beh puih Goá ê to chhut i ê siù; tùi lí ê tiòng-kan chián-tū gī-lâng pháiⁿ-lâng.⁴Goá kì-jiân beh tùi lí tiòng-kan chián-tū gī-lâng kap pháiⁿ-lâng, só·í Goá ê to beh chhut i ê siù, tùi lām kàu pak, kong-kek it-chhè ū hiat-khì-ê.⁵It-chhè ū hiat-khì-ê chiū chai Goá Iâ-hô-hoa í-keng puih to chhut i ê siù, tek-khak bô koh siu-jip.⁶Jîn-chú ah, lí tiòh thó·khui, io-kut chih, thòng-khó; thó·khui tī in ê bīn-chêng.⁷In m̄ng lí kóng, Lí siáⁿ-sū thó·khui? lí chiū tiòh kóng, In-ūi ū hong-siaⁿ tãi-chi beh lâi, lâng ê sim lóng beh siau-iūⁿ, chhiú lóng sng-núg, cheng-sin soe-pāi, kha-thâu-u loán-jiók chhin-chhiūⁿ chú; khoàⁿ ah, chit ê sū teh lâi, tek-khak oē chiâⁿ; che sī Chú Iâ-hô-hoa kóng--ê.

⁸Iâ-hô-hoa ê oē līm-kàu goá kóng, Jîn-chú ah, lí tiòh soan-thoân kóng, Iâ-hô-hoa án-ni kóng, Lí tiòh kóng, Ū to, ū to, sī boā-lāi lù-kng ê.¹⁰Boā-lāi sī beh thāi lâng, lù-kng sī beh chhin-chhiūⁿ sih-nà; lán kiám thang hoaⁿ-hí mah? Goá ê kiáⁿ ê koáiⁿ-á biáu-sī chêng chhiū-bák.¹¹Chit ki to í-keng kau hō·lâng lù-kng, thang hō·lâng ê chhiú kiáh--i; i í-keng boā-lāi lù-kng, thang kau tī thāi-lâng-ê ê chhiú.¹²Jîn-chú ah, lí tiòh hoah, âu-kiò; in-ūi chit ê līm-kàu Goá ê peh-siⁿ, kap Í-sek-liát it-chhè ê kùi-chók; in kap Goá ê

peh-siⁿ lóng kau tī to-ē, só-í lí tiòh tah toā-thúi. ¹³Ū chhiū-giām ê sū; nā hit ê biáu-sī ê koáiⁿ-á kui tī bô, beh àn-cháiⁿ-iūⁿ ah? che sī Chú Iâ-hô-hoa kóng--ê. ¹⁴Jîn-chú ah, lí tiòh tah chhiú soan-thoân, chit ki to tiòh saⁿ-pái ka-pē, chiū-sī hō· lāng tiòh tâng-siong ê to, iah sī hō· tãi-jîn tiòh tâng-siong ê to, jip tī bát-pâng--ê. ¹⁵Goá pī-pān hō· lāng kiaⁿ ê to, kong-kek in it-chhè ê siáⁿ-m̄ng; hō· in ê sim siau-iūⁿ, ke-thiⁿ in poáh-tó ê sū; hāiⁿ ah, chit ki to chhòng kàu chhin-chhiūⁿ sih-nà, boâ kàu chin-lāi, beh thài-sí lāng. ¹⁶Lí tiòh háp-oá, òng chiáⁿ-pêng; pài-tīn, òng tò-pêng; chhut-chāi lí ê bīn òng toh-lòh, chiū òng hia. ¹⁷Goá iah beh tah-chhiú, iah beh hō· Goá ê toā siū-khì soah; che sī Goá Iâ-hô-hoa kóng--ê.

¹⁸Iâ-hô-hoa ê oē koh līm-kàu goá kóng, Jîn-chú ah, lí tiòh ūi-tiòh pún-sin siat n̄ng tiâu lō·, thang hō· Pa-pí-lūn ông ê to-kiām tui hia lâi; chí n̄ng tiâu lō· tiòh tui chit só-chāi pun-chhut; koh tiòh ūi chit ki chhiú, ūi tī thau-kàu siáⁿ ê lō·-thâu. ²⁰Lí tiòh siat chit tiâu lō·, hō· to lâi kàu A-būn lāng ê Lāh-pa, iā thang kàu Iū-tāi kian-kò· ê siáⁿ Iâ-lō·-sat-léng. ²¹In-ūi Pa-pí-lūn ông khiā tī siang-chhe lō· hia, tī n̄ng tiâu lō·-thâu beh chiam-pok, i ê iō chīⁿ; m̄ng ngó-siōng, giām seng-lé ê koaⁿ. ²²Tī i ê chiáⁿ-chhiú, ū chiam-pok khi Iâ-lō·-sat-léng ê chīⁿ; siat iūⁿ-thâu-thui, khui-chhùi hoah thài, toā-siaⁿ âu-kiò, siat iūⁿ-thâu-khùi, kong-kek siáⁿ-m̄ng, khí thō-tui, chō-tāi. ²⁸Hiah ê bat tui in chiū-choā ê lāng khoàⁿ i choè ké ê chiam-pok; chóng-sī i beh hō· lāng kì-tit in ê pháiⁿ, tì-kàu in cheng-lāng siū-liáh.

²⁴Só-í Chú Iâ-hô-hoa án-ni kóng, In-ūi lín ê kè-sit lō·-hiān, hō· lín ê choē-koà tú-tiòh kì-tit, tì-kàu lín ê choē-ok tī lín ê kiāⁿ-choè lóng hián-chhut; koh in-ūi lín siū kì-tit, beh hō·

lāng ê chhiú só· liáh. ²⁵Lí chit ê siū tâng-siong kiāⁿ-pháiⁿ ê Í-sek-liát ông ah, lí ê choē-ok koàn-moá, lí ê jīt-chí kàu lah. ²⁶Chú Iâ-hô-hoa án-ni kóng, Tiòh tui-khì ông-bō, liū bián-liū, bô koh ū chit hō keng-hóng; taⁿ beh hō· kē--ê seng koaiⁿ, koaiⁿ-ê kàng-kē. ²⁷Goá beh chia-tó, chia-tó, chia-tó--i; bô koh ū chit-ê, theng-hāu eng-kai tit-tiòh--ê kàu, Goá chiū hō--i.

²⁸Jîn-chú ah, lí tiòh soan-thoân kóng, Chú Iâ-hô-hoa lūn-kàu A-būn lāng, kap in ê bú-bān, ū án-ni kóng; lí tiòh kóng, Ū to, ū puih-chhut ê to, í-keng lū-kng, beh thài-sí lāng; hō· i chhin-chhiūⁿ sih-nà beh thun-biát lāng. ²⁹Lāng ūi-tiòh lí khoàⁿ hu-ké ê īⁿ-siōng, kiāⁿ pēh-chhát ê chiam-pok; chiong lí hē tī siū tâng-siong pháiⁿ-lāng ê ām-kún; in ê choē-ok koàn-moá, in ê jīt-chí kàu lah. ³⁰Hō· to jip siū, Goá beh tī lí siū-chō ê ūi, seng-tióng ê toē, sím-phoàⁿ lí. ³¹Goá beh chiong Goá ê thòng-hūn piàⁿ tī lí ê sin-chiūⁿ, chiong Goá toā siū-khì ê hé pūn tī lí; kau lí tī chân-jím gâu thài-lāng--ê ê chhiú. ³²Lí beh choè hiāⁿ-hé ê chhā, lí ê huìh beh lâu tī chit ê toē-hng, lí bô koh tit-tiòh kì-liām; in-ūi che sī Goá Iâ-hô-hoa kóng--ê.

22 Iâ-hô-hoa ê oē koh līm-kàu goá kóng, Jîn-chú ah, lí beh sím-m̄ng, sím-m̄ng hō· lāng lâu huìh ê siáⁿ mah? tiòh hō· i chai i it-chhè khó-òⁿ ê sū. ³Lí tiòh kóng, Chú Iâ-hô-hoa án-ni kóng, Chit ê siáⁿ, ū lâu lāng ê huìh tī hit lâi-bīn, hō· i ê jīt-chí kàu; koh chng ngó-siōng phah lâ-sâm ka-kī, hām-hāi ka-kī. ⁴In-ūi lí hō· lāng lâu huìh, chiū ū choē; lí chng ngó-siōng sī phah lâ-sâm ka-kī; chiū lí hō· lí ê jīt kún, lí í-keng kàu lí ê n̄; só-í Goá hō· lí siū liát-kok ê lēng-jíok, liát-pang ê thí-chhiò. ⁵Lí chit-ê chhau-miā choē-choē jiáu-

loān ê siāⁿ ah! hiah-ê lī-khui lí kūn, lī-khui lí hng--ê, lóng beh thí-chhiò lí. ⁶Khoàⁿ ah, Í-sek-liát ê siú-léng, ták-ê théng i khui-lát, tī lí tiong-kan lâu lāng ê huìh. ⁷Tī lí tiong-kan ū bú-bān pē-bú; tī lí tiong-kan ū ap-chè chhut-goā lāng; tī lí tiong-kan ū khui-hū ko-jī koáⁿ-hū--ê. ⁸Lí khoàⁿ-khin Goá ê sèng-mih, hoān-tiòh Goá ê an-hioh-jit. ⁹Tī lín tiong-kan ū húi-pòng lāng, beh hō· lāng lâu huìh--ê; tī lín tiong-kan ū tī soaⁿ-téng chiáⁿ chè-mih, tī lín tiong-kan ū kiáⁿ im-loān. ¹⁰Tī lín tiong-kan ū lō·hiān lâu-pē ê ē-thé; tī lín tiong-kan ū lēng-jiók gēh-keng bô chheng-khì ê hū-jîn-lāng--ê. ¹¹Ū lāng kap chhù-piⁿ ê bó· kiáⁿ khó·ⁿ ê sū; iā ū lāng im i ê sim-pū lāi phah lâ-sâm--i; tī lín tiong-kan iāⁿ ū lāng lēng-jiók i ê chí-bē, chiū-sī i ê pāu-pē ê cha-bó·-kiáⁿ. ¹²Tī lín tiong-kan ū siū pò·lō·, lāi lâu lāng ê huìh, lí iāⁿ ū thēh lāi-chiⁿ, thó lī-sek; lí in-ūi tham-sim, lēk-sek chhù-piⁿ, tit-tiòh chāi-lī; keng-jian boē-kì-tit Goá; che sī Chú Iā-hô-hoa kóng--ê. ¹³Khoàⁿ ah, Goá in-ūi lí só· tit put-gī ê chiⁿ, kap lí tiong-kan só· lâu ê huìh, Goá chiū phah-chhiú. ¹⁴Kàu Goá pān lí ê jit, lí ê sim iáu oē jím-siū mah? lí ê chhiú iáu oē ū lát mah? Goá Iā-hô-hoa kóng chit ê oē, chiū beh chiàu án-ni kiāⁿ. ¹⁵Goá beh hun-soàⁿ lí tī liát-kok, si-soàⁿ lí tī liát-pang; Goá beh tū lí tiong-kan ê ù-oē. ¹⁶Lí beh tī liát-kok lāng ê bīn-chēng, in-ūi ka-kī só· kiāⁿ--ê, siū siat-tók; lí chiū chai Goá sī Iā-hô-hoa.

¹⁷Iā-hô-hoa ê oē līm-kàu goá kóng, Jīn-chú ah, Í-sek-liát-ke chāi Goá khoàⁿ sī che-tái; in lóng sī hé-lô·-tióng ê tâng, siah, thih, iān; sī gūn ê che-tái. ¹⁹Só·-í Chú Iā-hô-hoa án-ni kóng, In-ūi lín lóng chiāⁿ-choē che-tái; khoàⁿ ah, Goá beh chū-chíp lín tī Iā-lō·-sat-léng ê tiong-kan. ²⁰Lāng cháiⁿ-iūⁿ chiong gūn, tâng,

thih, iān, siah, chū-chíp tī hé-lô·-tióng; khan- hé hō· i iūⁿ; án-ni Goá iāⁿ beh ēng Goá ê siū-khì, kap toā siū-khì, chū-chíp lín, hē lín tī-hia, lāi iūⁿ-hoà lín. ²¹Goá beh chū-chíp lín, ēng Goá toā siū-khì ê hé pūn lín, lín chiū tī hit tiong-kan iūⁿ-hoà. ²²Gūn cháiⁿ-iūⁿ iūⁿ tī hé-lô·-tióng, lín iāⁿ beh án-ni iūⁿ tī hit tiong-kan; lín chiū chai Goá Iā-hô-hoa piāⁿ-chhut Goá ê toā siū-khì tī lín ê téng-bīn.

²³Iā-hô-hoa ê oē līm-kàu goá kóng, Jīn-chú ah, lí tiòh tui chit ê toē kóng, Lí sī bē tit-tiòh chheng-khì ê toē, tī toā siū-khì ê jit, iāⁿ bô lōh-hō· tī lí hia. ²⁵I tiong-kan ê sian-ti lóng kiát-tóng, chhin-chhiūⁿ hām-hām-háu ê sai, jiàu-tiòh só· chhiúⁿ ê mih, in thun-chiáⁿ lāng ê sīn-hūn, chhiúⁿ lāng ê hē-chāi pó-mih; hō· in ê tiong-kan ê chiú·koáⁿ-lāng koh khah-choē. ²⁶I ê chè-si koé-chhoah Goá ê lút-hoat, siat-tók Goá ê sèng-só·, bô hun-piat sèng-ê kap chho·siók-ê, iāⁿ bô hō· lāng hun-piat bô chheng-khì--ê, kap chheng-khì--ê; koh ng bák-chiu m̄ khoàⁿ Goá chiaⁿ ê an-hioh-jit, Goá iāⁿ tī in tiong-kan siū siat-tók. ²⁷I ê kù-chòk chhin-chhiūⁿ chhāi-lōng, jiàu-tiòh só· chhiúⁿ ê mih, thāi lāng lâu huìh, sióng-hāi lāng ê sīⁿ-miā, ài tit-tiòh put-gī ê chiⁿ. ²⁸I ê sian-ti chhin-chhiūⁿ ēng he-chúi ká in chheng-pēh, khoàⁿ hu-ké ê īⁿ-siōng, ēng pēh-chhāt ká in chiam-pok, kóng, Chú Iā-hô-hoa án-ni kóng, kī-sit Iā-hô-hoa bô-íáⁿ kóng. ²⁹Kok-lāi ê peh-siⁿ it-bī kiāⁿ ap-chè koān-liān chhiúⁿ lāng; khui-hū sòng-hiong khùn-khó--ê, bô chēng-lí khi-ap chhut-goā lāng. ³⁰Goá tī in tiong-kan chhē-khoàⁿ ū chit-lāng thang lāi ūi-chhiūⁿ, tī Goá ê bīn-chēng ūi-tiòh chit ê kok khiā tī phoà-khiāⁿ ê só·-chāi, hō· goá bô châu-biāt i; chóng-sī chhē bô chit-ê. ³¹Só·-í Goá ēng Goá ê thòng-hūn piāⁿ tī in ê téng-bīn, ēng Goá

toā siū-khì ê hé biát--in; chiàu in só· kiâⁿ--ê, pò-èng tī in ê thâu-khak-téng; che sī Chú Iâ-hô-hoa kóng--ê.

23 Iâ-hô-hoa ê oē koh lîm-kàu goá kóng, Jîn-chú ah, ū nng ê hū-jîn-lâng, sī siâng chhít ê lâu-bú siⁿ--ê. ³In tī Ai-kíp kiâⁿ-îm, chiū-sī tī siàu-liân ê sī kiâⁿ-îm; tī-hia in ê ni hō·lâng teh, koh tī-hia lâng nh̄ i chhāi-sek-lú ê ni-thâu. ⁴In ê miâ, toā-chí miâ A-hô-lâh, sió-bē miâ A-hô-lī-pa; in lóng kè hō· Goá, siⁿ kiáⁿ cha-bó·kiáⁿ; lūn-kàu in ê miâ, A-hô-lâh chiū-sī Sat-má-lī-a, A-hô-lī-pa chiū-sī Iâ-lō-sat-léng. ⁵A-hô-lâh kè hō· Goá liáu-āu, chiū kiâⁿ îm-loân, loân-ài i siong-hó ê lâng, chiū-sī i ê keh-piah kok A-sút lâng. ⁶In chhēng lâm-sek ê saⁿ, choè séng-tiúⁿ, choè koaⁿ-oân, lóng sī khó-ài ê siàu-liân lâng, khiâ-bé ê íong-sū. ⁷I chiū kap in kiâⁿ-îm, chiū-sī kap i só· têng-ì ê A-sút lâng; kìⁿ-nā i só· loân-ài--ê, chiū ēng in it-chhè ê ngó·siōng lâi phah lâ-sâm ka-kī. ⁸I iah bô pàng-sak i tī Ai-kíp koân-liân kiâⁿ ê îm-loân; in-ūi i iáu siàu-liân ê sī, chiū ū lâng kap i saⁿ-kap khùn; nh̄ i chhāi-sek-lú ê ni, koh lâu-chhut i îm-loân ê sū tī-hia. ⁹In-ūi án-ni, Goá chiong i kau tī i siong-hó ê lâng ê chhiú, chiū-sī i só· loân-ài ê A-sút lâng ê chhiú. ¹⁰In chiū lō·hiân i ê ē-thé, ēng to thâi--i, liáh i ê kiáⁿ cha-bó·kiáⁿ, hō· i tī hū-jîn-lâng tiong lâu chhàu miâ; in-ūi in tui i kiâⁿ sím-phoàⁿ. ¹¹I ê sió-bē A-hô-lī-pa khoàⁿ-kìⁿ án-ni, chiū pí i koh khah hòng-chhiòng îm-iók; kiâⁿ îm-loân, pí i ê toā-chí khah siong-tiōng. ¹²I loân-ài keh-piah kok ê A-sút lâng, chiū-sī chhēng kék-súi ê i-hók, choè séng-tiúⁿ, choè koaⁿ-oân; khiâ-bé ê íong-sū, lóng sī khó-ài ê siàu-liân lâng. ¹³Goá khoàⁿ-kìⁿ i siū phah lâ-sâm, chí-bē-á nng-ê kiâⁿ siâng-lō·. ¹⁴I iah ke-thiⁿ i ê îm-hēng, in-ūi i khoàⁿ-kìⁿ lâng ê siōng ūi tī

piáh--nih, chiū-sī ēng chu-âng-sek só· ūi Ka-lék-tí lâng ê siōng. ¹⁵Io hâ toà, thâu-khak pau chhái-sek ê kun sūi-lòh--lâi; khoàⁿ-liáu chhin-chhiūⁿ kun-tiúⁿ, chiàu Pa-pí-lūn lâng ê hēng-siōng; in ê pún só·-chhāi chiū-sī Ka-lék-tí. ¹⁶I chhít-ē khoàⁿ-kìⁿ, chiū loân-ài in; chhe sù-chiá khì Ka-lék-tí hia, kìⁿ in. ¹⁷Pa-pí-lūn lâng chiū lâi, kap i chiūⁿ ài-chēng ê bîn-chhng, kiâⁿ îm, phah lâ-sâm i. I siū phah lâ-sâm í-āu, sim chiū kap in léng-tām. ¹⁸Án-ni, i lō·hiân i ê îm-hēng, koh lō·hiân i ê ē-thé, Goá ê sim chiū kap i léng-tām, chhin-chhiūⁿ chēng kap i ê toā-chí léng-tām chhít-iūⁿ. ¹⁹I iáu-kú koh-khah îm-hēng, kì-tit i siàu-liân tī Ai-kíp toē, kiâⁿ îm-loân ê jít; ²⁰loân-ài i siong-hó ê lâng, sin-thé íong, cheng chiok, chhin-chhiūⁿ lū, chhin-chhiūⁿ bé. ²¹Án-ni lí chiū kì-tit lí siàu-liân ê sī ê îm-hēng; hit-sī Ai-kíp lâng teh lí ê ni, it-tiōh lí siàu-liân ê ni.

²²A-hô-lī-pa ah, Chú Iâ-hô-hoa só·í án-ni kóng, Khoàⁿ ah, Goá beh kek-tōng lí chiah ê siong-hó-ê, lâi kong-kek lí, chiū-sī lí ê sim só· léng-tām--ê, Goá beh hō· i sî-ūi lâi kong-kek lí. ²³Chiū-sī Pa-pí-lūn lâng, Ka-lék-tí chēng lâng, kap Pí-kat, Su-a, Ko-a, chiah ê chók. A-sút ê chēng-lâng kap in lâi, séng-tiúⁿ, koaⁿ-oân, kun tiúⁿ, ū miâ-siaⁿ--ê, khiâ-bé ê, lóng sī khó-ài ê siàu-liân lâng. ²⁴In beh toà kun-khì, chiàn-chhia, ūn-niū ê chhia, chhoā toā-tui ê chēng-lâng lâi kong-kek lí; in giâ toā-pâi sió-lpâi, thâu-khoe, pâi-tin tī lí ê sî-ūi kong-kek lí; Goá beh chiong sím-phoàⁿ ê sū kau-tài in, in beh ēng in ê lút-hoat sím-phoàⁿ lí. ²⁵Goá beh ēng Goá ê tò·khī kong-kek lí; in beh ēng toā siū-khì pân lí; in beh koah lí ê phīⁿ kap hī-á; lí só· chhun ê lâng, beh tó tī to-ē; in beh liáh lí ê kiáⁿ cha-bó·kiáⁿ; koh lí só·lâu--ê beh hō· hé sio-lio-khì. ²⁶In beh pak lí ê i-hók, chhiúⁿ

lí ê súi ê pó-mih. ²⁷Án-ni, Goá beh hō· lí ê im-hēng, kap lí tī Ai-kíp toē koàn-liān kiāⁿ ê im-loān lóng soah; hō· lí bô koh kiáh-bák khoàⁿ--in, iáh bô koh kì-liām Ai-kíp. ²⁸In-ūi Chú Iâ-hô-hoa án-ni kóng, Khoàⁿ ah, Goá beh chiong lí kau tī lí só· oàn-hūn ê lāng ê chhiú, chiū-sī lí ê sim kap in léng-tām ê lāng ê chhiú. ²⁹In beh oàn-hūn lâi pān--lí, chhiúⁿ-thèh lí it-chhè lô·lòk lâi tit-tiòh--ê; chhun lí chít-ê chhihah-sin lô·thé; lí im-loān ê ē-thé, liān lí ê im-hēng, kap lí ê im-loān, lóng beh lô·hiān. ³⁰Lí oē tú-tiòh hiah ê tãi-chì, in-ūi lí tè goā-pang lāng lâi kiāⁿ-im; koh in-ūi lí tùi in chiah ê ngó·siōng lâi bak lâ-sâm. ³¹Lí ū kiāⁿ lí ê toā-chí ê lô·, só·-í Goá beh chiong i ê poe kau tī lí ê chhiú. ³²Chú Iâ-hô-hoa án-ni kóng, Lí beh lim lí ê toā-chí só· lim ê poe; hit ê poe chhim koh kohah, toé chin-choē; lí chiū beh hō· lāng thí-chhiò ki-chhi. ³³Li beh toā chiú-chui, toā iu-khó; lim lín toā-chí Sat-má-lī-a ê poe; chiū-sī hō· lāng gông-ngiáh chhiⁿ-chhám ê poe. ³⁴Lí beh lim chit ê poe, lim kau ta-ta; koh kâ phoà-poe ê phè, thiah-līh ka-kī ê ni; in-ūi chit ê sū Goá bat kóng--i; che sī Chú Iâ-hô-hoa kóng--ê. ³⁵Só·-í Chú Iâ-hô-hoa án-ni kóng, In-ūi lí boē-kì-tit Goá, chiong Goá hiat tī lí ê ka-chiah-āu, taⁿ lí tiòh tam-tng lí ê im-loān kap lí hòng-chhiòng su-iók ê choē.

³⁶Iâ-hô-hoa koh tùi goá kóng, Jîn-chú ah, lí beh sím-m̃g A-hô-lāh kap A-hô-lī-pa mah? tiòh chí-chhut in só· kiāⁿ khó·òⁿ ê sū. ³⁷In kiāⁿ-im, iáh ū huìh tī i ê chhiú, koh kap ngó·siōng kiāⁿ-im, iáh hō· in tùi Goá só· siⁿ ê kiáⁿ keng-kè hé, hō· in thun-chiáh. ³⁸Chit ê í-goā in iáu ū tùi Goá án-ni kiāⁿ, chiū-sī siāng-jlt phah lâ-sâm Goá ê sèng-só·, kan-hoān Goá chiah ê an-hiòh-jlt. ³⁹In thài kiáⁿ hiān hō· ngó·siōng, tng hit-jlt koh jlp Goá ê

sèng-só·, lâi phah lâ-sâm--i; khoàⁿ ah, in tī Goá ê chhù-lāi án-ni kiāⁿ. ⁴⁰Koh lín chhe sù-chiá khi chhiáⁿ hng-hng ê lāng; sù-chiá kau in hia ê sí, khoàⁿ ah, in chiū lâi; lí ūi-tiòh in soé sin-khu, ūi bák-bái, ēng chhiú-sek ka-kī chng-thāⁿ; ⁴¹chē tī súi ê bìn-chhng, chhng-chēng chhāi chit tè toh, chiong Goá ê huiⁿ-liáu, Goá ê huiⁿ-iū pài tī hit téng-bìn. ⁴²Kap i tī-hia--ê, ū kui-tin ê lāng, an-iát hoaⁿ-hí ê siaⁿ, iáh ū chho·siók lāng kap chiú-hàn, tùi khòng-iá saⁿ-kap lâi, chiong chhiú-khoān koà tī in nng-ê ê chhiú, chiong súi bô tī in ê thau-khak. ⁴³Goá lūn-kau chit ê lāu ê im-hū, ū kóng, Hiān-chāi lāng iáu beh kap i kiáⁿ im, i iáh beh kap lāng kiáⁿ-im. ⁴⁴Lāng jlp-khi chiū-kūn i, chhin-chhiūⁿ chiū-kūn chhiong-ki; án-ni in chiū-kūn nng ê im-hū, A-hô-lāh kap A-hô-lī-pa. ⁴⁵Beh ū gī-lāng chiàu sím-phoàⁿ im-hū ê lē, kap lāu lāng ê huìh ê hū-jin-lāng ê lē, lâi sím-phoàⁿ in; in-ūi in sī im-hū, iáh ū huìh tī i ê chhiú. ⁴⁶Chú Iâ-hô-hoa án-ni kóng, Goá beh chhoā choē-choē lāng lâi kong-kek in, hō· in siū hiat-lāi hiat-khi, tú-tiòh chhiúⁿ-toát. ⁴⁷Hiah ê lāng beh ēng chiòh-thau tìm-sí in, ēng to-kiām thài-sí in; koh thài-sí in ê kiáⁿ cha-bó·kiáⁿ, ēng hé sio in ê chhù-thèh. ⁴⁸Án-ni, Goá beh hō· keng-lāi bô koh ū im-hēng, thang hō· it-chhè ê hū-jin-lāng siū keng-kài, bô óh lín ê im-hēng. ⁴⁹Lāng beh chiàu lín ê im-hēng pò-èng lín; lín iā beh tam-tng chiah ê pài ngó·siōng ê choē; lín chiū oē chai Goá sī Iâ-hô-hoa.

24 Tē káu-ni chap-gèh chhoe-chap jlt, Iâ-hô-hoa ê oē koh līm-kau goá, kóng, Jîn-chú ah, kin-á-jlt tú-tú sī Pa-pí-lūn ông chiū-kūn Iâ-lō·sat-léng ê jlt, lí tiòh chiong kin-á-jlt kì i ê miā. ³Tiòh tùi chit ê poē-gék ê ke siat phì-jū, kóng, Chú Iâ-hô-hoa án-ni kóng,

Chiong tiáⁿ chhāi tī hé--nih; í-keng chhāi hó, chiū piàⁿ chú tī lāi-bīn, chiong bah-tè, chiū-sī it-chhè pui-súi ê bah-tè, cheng-thúi āu-thúi, lóng khioh hē tī lāi-bīn; keng hó ê kut thiáp hō· i moá. ⁵Chhú iūⁿ-kūn-tiong tē-it hó--ê, chiong chhā thiáp tī tiáⁿ-ē, hō· tiáⁿ kún chhiang-chhiang, thang chiong kut kūn tī hí lāi-bīn.

⁶Chú Iâ-hô-hoa án-ni kóng, Ū chai-ē ah, chit ê hō· lāng lâu-huih ê siáⁿ, chiū-sī siⁿ sian ê tiáⁿ, i ê sian iáu-bē tū--khì, tiòh chiong bah-tè tui hit tiong-kan chit-tè chit-tè thèh-chhut-lâi; bô kâ i liam-khau. ⁷Siáⁿ-tiong ū siū-thai ê lāng ê huih, piàⁿ tī kng-kng ê chiòh-poāⁿ-téng, bô piàⁿ tī toē--nih, thang ēng thō· khàm. ⁸Chit ê siáⁿ-lāi só· lâu ê huih, piàⁿ tī kng-kng ê chiòh-poāⁿ-téng, bô thang jia-khàm, sī Goá hō· i án-ni; ūi-tiòh beh kek toā siū-khì, kiáⁿ pò-èng. ⁹Só·-í Chú Iâ-hô-hoa án-ni kóng, Ū chai-ē ah, chit ê hō· lāng lâu-huih ê siáⁿ, Goá iáh beh thiáp toā-tui ê hé-chhā. ¹⁰Thiⁿ-chhā hō· hé chin iām, chiong bah kūn noā, chiong thng ngau khó, hō· kut hu-lu-khì. ¹¹Chiong tiáⁿ, piàⁿ khang, chhāi tī teh tóh ê thoāⁿ-téng, hō· tiáⁿ pek-jiát, hō· tâng sio āng, iūⁿ kí-tiong ê ù-oè, tū hit téng-bīn ê sian. ¹²I tiòh-boā iā-siān, chóng-sī só· siⁿ toā-toā ê sian, iū-goân bô lak; i ê sian chiū nā tī hé--nih, iáh boē tū-khì. ¹⁸Tī lí ê ù-oè tiong ū im-hēng, Goá bat chheng-khì lí, lí iáu-kú bô chheng-khì; só·-í lí ê ù-oè boē koh tit-tiòh chheng-khì, kàu Goá tui lí hoat-chhut ê toā siū-khì soah. ¹⁴Goá Iâ-hô-hoa bat kóng--i; hit ê sū tek-khak chiáⁿ, Goá iā beh kiáⁿ--i, tek-khak bô hoán-hok, tek-khak bô lín-bín, iáh bô thè-hoé; lāng beh chiàu lí ê kú-tōng, chiàu lí ê kiáⁿ-choē sím-phoàⁿ lí; che sī Chú Iâ-hô-hoa kóng--ê.

¹⁵Iâ-hô-hoa ê oē koh līm-kàu goá kóng, Jîn-chú ah, khoàⁿ ah, Goá beh chiong lí ê bák-chiu só· ì-ài--ê hut-jiân chhú-khì; chóng-sī lí m̄-thang pi-ai thi-khàu, iáh m̄-thang lâu bák-sái. ¹⁷Tók-tók thang àm-chīⁿ thó·-khui, m̄-thang chhut-siaⁿ, m̄-thang pān-lí song-sū, thâu-khak iū-goân tiòh pau thâu-kun, kha iū-goân tiòh chhēng-oē, m̄-thang ng lí ê chhui-tūn, iā m̄-thang chiáh tiàu-song ê piáⁿ. ¹⁸Tui án-ni, goá chiong chit ê sū chá-khí-sī kâ peh-siⁿ kóng; ê-hng goá ê bó· chiū sí; keh chá-khí, goá chiū thàn bēng-lēng lāi kiáⁿ.

¹⁹Peh-siⁿ m̄ng goá kóng, Lí án-ni choē, kap goán ū sím-mih kan-siáp? lí thái-thó bô kâ goán kóng? ²⁰Goá in in kóng, Iâ-hô-hoa ê oē līm-kàu goá kóng, Lí tiòh kâ Í-sek-liát-ke kóng, Chú Iâ-hô-hoa án-ni kóng, Khoàⁿ ah, Goá beh phah lâ-sâm Goá ê sèng-só·, chiū-sī lín ê sè-lèk só· khoa-kháu, lín ê bák-chiu só· ì-ài, lín ê sim só· thiáⁿ-sioh--ê; koh lín só· lâu tī-hia ê kiáⁿ cha-bó·-kiáⁿ beh tó tī to-ē. ²²Hit-sī, lín beh chiàu goá só· kiáⁿ--ê lāi kiáⁿ, bô ng lín ê chhui-tūn, iáh bô chiáh tiàu-song ê piáⁿ, Lín ê thâu-khak iū-goân pau thâu-kun, kha beh chhēng oē, bô pi-ai, bô thi-khàu; lín beh tī lín ê choē-ok tiong siau-biát, saⁿ tui-bīn thó·-khui. ²⁴Í-se-kiat beh án-ni choē lín ê tiāu-thâu, hoān-nā i só· kiáⁿ--ê, lín iáh beh án-ni kiáⁿ, chit ê tãi-chì nā kàu, lín chiū chai Goá sī Iâ-hô-hoa.

²⁵Jîn-chú ah, tng Goá tū-khì in só· oá-khò ê, kap in só· hoaⁿ-hí ê ēng-kng, in ê bák-chiu só· ì-ài--ê, in ê sim só· thiáⁿ-sioh--ê, chiū-sī in ê kiáⁿ-jī, ²⁶hit-jit tit-tiòh thoat-lī ê lāng kiám bô lāi lí chia, hō· lí chhin-hī thiaⁿ-kìⁿ chit ê sū mah? ²⁷Tng hit-jit, lí ê chhui chiū khui, lí chiū kap tit-tiòh thoat-lī ê lāng kóng-oē, bô koh é-káu; lí beh án-ni choē in ê tiāu-thâu; in

chiū chai Goá sī Iâ-hô-hoa.

25 Iâ-hô-hoa ê oē lîm-kàu goá kóng, Jîn-chú ah, lí tióh bîn òng A-bûn chók, soan-thôn kong-kek in, kóng, Lín tióh thiaⁿ Chú Iâ-hô-hoa ê oē; ³Chú Iâ-hô-hoa án-ni kóng, Goá ê sêng-só· siū phah lâ-sâm, Í-sek-liát toē tú-tiòh pha-hng, Iû-tâi-ke hō· lāng liáh; hit-sī lí in-ūi chia^h ê sū, ēng oē kong-kek in kóng, Hō--chāi! ⁴Khoàⁿ ah, só·-í Goá beh chiong lí kau hō· tang-hng ê lāng choè-giáp; in beh tī lí ê só·-chāi chat-iāⁿ khiā-khi, chia^h lí ê ké-chí, lîm lí ê leng. ⁵Goá beh hō· Láh-pa choè lók-tô ê tiâu, hō· A-bûn chók ê toē choè iūⁿ-kûn tó ê só·-chāi; lín chiū chai Goá sī Iâ-hô-hoa. ⁶Chú Iâ-hô-hoa án-ni kóng, In-ūi lí tah-chhiú têng-kha, moá-sim biáu-sī, òng Í-sek-liát toē hoaⁿ-hí; ⁷khoàⁿ ah, só·-í Goá chhun Goá ê chhiú kong-kek lí, chiong lí kau hō· liát-kok chhiúⁿ-khì; Goá beh tui liát-pang-tiong chián-tū lí, hō· lí tī bân-kok-tionbg pāi-bô; Goá beh tui biát lí; lí chiū chai Goá sī Iâ-hô-hoa.

⁸Chú Iâ-hô-hoa án-ni kóng, In-ūi Mô·ap kap Se-jīⁿ ū teh kóng, Khoàⁿ ah, Iû-tâi-ke kap chêng-kok bô koh-iūⁿ; khoàⁿ ah, in-ūi án-ni, Goá beh khui Mô·ap ê pian-kài tui chia^h ê siāⁿ, tui i pian-kài chia^h ê siāⁿ, choè i pún-kok ê êng-kng--ê, chiū-sī Pek-iâ-se-boát, Pa-lêk-bián, Ki-liát-têng, hō· i kap A-bûn chók lóng kau tī tang-hng ê peh-siⁿ choè-giáp, hō· A-bûn chók bô koh siū kì-liām tī liát-pang-tiong. ¹¹Goá iā beh sím-phoàⁿ Mô·ap; in chiū chai Goá sī Iâ-hô-hoa.

¹²Chú Iâ-hô-hoa án-ni kóng, In-ūi Í-tong ê só·-kiāⁿ, chiū-sī kong-kek Iû-tâi-ke lâi pò-siū, tui in ê pò-siū lâi hoān tâng-choē; ¹³só·-í Chú Iâ-hô-hoa án-ni kóng, Goá beh chhun Goá ê chhiú kong-kek Í-tong, chián-tū in hia ê lāng kap cheng-siⁿ; hō· i pha-hng tui Thê-bân; kàu

Tí-tàn lāng lóng sí tī to-ē. ¹⁴Koh Goá beh ēng Goá ê peh-siⁿ Í-sek-liát ê chhiú, lâi pò Goá ê kiū-siū tī Í-tong; in beh chiàu Goá ê siū-khi, chiàu Goá ê toā siū-khi, lâi kiāⁿ tī Í-tong; chiū in beh chai Goá ê pò-siū; che sī Chú Iâ-hô-hoa kóng--ê.

¹⁵Chú Iâ-hô-hoa án-ni kóng, In-ūi Hui-lī-sū lāng kiāⁿ pò-siū, chûn-sim biáu-sī lâi pò-siū, kiat sí-oàn beh châu-biát--in; só·-í Chú Iâ-hô-hoa án-ni kóng, Khoàⁿ ah, Goá beh chhun Goá ê chhiú kong-kek Hui-lī-sū lāng; Goá beh chián-tū Ki-thê lāng, biát-bô iân-hái só· chhun ê peh-siⁿ. ¹⁷Goá beh ēng toā siū-khi ê chek-hoát, tui in kiāⁿ toā ê pò-siū; Goá tui in pò-siū ê sī, in chiū chai Goá sī Iâ-hô-hoa.

26 Tē chap-it nî, gēh ê chhoe-it, Iâ-hô-hoa ê oē lîm-kàu goá kóng, Jîn-chú ah, in-ūi Chhui-lô òng Iâ-lō-sat-léng kóng, Hō--chāi! hit-ê choè liát-pang ê mng--ê, í-keng phoà, taⁿ kui-ng goá; i í-keng pha-hng, goá beh hong-sēng. ³Só·-í Chú Iâ-hô-hoa án-ni kóng, Chhui-lô ah, khoàⁿ ah, Goá kap lí choè tui-ték, Goá iáh beh hō· choē-choē kok khi-lâi kong-kek lí, chhin-chhiūⁿ hái hō· i ê éng giā-khi-lâi chit-iūⁿ. ⁴In beh hui-hoāi Chhui-lô ê siāⁿ-chhiūⁿ, thiah i ê chiú-kiⁿ-lâu; Goá iáh beh khau i ê thô·hún, hō· i chiāⁿ-choè kng-kō-kō ê chiòh-poāⁿ. ⁵I beh tī hái-tiong choè phák-bāng ê só·-chāi, iáh beh chiāⁿ-choè liát-kok só· chhiúⁿ ê mih; in-ūi Goá ū kóng--i; che sī Chú Iâ-hô-hoa kóng--ê. ⁶Siók tī Chhui-lô hiah ê siāⁿ ê peh-siⁿ, beh hō· to-kiām thâi-sí; in chiū chai Goá sī Iâ-hô-hoa. ⁷In-ūi Chú Iâ-hô-hoa án-ni kóng, Khoàⁿ ah, Goá beh hō· liát-ông ê ông, chiū-sī Pa-pí-lûn ông Nì-pò-kah-nî-sat, tui pak-hng choā bé, chia, bé-peng, kun-tui, kap choē-choē peh-siⁿ, lâi

kong-kek Chhui-lô. ⁸I beh ēng to-kiàm thái-sí siók tī lí hiah ê siâⁿ ê peh-siⁿ, iah beh chat-iâⁿ kong-kek lí, khí thô-tui kong-kek lí, koaⁿ-tín kong-kek lí. ⁹I beh an-siat kòng-siâⁿ ê thui, kong-phoà lí ê siâⁿ-chhiuⁿ, ēng pò-thâu thiah-húi lí ê chiú-kiⁿ-lâu. ¹⁰In-ūi i ê bé chin-choē, thô-hún jia-khàm lí; i jíp lí ê siâⁿ-mng, chhin-chhiuⁿ lāng jíp ū phoà-khiah ê siâⁿ, hit-sī in-ūi khiā-bé--ê, kap ūn-niū-chhia, chiàn-chhia ê siaⁿ, lí ê siâⁿ beh tín-tāng. ¹¹I ê bé-toē beh thún-táh lí it-chhè ê koe-lō; i beh ēng to thái-sí lí ê peh-siⁿ, lí kian-kòⁿ ê thiāu beh tó tī thô-kha. ¹²I beh chhiuⁿ lí ê chài-pó, kap lí ê hē-mih, húi lí ê siâⁿ-chhiuⁿ, thiah lí súi ê chhū, koh chiong lí chiaⁿ ê chiòh, chiaⁿ ê chhā, chiaⁿ ê thô, lóng hiat tī chú-tiong. ¹³Goá beh hōⁿ lí chhiuⁿ-koa ê siaⁿ lóng soah, lí toāⁿ-khim ê siaⁿ bô koh thiaⁿ-kìⁿ. ¹⁴Goá beh hōⁿ lí chiaⁿ-choē kng-kō-kō ê chiòh-poāⁿ, choē phák-bāng ê só-chāi; lí bô koh siū khí-chō, in-ūi Goá Iâ-hô-hoa kóng-i. Che sī Chú Iâ-hô-hoa kóng--ê.

¹⁵Chú Iâ-hô-hoa tui Chhui-lô án-ni kóng, Tī lí tiong-kan ū toā-toā thái-lāng ê sū, siū-siong ê lāng ai-ai-chhan ê sī, in-ūi lí tó-hoāi ê siaⁿ, hái-sū kiám bô lóng tín-tāng mah? ¹⁶Hit-sī hái-piⁿ hiah ê kun-ông, beh tui i ê ông-ūi lōh--lāi, tū-khi i ê lé-hók, theng-khi súi saⁿ, chhēng ngiāuh-ngiāuh-chhoah, chē tī thô-kha, sī-sī kheh-khek teh tiō, ūi-tiòh lí gōng-ngiāh. ¹⁷In beh ūi lí choē ai-ko, tui lí kóng, Lí chit ê ū miā-siaⁿ ê siâⁿ, pēng-sòⁿ sī kiāⁿ-chūn ê lāng sóⁿ khiā-khi, tī hái-bīn choē kian-kò--ê; pēng-jit i kap khiā-khi ê peh-siⁿ, hōⁿ it-chhè tiām tī-hia ê lāng bô m̄ kiaⁿ-hiāⁿ, taⁿ cháiⁿ-iūⁿ biát-bô ah! ¹⁸Taⁿ tī lí chit ê tó-hoāi ê jít, cheng hái-sū beh ngiāuh-ngiāuh-chhoah; hái-tiong chiaⁿ ê hái-sū khoāⁿ-kìⁿ lí

bô--khi, chiū lóng kiaⁿ-hiāⁿ. ¹⁹In-ūi Chú Iâ-hô-hoa án-ni kóng, Goá hōⁿ lí choē pha-hng ê siâⁿ, chhin-chhiuⁿ hōⁿ hiah ê bô lāng khiā-khi ê siâⁿ; koh hōⁿ chhim-ian poāⁿ-kè lí, toā-chúi khàm-bát lí. ²⁰Hit-sī Goá hōⁿ lí kap hiah ê lōh im-hú--ê saⁿ-kap lōh--khi, kàu kó-chá lāng hia; hōⁿ lí tiām tī toē--ê chhim ê só-chāi, tui kó-chá pha-hng ê só-chāi, kap hiah ê lōh im-hú ê lāng tī-teh, bô koh ū lāng khiā-khi tī-hia, tī oáh-lāng ê toē bô koh ū ēng-kng. ²¹Goá beh hōⁿ lí choē thang kiaⁿ--ê, bô koh lâu tī sè-kan; sui-jiān lāng chhē lí, iah éng-éng chhē-boē-tiòh; che sī Chú Iâ-hô-hoa kóng--ê.

27 Iâ-hô-hoa ê oē koh līm-kàu goá kóng, Jīn-chú ah, tiòh ūi Chhui-lô choē ai-ko, ká Chhui-lô kóng, Lí khiā-khi hái-kháu, kap liát-kok cheng hái-sū boē-boē choē seng-lí; Chú Iâ-hô-hoa án-ni kóng: Chhui-lô ah, lí bat kóng, Goá sī oān-choān súi--ê. ⁴Lí ê keng-kài tī hái-tiong; khí-chō lí ê, hōⁿ lí ê súi oān-choān. ⁵In ēng Sī-ni-jīⁿ ê chheng-chhiu choē lí it-chhè ê pang, ēng Lī-pa-lūn ê pek-hiuⁿ-chhiu choē lí ê chūn-ūi. ⁶Eng Pa-san ê siōng-chhiu choē lí ê chiúⁿ, ēng Kì-thē hái-sū ê ng-iōng-chhā, jíp chhiuⁿ-gē choē lí chē ê pang. ⁷Eng Ai-klp siū-hoe ê iū-toē-pòⁿ choē lí ê phāng, choē lí ê kī; ēng Í-lī-sa hái-sū lām-sek chí-sek ê pòⁿ, choē lí ê liāng-pīⁿ. ⁸Se-tùn kap A-hoat khiā-khi ê peh-siⁿ, choē lí ê kò-chiúⁿ--ê; lí tiong-kan gâu ê lāng choē lí ê hoāⁿ-toā--ê. ⁹Ka-pa-lék láu-liān--ê kap gâu ê lāng, lóng tī lín tiong-kan choē pòⁿ chūn-khang--ê; it-chhè kè-hái ê chūn-chiah, kap in ê chú-siú, lóng tī lí tiong-kan keng-ēng seng-lí ê sū. ¹⁰Pho-su, Lōⁿ-tek, Hut ê lāng, tī lí kun-iāⁿ-tiong choē chiàn-sū; in tī lí ê tiong-kan kùt tín-pai kap thau-khoe, hián-bēng lí ê súi. ¹¹A-hoat lāng kap lí ê kun-tui, lóng tī lí si-ūi ê chhiuⁿ-téng;

lí ê chiú-kiⁿ-lâu iah ū íong-sū, in kùì in ê tân-pài tī lí sì-ùi ê chhiūⁿ-piah, sêng-choân lí ê súi. ¹²Tha-si lāng in-ūi ták-iūⁿ ê chài-bút chhiong-chiok, chiū choè lí ê kheh-siong; toà gūn, thih, siah, iān, lāi oāⁿ lí ê hē-mih. ¹³Ngá-oân lāng, Thó·pa lāng, Bí-siat lāng, lóng kap lí kau-koan; in ēng jîn-kháu kap tâng-khì, lāi oāⁿ lí ê hē-mih. ¹⁴To-ka-má chók ēng bé, kap chiàn-bé, kap lô, lāi oāⁿ lí ê hē-mih. ¹⁵Tí-tàn lāng kap lí kau-koan; choē-choē hái-sū choè lí ê ē-poāⁿ seng-lí; in toà chhiūⁿ-gê, o·bák-chhâ, kap lí kau-oāⁿ. ¹⁶A-lân lāng in-ūi lí ê chè-chō chhiong-chiok, chiū choè lí ê kheh-siong; in ēng lèk-pó-chiòh, chí-sek ê pò·, siù-hoe ê mih, iù-toē-pò, sian-hô, āng-pó-chiòh, lāi oāⁿ lí ê hē-mih. ¹⁷Iū-tāi kap Í-sek-liát toē ê lāng, lóng kap lí kau-koan; in ēng Bí-lèk ê béh, piáⁿ, bit, iū, jú-hiuⁿ, lāi oāⁿ lí ê hē-mih. ¹⁸Tāi-má-sek lāng in-ūi lí ê chè-chō chhiong-chiok, koh in-ūi ták-iūⁿ ê chài-bút chhiong-chiok; chiū toà Hek-pún ê chiú, kap pèh iūⁿ-mng, kap lí kau-koan. ¹⁹Ui-tàn lāng kap Ngá-oân lāng, toà soāⁿ kap kng ê thih, jiók-kùì, chhiong-pô·, tī lí ê koe-chhi, oāⁿ lí ê hē-mih. ²⁰Tí-tàn lāng ēng súi ê bé-oaⁿ-chū kap lí kau-koan. ²¹A-láh-pek lāng kap Ki-tát it-chhè ê léng-siù, lóng choè lí ê ē-poāⁿ seng-lí; ēng iūⁿ-ko, kang ê mī-iūⁿ, soaⁿ-iūⁿ, kap lí kau-koan. ²²Sī-pa kap Láh-má ê seng-lí lāng kap lí kau-koan; in ēng ták-lūi siōng-hó ê huiⁿ-liāu, ták-lūi ê pó-chiòh kap ng-kim lāi oāⁿ lí ê hē-mih. ²³Hap-lân, Kan-nī, I-tiān lāng, Sī-pa ê seng-lí lāng, A-sút lāng, Ki-boat lāng kap lí kau-koan. ²⁴Chiah ê seng-lí lāng ēng chin-hó ê hē-mih, lâm-sek siù-hoe ê pò·, chng kui-pau; koh ū súi ê i-hók, chng tī pek-hiuⁿ-chhâ ê siuⁿ-á-lāi, ēng soh pák-i, kap lí kau-koan. ²⁵Tha-si ê chūn-chiah tàu kui-pang,

kā lí chài-hè; lí chiū tī hái-tiong pù-ū, kék-kí ēng-kng. ²⁶Lí ê kò-chiūⁿ--ê í-keng kò lí kàu toā-chúi ê só·-chāi; tang-hong tī hái-tiong kā lí kòng-phoà. ²⁷Lí ê chīⁿ-chāi, lí ê mih-kiāⁿ, lí ê hē-phín, lí ê chúi-siú, lí ê hoāⁿ-toā--ê, lí ê that chūn-khang--ê, lí ê keng-ēng seng-lí--ê, í-kíp lí tiong-kan ê chiàn-sū, kap lí tiong-kan ê cheng-lāng, tī lí pāi-hoāi ê jít, lóng beh tīm tī hái-tiong. ²⁸Lí hoāⁿ-toā--ê âu-kiò ê siaⁿ chit-ē hoah, kau-iá lóng beh tín-tāng. ²⁹Kìⁿ-nā kò-chiūⁿ-ê, kap chúi-siú, kap it-chhè kè-hái hoāⁿ-toā--ê, lóng beh lī-khui chūn chiūⁿ-hoāⁿ. ³⁰In beh ūi lí khui-siaⁿ toā-khau, sám thô·hún tī thau-khak, kō tī hé-hu-tiong. ³¹Koh ūi-tiòh lí lāi thì kng-thau, ēng moā-pò· hā-io, thong-sim thì-khau, kék-kí pi-ai. ³²In ai-siong ê sī, ūi-tiòh lí choè ai-ko, thì-khau lí; kóng, Ū sīm-mih siāⁿ chhin-chhiūⁿ Chhui-lô, chhin-chhiūⁿ i tī hái-tiong chiāⁿ-choè chēng chhiⁿ-chhiⁿ--ê ah? ³³Lí ê hē-mih tui hái-bīn chiūⁿ-soaⁿ, chiū hō· choē-choē peh-siⁿ chhiong-chiok; lí ēng choē-choē chīⁿ-chāi hē-mih, hō· toē-chiūⁿ ê kun-ōng hó-giáh. ³⁴Lí tī chhim-chúi-tiong hō· hái-éng lóng-phoà ê sī, lí ê hē-mih, kap lí tiong-kan it-chhè ê cheng-lāng, chiū lóng tīm-lòh-khì. ³⁵Hái-sū khiā-khí ê peh-siⁿ, ūi-tiòh lí gōng-ngiáh; in ê kun-ōng lóng chin kiaⁿ, bīn tài-iu-iōng. ³⁶Liát-kok ê seng-lí lāng, lóng beh chhut ki-chhi ê siaⁿ; lí hō· lāng thang kiaⁿ, lí bô thang koh tī-teh tit-kàu éng-oán.

28 Iā-hô-hoa ê oē koh līm-kàu goá kóng, Jīn-chú ah, lí tiòh tui Chhui-lô ê kun-ōng kóng, Chú Iā-hô-hoa án-ni kóng: In-ūi lí sim-lāi kiau-ngō·, lí iah kóng, Goá sī chit ê siōng-tè, goá tī hái-tiong chē Siōng-tè ê ūi; lí sui-jiān chūn-sim ka-kī liáh-choè sī Siōng-tè, kī-sit lí sī lāng, m̄-sī Siōng-tè. ³Khoàⁿ ah, lí pí Tān-í-lí khah ū tì-hui, bô chit-hāng pì-bit ê sū tui

lí ún-bát. ⁴Lí óá-khò ka-kī ê tì-hūi chhang-miā, tit-tiòh chài-pó, tit-tiòh kim-gūn, siu tī lí khò-pàng. ⁵Lí óá-khò ka-kī ê toā tì-hūi kap seng-lí, ke-thiⁿ lí ê hó-giáh; iáh lí ê sim ūi-tiòh lí ê hó-giáh lâi kiau-ngō. ⁶Só-í Chú Iâ-hô-hoa án-ni kóng, In-ūi lí chūn-sim, ka-kī liáh-choè sī Siōng-tè, khoàⁿ ah, só-í Goá beh toā goā-pang lâng, chiū-sī liát-kok-tiong không-pō ê lâng, lâi lí chia; in beh puih-to kong-kek lí tui tì-hūi só tit-tiòh ê hó-mih; phah lâ-sâm lí ê êng-kng. ⁸In beh hō lí lōh chhim-khiⁿ; lí beh sí tī hái-tiong, chhin-chhiūⁿ siū-thai ê lâng ê sí chit-iūⁿ. ⁹Tī thài lí ê lâng ê bīn-chêng, lí iáu-bē kóng, Goá sī Siōng-tè mah? kī-sit lí tī thài-sí lí ê lâng ê chhiú, put-kò sī lâng, m̄-sī Siōng-tè. ¹⁰Lí beh sí, tī goā-kok lâng ê chhiú-tiong, chhin-chhiūⁿ bē siū kat-lé ê lâng ê sí chit-iūⁿ, in-ūi Goá ū kóng i; che sī Chú Iâ-hô-hoa só kóng-ê.

¹¹Iâ-hô-hoa ê oē līm-kàu goá kóng, Jîn-chú ah, lí tiòh kâ Chhui-lô ông choè ai-ko, tui i kóng, Chú Iâ-hô-hoa án-ni kóng, Lí bô só m̄ chiâu-pī, tì-hūi chhiong-chiok, oân-choân súi. ¹³Lí bat tī Ai-tiân Siōng-tè ê hng-lāi, ēng tak-iūⁿ ê pó-chiòh choè lí ê chng-thāⁿ, chiū-sī āng-pó-chiòh, ng-gék, kap kim-kong-chiòh, chhiⁿ-gék, āng-bé-ló, kap pheh-gék, lâm-gék, lèk-pó-chiòh, kap chhiah-gék, kap ng-kim; koh lí kó kap siau, tī lí hia chè-chō, tng lí siū-chō ê jlt, chiū lóng chiâu-pī. ¹⁴Lí sī hit ê siū boah-iū jia-khàm ê ki-lō-peng; Goá an-tī lí tī Siōng-tè ê sèng-soaⁿ; lí óng-lâi tī chhut-hé ê chiòh ê tiong-kan. ¹⁵Lí tui siū-chō ê jlt só kiāⁿ lóng oân-choân, tit-kàu chhē-tiòh put-gī tī lí ê tiong-kan. ¹⁶In-ūi lí seng-lí chin-toā, lâng chiū ēng không-pō chhiong-moá tī lí ê tiong-kan, tì-kàu lí hoân-choē; in-ūi án-ni, Goá khoàⁿ lí chhin-chhiūⁿ ù-oē, chiū tui

Siōng-tè ê soaⁿ koáⁿ-tiók lí; jia-khàm ê ki-lō-peng ah, Goá í-keng chiong lí tui chhut-hé ê chiòh ê tiong-kan tui-biát. ¹⁷Lí in-ūi súi, sim-tiong kiau-ngō; koh in-ūi lí ê êng-kng pāi-hoai lí ê tì-hūi; Goá í-keng chhia-tó lí tī toē-nih, hō lí tó tī kun-ông ê bīn-chêng, hō in khoàⁿ-kìⁿ. ¹⁸Lí in-ūi choē-koà chin-choē, choè seng-lí bô kong-tō; lí phah lâ-sâm lí hiah ê sèng-só; só-í Goá hō hé tui lí tiong-kan chhut, lâi sio-biát lí; hō lí tī só ū khoàⁿ-kìⁿ ê lâng ê bák-chiu-chêng, piàn-choè toē-chiūⁿ ê hé-hu. ¹⁹Chèng peh-siⁿ ê tiong-kan, kìⁿ-nā bat lí ê lâng, lóng beh ūi-tiòh lí lâi gōng-ngiáh; lí hō lâng thang kiaⁿ, éng-óng bô thang koh tī-teh.

²⁰Iâ-hô-hoa ê oē līm-kàu goá kóng, Jîn-chú ah, lí ê bīn tiòh ng Se-tùn, tui i soan-thoân, kóng, ²²Chú Iâ-hô-hoa án-ni kóng, Se-tùn ah, khoàⁿ ah, Goá kap lí choè tui-tèk, Goá tek-khak tī lí tiong-kan tit-tiòh êng-kng; Goá tī i tiong-kan kiāⁿ sím-phoàⁿ, hián-bêng Goá choè-sèng ê sí, in chiū chai Goá sī Iâ-hô-hoa. ²⁸Goá iáh beh hō un-ék kap lâu-huih ê sū jlp i ê koe-lō, tiòh-siong--ê tó tī i ê tiong-kan, sī-úi ū to-kiàm kong-kek i; in chiū chai Goá sī Iâ-hô-hoa. ²⁴Sì-úi pêng-sò khoàⁿ-khin Í-sek-liát-ke ê lâng, í-āu bô koh ng in choè chhak lâng ê chhi, hō lâng kan-khóⁿ ê chháu-chhi; in chiū chai Goá sī Iâ-hô-hoa.

²⁵Chú Iâ-hô-hoa án-ni kóng, Goá chū-chíp Í-sek-liát-ke, tui só sì-soàⁿ--khi ê peh-siⁿ-tiong, tui in hián-bêng Goá choè-sèng, tī liát-kok lâng ê bák-chiu-chêng; hit-sī in beh khiā-khi tī pún só-chāi, chiū-sī Goá só siūⁿ-sù Goá ê lô-pók Ngá-kok ê toē. ²⁶In beh an-jiân khiā-khi tī hí tiong-kan; Goá í-keng kiāⁿ sím-phoàⁿ tī sì-úi khoàⁿ-khin in ê lâng, hit-sī in beh khi chhi, chai-chèng phū-tô-hng, an-

jiân khiā-khí; in chiū chai Goá sī Iâ-hô-hoa, in ê Siōng-tè.

29 Tē chấp--nî, chấp-gêh chấp-jī, Iâ-hô-hoa ê oē lîm-kàu goá kóng, Jîn-chú ah, lí ê bīn tiōh òng Ai-kíp ông Hoat-ló, soan-thoân lâi kong-kek i, í-kíp Ai-kíp choân-toē. ³Lí tiōh thoân kóng, Chú Iâ-hô-hoa án-ni kóng, Khoàⁿ ah, Ai-kíp ông Hoat-ló ah, Goá choē lí ê tui-ték; lí chiū-sī toā gòk-hí, tó tī ka-kī ê kang-hô tiong; lí bat kóng, Goá ê hô sī goá-ê, goá ūi ka-kī lâi chō-ê. ⁴Goá beh ēng kau kau-tiâu lí ê gē-chō; koh hō· lí kang-hô-tiong ê hī khah-tiâu tī lí ê lân; Goá beh chiong lí kap só· khah-tiâu tī lí ê lân ê hī, tui kang-hô-tiong thoa chhut-lâi. ⁵Goá beh chiong lí kap lí kang-hô-tiong ê hī lóng hiat tī khòng-iá; lí beh tó tī chhân--nih, bô khioh choē-tui, bô siu-síp; Goá chiong lí hō· toē-chiūⁿ ê iá-siū, khong-tiong ê pe-chiáu choē chiáh-mih. ⁶Ai-kíp khiā-khí ê peh-siⁿ lóng beh chai Goá chiū-sī Iâ-hô-hoa, in-ūi in tui Í-sek-liát-ke, bat choē lô-úi ê koáiⁿ-á. ⁷In ēng chhiú kiáh lí, lí pit-khui, siong-tiōh in ê keng-thâu, in oà--lí, lí chhī-khì, siām-tiōh in ê io. ⁸Só·-í Chú Iâ-hô-hoa án-ni kóng, Khoàⁿ ah, Goá beh hō· to-kiām lîm-kàu lí; tui lín tiong-kan chián-tū lāng kap cheng-siⁿ. ⁹Ai-kíp toē beh hong-hoē, léng-chēng; in chiū chai Goá sī Iâ-hô-hoa; in-ūi i ka-kī kóng, Chit ê hô sī goá-ê, sī goá chō-ê. ¹⁰Khoàⁿ ah, Goá kap lí í-kíp lí ê kang-hô choē tui-ték; hō· Ai-kíp toē tui Sek-hut-nî ê thah, tit-kàu Kó·-sít ê kau-kài choân-jian hong-hoē léng-chēng. ¹¹Lāng ê kha bô tui hia kè, siū ê kha iā bô tui hia kè; lèk-kè sì-cháp-nî kú, bô lāng khiā-khí. ¹²Goá beh hō· Ai-kíp toē tī léng-chēng ê toē chiāⁿ-choē léng-chēng; i ê siāⁿ tī hong-hoē ê siāⁿ tiong pìⁿ-choē hong-hoē, lèk-kè sì-cháp-nî, Goá iā beh chiong Ai-

kíp lāng hun-soàⁿ tī liát-kok, sì-soàⁿ tī liát-pang. ¹³Chú Iâ-hô-hoa án-ni kóng, Moá sì-cháp-nî, Goá beh chio-chíp Ai-kíp lāng, tui in só· sì-soàⁿ--khì ê liát-kok lâi; ¹⁴Goá beh hō· Ai-kíp siū-liáh--ê tò-lâi, hō· in tò-lâi in ê pún-toē Pa-thek-lô; tī-hia beh chiāⁿ-choē bī-soē ê kok. ¹⁵Beh choē liát-kok-tiong tē-it bī-soē--ê, iáh bô koh chū-ko tī liát-kok ê téng-bīn; Goá beh kiám-chió in, tì-kàu in bô koán-hat liát-kok. ¹⁶I tek-khak bô koh choē Í-sek-liát-ke só· oá-khò--ê, só· oát-thâu lâi gióng-bōng-ê, bián-tit Goá kì-tit in ê choē; in chiū chai Goá sī Chú Iâ-hô-hoa.

¹⁷Jī-cháp-chhit nî, chiaⁿ-gêh chhoe-it, Iâ-hô-hoa ê oē lîm-kàu goá kóng, Jîn-chú ah, Pa-pí-lûn ông, Nî-pò·-kah-nî-sat, hō· i ê kun-peng toā-toā tiōh-boā, kong-kek Chhui-lô; tì-kàu ták-ê thâu-khak bô mng, keng-thâu liù-phê; chóng-sī i kap i ê kun-peng, tui tī Chhui-lô, lóng bô tit-tiōh kang-chiⁿ, lâi pò-tap i toā-toā tiōh-boā ê kong-kek. ¹⁹Só·-í Chú Iâ-hô-hoa án-ni kóng, Khoàⁿ ah, Goá beh chiong Ai-kíp toē siūⁿ-sù Pa-pí-lûn ông Nî-pò·-kah-nî-sat, i beh liáh i ê cheng peh-siⁿ, chhiúⁿ i só· chhiúⁿ ê mih, kiap i só· kiap ê mih, che chiū thang choē i ê kun-peng ê kang-chiⁿ. ²⁰Goá chiong Ai-kíp toē hō· i, pò-tap i só· tiōh-boā--ê; in-ūi in thoē Goá choē-kang; che sī Chú Iâ-hô-hoa kóng-ê.

²¹Tng hit-jit, Goá beh hō· chit kī kak, ūi-tiōh Í-sek-liát ke hoat-chhut; koh beh hō· lí khui-chhui tī in tiong-kan; in chiū chai Goá sī Iâ-hô-hoa.

30 Iâ-hô-hoa ê oē lîm-kàu goá kóng, Jîn-chú ah, lí tiōh soan-thoân kóng, Chú Iâ-hô-hoa án-ni kóng, Chhám ah chit-jit, lín tiōh thī-khau. ³In-ūi jít kûn--lah, chiū-sī Iâ-hô-hoa ê jít kûn--láh, chiū-sī bát-hûn ê jít, beh

choè liát-kok ê sî-kî. ⁴Beh ũ to-kiàm lîm-kàu Ai-kíp, tī Ai-kíp siū-thâi ê lāng tó--lôh-khî ê sî, Kó·sít lāng chiū ũ thòng-khó; in beh liáh i ê cheng-lāng, thiah-húi i ê toē-ki. ⁵Kó·sít, Hut, Lō·tek, chham chhap ê peh-siⁿ, kap Kó·pa, í-kíp tông-bêng ê kok ê peh-siⁿ, lóng beh kap in saⁿ-kap tó tī to-ē.

⁶Iâ-hô-hoa án-ni kóng, Hû-chō· Ai-kíp--ê iáh beh tó; i sè-lèk ê kiau-ngō· beh kàng-kē; tùi Sek-hut-nî ê thah khí, in lóng beh tī-hia tó tī to-ē; che sī Chú Iâ-hô-hoa kóng--ê. ⁷In beh tī léng-chēng ê toē ê tiong-kan, lâi choè léng-chēng; i chiaⁿ ê siáⁿ iáh beh liát tī chiaⁿ ê hong-hoē ê siáⁿ ê tiong-kan. ⁸Tng Goá pàng-hé tī Ai-kíp, kìⁿ-nā pang-chān i--ê, lóng siū biát-bô; hit-sî, in chiū chai Goá sī Iâ-hô-hoa. ⁹Kàu hit-jît beh ũ sù-chiá tùi Goá ê bīn-chēng tah-chûn chhut-khî; hō· an-jîan khiā-khí ê Kó·sít lāng kiaⁿ-hiáⁿ; beh ũ thòng-khó· lîm-kàu in, chhin-chhiūⁿ Ai-kíp ê jît chit-iūⁿ; khoàⁿ ah, tãi-chì lăi--lah.

¹⁰Chú Iâ-hô-hoa án-ni kóng, Goá beh ēng Pa-pí-lûn ông Nî-pò·kah-nî-sat ê chhiú, biát Ai-kíp ê cheng-lāng. ¹¹I kap tè i ê lāng, chiū-sī liát-kok-tiong kiông-pō-ê, beh lâi húi-biát chit ê toē; in beh puih-to kong-kek Ai-kíp, hō· piàn-toē ũ siū-thâi ê lāng. ¹²Goá beh hō· hiah ê kang-hô ta, iáh beh ēng hit ê toē boē hō· pháiⁿ-lāng ê chhiú; Goá beh ēng goā-pang ê chhiú hō· hit ê toē kap kî-tiong só· ũ--ê, pìⁿ-choè léng-chēng; che sī Goá Iâ-hô-hoa kóng--ê.

¹³Chú Iâ-hô-hoa án-ni kóng, Goá beh húi-biát hiah ê ngó·siōng, tùi Lô-hut tū-biát sîn-pút; tek-khak bô koh ũ kun-ông tùi Ai-kíp toē chhut; Goá beh kàng-lôh kiaⁿ-hiáⁿ tī Ai-kíp toē. ¹⁴Goá beh hō· Pa-thek-lô léng-chēng; pàng-hé tī Só-an ê tiong-kan; kiáⁿ sím-phoàⁿ

ê sū tī Lô ê toē-hng. ¹⁵Goá beh piàⁿ-chhut Goá ê toā siū-khî tī Sîn, chiū-sī Ai-kíp ê oē-só; iáh beh biát Lô ê cheng-lāng. ¹⁶Goá beh pàng-hé tī Ai-kíp, Sîn beh tú-tiòh toā thòng-khó; Lô beh tú-tiòh kong-phoà, Lô-hut tng-thâu pèh-jît tú-tiòh tùi-ték. ¹⁷A-bûn kap Pí-pek-sít ê siâu-liân lāng, beh tó tī to-ē; in beh hō· lāng liáh-khî. ¹⁸Goá tī Tap-pí-lèk at-chih Ai-kíp chiaⁿ ê taⁿ, hō· i in-tūi sè-lèk ê kiau-ngō·, soah tī i ê tiong-kan; hit-sî tī-hia jît o·àm; lûn-kàu chit ê siáⁿ, beh ũ bát-hûn jia-khâm; i tiong-kan ê cha-bó·kiáⁿ beh hō· lāng liáh-khî. ¹⁹Goá beh án-ni sím-phoàⁿ Ai-kíp; in chiū chai Goá sī Iâ-hô-hoa.

²⁰Cháp-it-nî, chiaⁿ-gêh chhoe-chhit, Iâ-hô-hoa ê oē lîm-kàu goá kóng, Jîn-chú ah, Goá í-keng at-chih Ai-kíp ông Hoat-ló ê chhiú-kut; bô pau i ê siong, bô kô·iòh, bô chat pò·liâu, thang hō· i ũ lát kiáh-to. ²²Só·í Chú Iâ-hô-hoa án-ni kóng, Khoàⁿ ah, Goá kap Ai-kíp ông Hoat-ló choè tùi-ték, beh chiong i nng ki chhiú-kut, íong--ê, siū at-chih--ê, beh choè chit-ē at-chih; hō· to tùi i ê chhiú ka-lauh. ²³Goá beh chiong Ai-kíp lāng hun-soàⁿ tī liát-kok, sî-soàⁿ tī liát-pang. ²⁴Goá beh hō· Pa-pí-lûn ông ê chhiú-kut ũ lát, chiong Goá ê to kau tī i ê chhiú; Goá beh at-chih Hoat-ló ê chhiú-kut, i beh tī i ê bīn-chēng hiⁿ-hiⁿ-chhan, chhin-chhiūⁿ siū sí-siong ê lāng hiⁿ-hiⁿ-chhan. ²⁵Goá beh hū Pa-pí-lûn ông ê chhiú-kut; Hoat-ló ê chhiú-kut beh sê-lôh-khî; Goá chiong Goá ê to kau tī Pa-pí-lûn ông ê chhiú; i beh chhun-chhut hit ki to tī Ai-kíp toē; hit-sî in chiū chai Goá sī Iâ-hô-hoa. ²⁶Goá beh chiong Ai-kíp lāng hun-soàⁿ tī liát-kok, sî-soàⁿ tī liát-pang; in chiū chai Goá sī Iâ-hô-hoa.

31 Cháp-it--nî, saⁿ-gêh chhoe-it, Iâ-hô-

hoa ê oē lîm-kàu goá kóng: Jîn-chú ah, lí tióh tùi Ai-kíp ông Hoat-ló, í-kíp i ê chêng-lâng kóng, Lí hiah toā-tè, sī chhin-chhiūⁿ chī-chui? ³Khoàⁿ ah, A-sút bat choè Lī-pa-lùn ê pek-hiuⁿ-chhiū, ki-oāiⁿ chin súi, ìm-ńg chhin-chhiūⁿ chhiū-nâ, chhiū-sin koāiⁿ-toā, ki-bé chhun jíp hūn-tiong. ⁴Hiah ê chú iúⁿ i toā-châng, chhim-ian hō i hoat chin-koāiⁿ, i hiah ê kang-hô sêh-lâu tī chai-chêng i ê só-chāi; thiah-chhe ê chú, lâu kàu chhân-hūg ê chhiū-bák. ⁵Só-í i koāiⁿ-toā poāⁿ-kè chhân-nih ê chêng-chhiū; i ê ki chin-ām; i ê oāiⁿ chin-tng; in-ūi tī i hoat-siⁿ ê sī ū chú choē-choē. ⁶Khong-tiong ê pe-chiáu, lóng tī ki-téng choē-siū; chhân-iá ê cháu-siū lóng tī ki-ē siⁿ-kiáⁿ; choē-choē toā-kok lóng tiàm tī i ê ìm-ē. ⁷Chhiū toā, ki tng, chiān-choē chin súi; in-ūi kun soan tī toā chú-piⁿ. ⁸Siōng-tè hng-lāi ê pek-hiuⁿ-chhiū jia i boē-tiòh; chhêng-chhiū put-kíp i ê ki, png-chhiū put-kíp i ê oāiⁿ, Siōng-tè hng-lāi chiah ê chhiū lóng boē pí-tit i ê súi. ⁹Goá hō i ê ki-oāiⁿ bō-sēng, chiān-choē súi; tì-kàu Siōng-tè hng-lāi Ai-tiân it-chhè ê chhiū, lóng oàn-tò i. ¹⁰Só-í Chú Iâ-hô-hoa án-ni kóng, In-ūi lí koāiⁿ-toā, ki-bé chhun jíp hūn-tiong, i ê sim in-ūi i ê koāiⁿ-toā lâi chū-ko, án-ni, Goá beh chiong i kau tī liát-kok tiong ū toā sè-lèk-ê; i tek-khak beh pān-i, in-ūi i ê choē-ok, Goá koáⁿ-tiók i. ¹²Goā-pang-lâng, chiū-sī liát-pang-tiong kiōng-pō-ê, chiong i chhò-tng, hiat-kák, i ê oāiⁿ ka-lauh tī soaⁿ--nih kap it-chhè ê soaⁿ-kok-tiong; i ê ki chhī tī hit só-chāi ê hô-piⁿ; toē-chiūⁿ ê chêng peh-siⁿ í-keng lóh-khì, lī-khui i ê ìm-ńg. ¹³Khong-tiong ê pe-chiáu, lóng beh hioh tī chit ê soe-pāi ê chhiū-téng; chhân-iá ê cháu-siū lóng beh toà tī i ê chhiū-ki; thang hō chú-piⁿ chiah ê chhiū, bô in-ūi koāiⁿ toā lâi chū-

ko; iáh bô chiong ki-bé chhun-jíp hūn-tiong; koh hiah ê tit-tiòh chú lūn-ték ū sè-lèk ê, iáh boē tit-tiòh koāiⁿ-toā lâi khiā-khí-lâi; in-ūi in tī sè-kan lêng ê tiong-kan, kap lóh im-kan ê lêng, lóng kau hō sí-bô, kàu chhim-chhim ê toē-ē.

¹⁵Chú Iâ-hô-hoa án-ni kóng, I lóh im-kan ê hit-jit, Goá hō lêng pi-ai; Goá ūi-tiòh i jia-khâm chhim-ian, iok-sok kang-hô, hō toā chú tiêng-lâu; Goá iáh hō Lī-pa-lùn ūi-tiòh i chhiⁿ-chhám; chhân-iá chiah ê chhiū lóng in-ūi i hūn-khì. ¹⁶Goá chiong i hiat-lóh im-kan, kap lóh-khì ê lêng saⁿ-kap lóh-khì; hit-sī liát-kok thiaⁿ-kìⁿ i tui-lóh ê siaⁿ, chiū lóng tín-tāng; Ai-tiân it-chhè ê chhiū, Lī-pa-lùn tit-tiòh chú lūn-ték, tē-it hó tē-it súi ê, lóng tī toē-ē chhim ê só-chāi, siū an-ùi. ¹⁷In iáh kap i saⁿ-kap lóh im-kan, kàu siū to thāi ê lêng hia; in bat choè i ê chhiú-kut, tī liát-kok-tiong khiā-khí i ê ìm-ńg-ē.

¹⁸Tī chiah-ê êng-kng koāiⁿ-toā, tī Ai-tiân chiah ê chhiū-tiong, lí chhin-chhiūⁿ chī-chui? chóng-sī lí beh kap Ai-tiân chiah ê chhiū saⁿ-kap lóh-khì toē-ē chhim ê só-chāi; lí beh kap siū to thāi ê lêng, tó tī bô siū kat-lé ê lêng ê tiong-kan. Che chiū-sī Hoat-ló kap i ê chêng peh-siⁿ; che sī Chú Iâ-hô-hoa kóng-ê.

32 Cháp-jī-nî, cháp-jī-gêh, chhoe-it, Iâ-hô-hoa ê oē lîm-kàu goá kóng, ²Jîn-chú ah, lí tióh ūi Ai-kíp ông Hoat-ló choè ai-ko, ká i kóng, Chiōng-chêng lí tī liát-kok-tiong, chhin-chhiūⁿ íong ê sai; taⁿ lí sī chhin-chhiūⁿ hái-tiong ê gók-hi; lí chōng-chhut lí ê kang-hô, ēng kha tín-tāng chiah ê chú, tì-kàu kang-hô ê chú piⁿ-lô. ³Chú Iâ-hô-hoa án-ni kóng, Goá beh ēng choē-choē kok ê peh-siⁿ, chiong Goá ê bāng pha tī lí ê téng-bīn, in beh ēng Goá ê bāng, ká lí thoa--chhut-lâi. ⁴Goá beh hiat

lí tī toē--nih, pàng-hē tī chhân-iá, hō· khong-tiong ê pe-chiáu lóng hioh tī lí ê téng-bīn; hō· piàn-toē ê iá-siù chiah lí kàu pá. ⁵Goá beh chiong lí ê bah hiat tī soaⁿ-nih, ēng lí koàiⁿ-toā ê sin-si thūn-moá soaⁿ-kok. ⁶Goá koh beh ēng lí ê huìh, koàn-ak lí só· siū ê toē; im-kàu chiah ê soaⁿ; hô-kau beh tui lí lâi chhiong-moá. ⁷Goá phah-biát lí ê sī, beh jia-khàm chiah ê thiⁿ, hō· cheng chhiⁿ o·-àm; ēng bat-hūn jia-iám jlt-thâu, gēh iáh bô hoat-chhut kng. ⁸Goá beh hō· thiⁿ ê kng tī lí ê téng-bīn lóng o·-àm; koh hō· lí ê toē o·-àm; che sī Chú Iâ-hô-hoa kóng--ê. ⁹Goá hō· lí pāi-bô ê hong-siaⁿ kàu lí só· m̄-bat ê ták-kok, hit-sī Goá beh hō· choē-choē peh-siⁿ ê sim hoan-ló. ¹⁰Goá tī in ê bīn-cheng bú Goá ê kiám ê sī, Goá beh hō· choē-choē kok ê peh-siⁿ ūi-tiòh lí gong-ngiáh, kun-ông iáh beh ūi-tiòh lí toā kiaⁿ-hiáⁿ; tī lí tó--lòh-khi ê jlt, in ták-lâng ūi ka-kī ê siⁿ-miā ngiáuh-ngiáuh-chhoah. ¹¹In-ūi Chú Iâ-hô-hoa án-ni kóng, Pa-pí-lūn ông ê to beh līm-kàu lí. ¹²Goá beh ēng íong-sū ê to hō· lí ê choē-choē lóng tó--lòh-khi. Chiah ê íong-sū lóng sī liát-kok-tiong kiông-pō--ê; in beh hō· Ai-kíp ê kiau-ngō· kui tī bô, Ai-kíp ê cheng peh-siⁿ beh siū châu-biát. ¹³Goá beh tui Ai-kíp choē-choē chúi-piⁿ tū-biát só· ū ê cháu-siù, lóng ê kha bô koh phah-lô chit ê chúi, siù ê toē iáh bô koh ták--i. ¹⁴Hit-sī Goá beh hō· in ê chúi chē-chheng, hō· in ê hô lâu chhin-chhiūⁿ iū; che sī Chú Iâ-hô-hoa kóng--ê. ¹⁵Goá hō· Ai-kíp toē hong-hoē léng-cheng, chit ê toē choát-bô chiông-cheng só· chhiong-moá--ê; koh Goá kong-kek kī-tiong it-chhè khiā-khi ê peh-siⁿ; hit-sī in chiū chai Goá sī Iâ-hô-hoa. ¹⁶Chit-ê sī ai-ko, lóng beh ēng chit-ê lâi ai-khàu; liát-kok chiah ê cha-bó·-gín-á beh ēng án-ni lâi ai-khàu; in ūi-tiòh

Ai-kíp kap i ê cheng peh-siⁿ, iáh beh ēng chit-ê lâi ai-khàu; che sī Chú Iâ-hô-hoa kóng--ê.

¹⁷Cháp-jī--nī, cháp-jī gēh cháp-gō·, Iâ-hô-hoa ê oē līm-kàu goá kóng, ¹⁸Jîn-chú ah, lí tiòh in-ūi Ai-kíp ê cheng-lâng ai-khàu; koh tiòh chiong Ai-kíp kap ū miâ-siaⁿ ê kok chiah ê cha-bó·-gín-á, kap lòh-khiⁿ ê lóng, choē chit-ē hiat-lòh toē-ē chhim ê só·-chāi. ¹⁹Lí ê súi iáⁿ-kè chī-chui ah? lí tiòh lòh-khi, kap bô siū kat-lé ê lóng saⁿ-kap tó--teh. ²⁰In beh tó tī hō· to thāi ê lóng ê tiong-kan, i siū kau-hū tī to-kiám, tiòh chiong i kap i ê cheng-lâng thoa-khi. ²¹Kiông-béng ê íong-sū beh tī im-kan tui i kap pang-chān i--ê kóng-oē; in sī bô siū kat-lé, siū to thāi ê lóng; í-keng lòh-khi, tó-teh bô tín-tāng. ²²A-sút kap i ê cheng peh-siⁿ, lóng tī-hia; i ê bōng tī i ê si-ūi; in lóng sī siū-thāi, tó tī to-ē-ê. ²³In ê bōng tī khiⁿ-tiong kék-chhim ê só·-chāi, i ê cheng peh-siⁿ tī i ê bōng ê si-chiu-ūi, lóng sī siū-thāi tó tī to-ē-ê; in bat tī oáh-lâng ê toē hō· lóng kiaⁿ-hiáⁿ. ²⁴Í-lân iáh tī-hia, i ê cheng peh-siⁿ tī i ê bōng ê si-ūi, lóng-sī siū-thāi, tó tī to-ē, bô siū kat-lé lòh-khi toē-ē chhim ê só·-chāi--ê; in bat tī oáh-lâng ê toē hō· lóng kiaⁿ-hiáⁿ, koh kap lòh-khiⁿ ê lóng saⁿ-kap tam-tng lêng-jiók. ²⁵In ká i kap i ê cheng peh-siⁿ, tī siū-thāi ê lóng ê tiong-kan, an bīn-chhng; in ê bōng tī i ê si-chiu-ūi; in lóng sī bô siū kat-lé, siū to thāi--ê; in bat tī oáh-lâng ê toē hō· lóng kiaⁿ-hiáⁿ, koh kap lòh-khiⁿ ê lóng saⁿ-kap tam-tng lêng-jiók; i í-keng hē tī siū-thāi ê lóng ê tiong-kan. ²⁶Bí-siat, Thó·-pa, kap i ê cheng peh-siⁿ, lóng tī-hia; i ê bōng lóng tī i ê si-ūi, in lóng sī bô siū kat-lé, hō· to thāi--ê; in bat tī oáh-lâng ê toē, hō· lóng kiaⁿ-hiáⁿ. ²⁷In boē tit-tiòh kap hiah ê bô siū kat-lé tó-teh ê íong-sū, saⁿ-kap tó-teh; chiah ê íong-sū toā ke-si

lòh im-kan; thâu-khak khùn tī to-kiàm, kut-thâu-téng ū in ê choē-ok; in bat tī oáh-lâng ê toē hō· íong-sū kiaⁿ-hiāⁿ. ²⁸Lí beh pāi-hoāi tī bô siū kat-lé ê lâng ê tiong-kan, kap hiah ê siū to thāi ê lâng saⁿ-kap tó-teh. ²⁹Í-tong iah tī-hia, i hiah ê kok-ông kap it-chhè ê siú-léng, sui-jiân ū sè-lék, iū-goân hē tī siū-thāi ê lâng ê tiong-kan; in beh kap bô siū kat-lé--ê, í-kip lòh-khiⁿ ê lâng saⁿ-kap tó-teh. ³⁰Tī-hia ū pak-hng cheng-ông ê kiáⁿ, kap it-chhè Setùn lâng, lóng kap siū-thāi ê lâng lòh-khi; in sui-jiân ū sè-lék, hō· lâng kiaⁿ-hiāⁿ, iū-goân siū kiàn-siàu; in bô siū kat-lé, kap siū to thāi--ê saⁿ-kap tó-teh, kap lòh-khiⁿ ê lâng saⁿ-kap tam-tng lêng-jiók. ³¹Hoat-ló kap i ê kun-peng lóng hō· to thāi--sí; Hoat-ló khoàⁿ-kìⁿ, ūi-tiòh i hiah ê cheng-lâng chiū siū an-ùi; che sī Chú Iâ-hô-hoa kóng--ê. ³²Goá hō· i tī oáh-lâng ê toē, choē thang kiaⁿ-hiāⁿ; Hoat-ló kap i ê cheng-lâng, beh kap siū to thāi ê lâng saⁿ-kap hē tī bô siū kat-lé ê lâng ê tiong-kan; che sī Chú Iâ-hô-hoa kóng--ê.

33 Iâ-hô-hoa ê oē lîm-kàu goá kóng, Jîn-chú ah, lí tiòh tùi pún-kok ê peh-siⁿ kóng-oē, kā in kóng, Goá hō· to-kiàm lîm-kàu chit-kok ê sí, hí chit-kok ê peh-siⁿ tùi in tiong-kan keng chit-lâng, siat-líp i choē siú-bāng ê; ³i khoàⁿ-kìⁿ to-kiàm lîm-kàu hit só·-chāi, nā pûn sàu-kak keng-kài cheng peh-siⁿ; ⁴kìⁿ-nā thiaⁿ-kìⁿ sàu-kak ê siaⁿ, bô siū keng-kài--ê, to-kiàm nā lâi châu-biát i, i ê choē beh kui tī i ê thâu-khak-téng. ⁵I thiaⁿ-kìⁿ sàu-kak ê siaⁿ, bô siū keng-kài, i ê choē beh kui tī i pún-sin; i nā siū keng-kài, chiū oē kiù ka-kī ê siⁿ-miā. ⁶Siat-sú siú-bāng ê lâng khoàⁿ-kìⁿ to-kiàm kàu, bô pûn sàu-kak, tì-kàu peh-siⁿ bô siū keng-kài, to-kiàm lâi thāi-sí in tiong-kan ê chit-lâng, hit ê lâng sui-jiân sí tī i ê choē, chóng-sī Goá beh

tùi siú-bāng ê lâng thó i sit-lòh siⁿ-miā ê choē. ⁷Jîn-chú ah, Goá án-ni siat-líp lí choē Í-sek-liát-ke siú-bāng ê lâng, só·-í lí tiòh thiaⁿ Goá chhui-lāi só· kóng ê oē, thoē Goá keng-kài in. ⁸Goá tùi pháiⁿ-lâng kóng, Pháiⁿ-lâng ah, lí tek-khak oē sí; lí nā bô khui-chhui keng-kài pháiⁿ-lâng, hō· i lī-khui só· kiāⁿ ê lô·; chit ê pháiⁿ-lâng beh sí tī i ê choē, chóng-sī Goá beh tùi lí thó i sit-lòh siⁿ-miā ê choē. ⁹Siat-sú lí keng-kài pháiⁿ-lâng oát-túg lī-khui só· kiāⁿ ê lô·; i iū-goân m̄ oát-túg lī-khui, i beh sí tī i ê choē, lí chiū oē kiù lí ê oáh-miā.

¹⁰Jîn-chú ah, lí tiòh tùi Í-sek-liát-ke kóng, Lín siông-siông án-ni kóng, Goán ê kè-sit goán ê choē-ok, tī goán ê sin-chiūⁿ; goán sī in-ūi án-ni chiām-chiām siau-bô, thái-thó oē oáh ah? ¹¹Lí tiòh tùi in kóng, Chú Iâ-hô-hoa kóng, Goá kí goá ê éng-oáh lâi chiū-choā, Goá toàn-toàn bô hoaⁿ-hí pháiⁿ-lâng sí-bô, tók-tók hoaⁿ-hí pháiⁿ-lâng oát-túg lī-khui só· kiāⁿ ê lô· lâi oáh; Í-sek-liát-ke ah, lín tiòh oát-tò-túg, lī-khui pháiⁿ-lō·, lín siáⁿ-sū beh chúh-sí ah? ¹²Jîn-chú ah, lí tiòh tùi lí ê peh-siⁿ kóng, Gī-lâng ê gī, tī i hoān-choē ê jít boē-oē kiù i; lūn-kàu pháiⁿ-lâng ê pháiⁿ, tī i oát-túg lī-khui i ê pháiⁿ só· kiāⁿ ê jít, iah boē-oē hō· i poah-tó; gī-lâng tī hoān-choē ê jít, iā boē-oē in-ūi i ê gī lâi tit-tiòh oáh. ¹³Goá tùi gī-lâng kóng, i tek-khak oáh; i nā oá-khò i ê gī lâi kiāⁿ-pháiⁿ, chiū i só·-kiāⁿ ê gī, lóng bô tit-tiòh kì-liām; i beh in-ūi só· kiāⁿ ê pháiⁿ lâi sí. ¹⁴Koh, Goá tùi pháiⁿ-lâng kóng, Lí tek-khak sí, i nā oát-túg lī-khui i ê choē, kiāⁿ cheng-tít kap háp-lí ê sū; koh hêng lâng ê tng-thâu kap só· chhiúⁿ lâng ê mih, chun-thàn oáh-miā ê lút-lē, bô koh choē pháiⁿ, i tek-khak oáh, bô tì-kàu sí. ¹⁶I só· hoān it-chhè ê choē, bô koh kā i kì-tit; i kiāⁿ cheng-tít kap háp-lí ê sū, tek-khak oē

oáh. ¹⁷Lí ê peh-sìⁿ iáu teh kóng, Chú ê lô· bô kong-pêng, kî-sít sī in ê lô· bô kong-pêng. ¹⁸Gĩ-lâng oát-túg lĩ-khui i ê gĩ, lâi kiâⁿ-pháiⁿ; chiū beh in-ūi án-ni lâi sí. ¹⁹Pháiⁿ-lâng oát-túg lĩ-khui i ê pháiⁿ, kiâⁿ chêng-tít kap háp-lí ê sū; chiū beh in-ūi án-ni lâi oáh. ²⁰Lín iáu teh kóng, Chú ê lô· bô kong-pêng; Í-sek-liát-ke ah, Goá beh chiàu lín ták-lâng só·-kiâⁿ--ê, sím-phoàⁿ lín.

²¹Goán siū liáh ê liáu-āu chap-jī-nī, chap-gêh chhoe-gō·, ũ chít-lâng tui Iâ-lô·-sat-léng tô-cháu kàu goá chia; kóng, Siâⁿ í-keng kong-phoà. ²²Tô-cháu ê lêng iáu-bē kàu, chêng chít-jít ê ê-hng, Iâ-hô-hoa ê chhiú hē tī goá ê sin-chiūⁿ; khui goá ê chhui; kàu keh chá-khí, hit lêng lâi kàu goá chia; goá ê chhui chiū khui, bô koh é-káu. ²³Iâ-hô-hoa ê oē lĩm-kàu goá kóng, Jîn-chú ah, tiàm tī Í-sek-liát hong-hoè ê toē ê lêng teh kóng, A-pek-láh-hán tók-tók chít-lêng, ũ tit-tiòh chit ê toē choè-giáp; lán lêng-giáh chin-choē, chit ê toē sī hō· lán choè-giáp--ê. ²⁵Só·-í lí tiòh ká in kóng, Chú Iâ-hô-hoa án-ni kóng, Lín chiáh iáu ũ huìh ê bah, koh kiáh-khí lín ê bák-chiu, gióng-bōng lín ê ngó·-siōng; koh thài-lêng lâu-huìh, lín iáu oē tit-tiòh chit ê toē choè-giáp mah? ²⁶Lín oá-khò lín ê to-kiàm, kiâⁿ khó-òⁿ ê sū; lêng-lêng phah lâ-sâm chhui-piⁿ ê bók; lín iáu oē tit-tiòh chit ê toē choè-giáp mah? ²⁷Lí tiòh tui in án-ni kóng, Chú Iâ-hô-hoa án-ni kóng, Goá kí Goá ê éng-oáh lâi chiū-choā; tī pha-hng ê só·-chāi--ê, beh tó tī to-ē, tī chhân-iá ê tiong-kan--ê, Goá beh kau in hō· iá-siù thun-chiáh; tī oē-só· kap tōng-lāi--ê, beh sí tī un-ék. ²⁸Goá beh hō· chit ê toē léng-chēng, hō· lêng-gōng-ngiáh; i in-ūi sè-lék ê kiau-ngō· iā beh soah; Í-sek-liát chiah ê soaⁿ lóng beh léng-chēng, bô lêng keng-kè. ²⁹Goá in-ūi in só·

kiâⁿ it-chhè khó-òⁿ ê sū, hō· toē pha-hng; tì-kàu lêng-gōng-ngiáh; hit-sī in chiū chai Goá sī Iâ-hô-hoa.

³⁰Jîn-chú ah, Lí ê peh-sìⁿ tī chhui-piⁿ, tī chhui m̄g-kháu, tâm-lūn lí; hiaⁿ-tī tui hiaⁿ-tī saⁿ-kap kóng, Lâi ah, lâi thiaⁿ, thiaⁿ-khoàⁿ Iâ-hô-hoa ê oē sī kóng sím-mih. ³¹In lâi lí chia, chhin-chhiūⁿ peh-sìⁿ lâi chū-hoē; chē tī lí ê b̄m-chēng, chhin-chhiūⁿ sī Goá ê peh-sìⁿ; in thiaⁿ lí ê oē, iáh bô khi-kiâⁿ; in-ūi in ê chhui hián-chhut choē-choē chhin-ài, chóng-sī sim sī teh jip chíⁿ. ³²Khoàⁿ ah, in khoàⁿ lí chhin-chhiūⁿ gâu chok-gák, hó siaⁿ-im ê lêng só· chhiūⁿ ê ngá-ko; in thiaⁿ lí ê oē iā bô khi-kiâⁿ. ³³Khoàⁿ ah, só· kóng ê oē kín-kín beh chiâⁿ; kàu chiâⁿ ê sí, in chiū chai bat ũ sian-ti tī in tiong-kan.

34 Iâ-hô-hoa ê oē lĩm-kàu goá kóng, Jîn-chú ah, lí tiòh soan-thoan kong-kek Í-sek-liát chiah ê bók-chiá; lí tiòh soan-thoan lâi tui in kóng, Chú Iâ-hô-hoa tui chiah ê bók-chiá án-ni kóng, Chai-ē ah, Í-sek-liát chiah ê bók-chiá, in-ūi in iúⁿ-chhi ka-kī; bók-chiá kiám m̄ eng-kai iúⁿ-chhi iúⁿ-kūn mah? ³Lín chiáh i ê iū, chhēng i ê m̄g, thài i ê pui--ê, iā bô iúⁿ-chhi iúⁿ-kūn. ⁴Loán-jiók--ê, lín bô kò· hō· i ióng; phoà-piⁿ--ê, lín bô ká i i-tī; siū-siong--ê, lín bô ká i pau; siū koáⁿ-tiók--ê, lín bô chhoā i tò--lâi, sit-lòh--ê, lín bô chhē--i; tók-tók ēng kiông-pō, giâm-giâm ê koán-hat. ⁵In-ūi bô bók-chiá, iūⁿ chiū sī-soàⁿ; í-keng sī-soàⁿ chiū choè it-chhè iá-siù ê chiáh-mih. ⁶Goá ê iūⁿ sī-koè kiâⁿ tī chiah ê soaⁿ--nih, tī ták-ê koaiⁿ ê soaⁿ-téng, sī-soàⁿ tī choân-toē, bô lêng khi tui, bô lêng khi chhē. ⁷Só·-í lín chiah ê bók-chiá tiòh thiaⁿ Iâ-hô-hoa ê oē. ⁸Chú Iâ-hô-hoa kóng, Goá kí Goá ê éng-oáh lâi chiū-choā, Goá ê iūⁿ in-ūi bô bók-chiá, chiū chiâⁿ-choè

siū-chhiúⁿ ê mih, iūⁿ iā choè it-chhè iá-siù ê chiáh-mih; iā Goá ê bók-chiá bô chhē Goá ê iūⁿ; chiah ê bók-chiá in-ūi in iúⁿ-chhī ka-kī, bô iúⁿ-chhī Goá ê iūⁿ; ⁹só·í lín chiah ê bók-chiá tiòh thiaⁿ Iâ-hô-hoa ê oē; ¹⁰Chú Iâ-hô-hoa án-ni kóng, Goá kap bók-chiá choè tui-tèk, beh tui in ê chhiú tui-thó Goá ê iūⁿ, hō in bô koh iúⁿ-chhī iūⁿ-kūn; bók-chiá iā bô koh iúⁿ-chhī ka-kī; Goá beh kiù Goá ê iūⁿ thoat-lī in ê chhūi, bô koh choè in ê chiáh-mih. ¹¹In-ūi Chú Iâ-hô-hoa án-ni kóng, Khoàⁿ ah, Goá, Goá beh pún-sin chhē Goá ê iūⁿ, lâi chhē-tiòh--i. ¹²Bók-chiá tī iūⁿ-kūn sì-soàⁿ ê jít, cháiⁿ-iūⁿ chhē i ê iūⁿ, Goá iā beh chhin-chhiūⁿ án-ni chhē Goá ê iūⁿ; chiah ê iūⁿ tī bát-hūn o·àm ê jít, sì-soàⁿ kàu ták só·chāi, Goá beh tui-hia kiù in tò--lâi. ¹³Goá beh tui liát-kok-tiong chhoā in chhut, tui ták-kok ê lâi-bīn chū-chíp in, chhoā in tò--lâi in ê pún só·chāi; iā beh tī Í-sek-liát soaⁿ chiah ê khoe-piⁿ, keng-lâi it-chhè thang khiā-khí ê só·chāi, lâi iúⁿ-chhī in. ¹⁴Goá beh tī hó-hó ê chháu-tiūⁿ iúⁿ-chhī in, in ê iūⁿ-tiâu beh tī Í-sek-liát koaiⁿ-ūi ê soaⁿ; in beh tī hó-hó ê iūⁿ-tiâu-lâi tó-teh-khùn, iā tī Í-sek-liát soaⁿ pui-súi ê chháu-tiūⁿ chiáh-chháu. ¹⁵Chú Iâ-hô-hoa kóng, Goá beh pún-sin iúⁿ-chhī Goá ê iūⁿ, hō in tó-teh-khùn. ¹⁶Sit-lôh--ê Goá beh chhē i; siū koáⁿ-tiòk--ê, Goá beh chhoā i tò--lâi; siū-siong--ê Goá beh pau--i; phò·pīⁿ--ê, Goá beh i-tī i; tók-tók pui--ê, ióng--ê, Goá beh tui biat--i, iā beh péng-kong iúⁿ-chhī in. ¹⁷Goá ê iūⁿ-kūn ah, lūn-kàu lín, Chú Iâ-hô-hoa án-ni kóng, Goá beh tī iūⁿ kap iūⁿ ê tiong-kan, kang ê mī-iūⁿ kap kang ê soaⁿ-iūⁿ ê tiong-kan, kiāⁿ phò·pīⁿ-toàn. ¹⁸Lí tī hó-hó ê chháu-tiūⁿ chiáh-chháu, iáu liáh-choè sió-khoá sū mah? chhun ê chháu lín keng-jian ēng kha thún-táh--i? lín

lim chheng ê chú; chhun--ê lín keng-jian ēng kha phah-lô--i? ¹⁹Lūn-kàu Goá ê iūⁿ sī chiáh lín ēng kha táh--ê, lim lín ēng kha phah-lô--ê.

²⁰Só·í Chú Iâ-hô-hoa tui in án-ni kóng, Khoàⁿ ah, Goá pún-sin tī pui ê iūⁿ kap sán ê iūⁿ ê tiong-kan kiāⁿ phò·pīⁿ-toàn. ²¹In-ūi lín ēng sin-khu, ēng keng-thâu khoeh--in, ēng lín ê kak tak phò·pīⁿ--ê, tì-kàu hō in sì-soàⁿ tī goā-bīn. ²²Só·í Goá beh chín-kiù Goá ê iūⁿ-kūn, bô koh choè siū chhiúⁿ ê mih; Goá iáh beh tī iūⁿ kap iūⁿ ê tiong-kan kiāⁿ phò·pīⁿ-toàn.

²³Goá beh siat-líp chit ê bók-chiá, chiàu-kò in, i beh iúⁿ-chhī in; chiū-sī Goá ê lô·pòk Tāi-pit; i beh iúⁿ-chhī in, choè in ê bók-chiá.

²⁴Goá Iâ-hô-hoa beh choè in ê Siōng-tè; Goá ê lô·pòk Tāi-pit beh tī in ê tiong-kan choè siú-léng; che sī Goá Iâ-hô-hoa kóng--ê. ²⁵Goá beh kap in lip pēng-an ê iok, hō ok-siù tui keng-lâi toān-choát; in chiū beh an-jian khiā-khí tī khòng-iá, khùn tī chhiū-nâ-lâi.

²⁶Goá beh hō in kap Goá ê soaⁿ sì-ūi ê só·chāi chiāⁿ-choè hok-khí ê goān-thâu; Goá iáh beh chiàu-si lôh-hō, beh ū si hok-khí ê toā-hō.

²⁷Chhân-iá ê chhiū beh kiat ké-chí; toē iā beh chhut-sán; in beh an-jian khiā-khí tī pún só·chāi; Goá at-chhih in só·pē ê taⁿ, kiù in thoat-lī hit ê liáh in choè lô·chāi ê lāng ê chhiú; hit-si in chiū chai Goá sī Iâ-hô-hoa.

²⁸In bô koh choè goā-pang lāng só·chhiúⁿ ê mih, toē-chiūⁿ ê iá-siù iā bô koh thun-chiáh in; sī beh an-jian khiā-khí, bô lāng hō in kiaⁿ-hiāⁿ.

²⁹Goá beh ká in heng-khí chit ê chhut-miá chai-chèng ê só·chāi; in tī keng-lâi, bô koh hō ki-hng só·biát; iā bô koh siū-tiòh goā-pang-lāng ê lēng-jiók.

³⁰In beh chai Goá Iâ-hô-hoa in ê Siōng-tè, sī kap in tī-teh; iā chai in Í-sek-liát-ke sī Goá ê peh-siⁿ; che sī Chú Iâ-hô-hoa kóng--ê.

³¹Lín sī Goá ê iūⁿ, sī Goá chháu-tiūⁿ ê iūⁿ;

lín sī lāng; Goá iā sī lín ê Siōng-tè; che sī Chú Iâ-hô-hoa kóng--ê.

35 Iâ-hô-hoa ê oē lîm-kàu goá kóng, Jîn-chú ah, lí tiòh bīn òng Se-jīⁿ soaⁿ, soan-thoân lâi kong-kek i. ³Tùi i kóng, Chú Iâ-hô-hoa án-ni kóng, Khoàⁿ ah, Se-jīⁿ soaⁿ ah, Goá kap lí choè tùi-tèk, Goá beh chhun-chhiú kong-kek lí; hō· lí léng-chēng, thang hō· lāng gông-ngiáh. ⁴Goá beh hō· lí chia^h ê siāⁿ pīⁿ-choè pha-hng, hō· lí léng-chēng; lí chiū chai Goá sī Iâ-hô-hoa. ⁵In-ūi lí khng éng-oán ê oàn-hūn; tī Í-sek-liát chók tú-tiòh chai-ê, choē-koà kiát-kiók ê sī, lí chiong in kau hō· to-kiàm ê sè-lèk. ⁶Só·-í Chú Iâ-hô-hoa án-ni kóng, Goá chí Goá ê éng-oáh lâi chiū-choā, Goá tek-khak hō· lí tú-tiòh lâu-huih ê pò-èng; choē tek-khak tui-koáⁿ lí; lí í-keng bô oàn-hūn thài lāng lâu huih, só·-í chit ê choē tek-khak tui-jip lí. ⁷Goá beh hō· Se-jīⁿ-soaⁿ pha-hng léng-chēng; tui-hia óng-lâi ê lāng Goá beh chián-tū i. ⁸Goá beh hō· i hiah ê soaⁿ, siū thài ê lāng moá-moá; hō· to-kiàm thài-sí--ê beh tó tī lí ê sió-soaⁿ, kap soaⁿ-kok, kap it-chhè ê khiⁿ-kau. ⁹Goá beh hō· lí éng-oán pha-hng, lí chia^h ê siāⁿ tek-khak bô lāng khiā-khi; chiū lín tek-khak chai Goá sī Iâ-hô-hoa. ¹⁰In-ūi lín kóng, Chí nng-kok nng ê toē-hng lóng beh kui goá, goán beh tit-tiòh; kī-sit Iâ-hô-hoa tī-hia. ¹¹Só·-í Chú Iâ-hô-hoa án-ni kóng, Goá kí Goá ê éng-oáh lâi chiū-choā; Goá beh chiàu lí ê siū-khi, kap chiàu lí ūi-tiòh oàn-hūn lâi kiāⁿ tī in ê oàn-tò·, khoán-thāi lí; chiū Goá sím-phoàⁿ lí ê sī beh hián-bēng ka-kī tī in tiong-kan. ¹²Lí chiū chai Goá Iâ-hô-hoa í-keng thiaⁿ-kìⁿ lí kong-kek Í-sek-liát chia^h ê soaⁿ só· kóng ê pòng-tók, sī kóng, Pha-hng lah, in í-keng kau tī goán, hō· goán thang thun i. ¹³Koh lín ēng chhui òng Goá lâi ka-kī khoa-kháu; ke-thiⁿ lín chia^h ê

oē lâi kong-kek Goá; Goá thiaⁿ-kìⁿ lah. ¹⁴Chú Iâ-hô-hoa án-ni kóng, Tng choân-toē hoaⁿ-hí ê sī, Goá beh hō· lí pha-hng. ¹⁵Lí in-ūi Í-sek-liát-ke ê ki-giap pha-hng, lâi hoaⁿ-hí; Goá iā beh án-ni khoán-thāi lí; Se-jīⁿ soaⁿ ah, lí beh pha-hng, í-klp Í-tong choân-toē iā án-ni; in chiū chai Goá sī Iâ-hô-hoa.

36 Jîn-chú ah, lí tiòh tùi Í-sek-liát chia^h ê soaⁿ lâi soan-thoân, kóng, Í-sek-liát chia^h ê soaⁿ ah, tiòh thiaⁿ Iâ-hô-hoa ê oē. ²Chú Iâ-hô-hoa án-ni kóng, In-ūi tui-tèk kong-kek lí kóng, Hō--chāi, kó·-chá koāiⁿ ê só·-chāi lóng hō· goán choè-giap lah. ³Só·-í lí tiòh soan-thoân kóng, chú Iâ-hô-hoa án-ni kóng, In-ūi in hō· lí pha-hng, tī sī-ūi thun-kā lí; beh hō· lí kui tī só· chhun ê goā-pang-lāng choè giáp; iā hō· kâu-kháu-siát ê lāng gī-lūn lí, hō· chēng peh-siⁿ hui-pòng lí; só·-í Í-sek-liát chia^h ê soaⁿ ah, tiòh thiaⁿ Chú Iâ-hô-hoa ê oē: Chú Iâ-hô-hoa tui chia^h ê soaⁿ, chia^h ê niá, chia^h ê khiⁿ-kau, chia^h ê soaⁿ-kok, chia^h ê pha-hng ê só·-chāi, siū khi-sak ê siāⁿ, hō· sī-ūi só· chhun ê goā-pang-lāng chhiúⁿ-kiap ki-chhi--ê, án-ni kóng; ⁵só·-í Chú Iâ-hô-hoa án-ni kóng, Goá sit-chāi tī jiát-jiát ê oàn-tò·, ēng oē chek-pī liát-pang só· chhun--ê í-klp Í-tong ê choân-toē; in-ūi in hun-phài Goá ê toē choè ka-kī ê giáp; moá-sim hoaⁿ-hí, sīn-hūn biáu-sī; ài koáⁿ-tiók i ê peh-siⁿ, lâi chhiúⁿ-kiap--i. ⁶Só·-í lí tiòh lūn Í-sek-liát toē lâi soan-thoân; tui i chia^h ê soaⁿ, chia^h ê niá, chia^h ê khiⁿ-kau, chia^h ê soaⁿ-kok kóng, Chú Iâ-hô-hoa án-ni kóng, Khoàⁿ ah, Goá tī goá ê oàn-tò·, kap Goá ê toā siū-khi lâi kóng, in-ūi í-keng siū īⁿ-pang lāng ê lēng-jiók; ⁷só·-í Chú Iâ-hô-hoa án-ni kóng, Goá kú-khi Goá ê chhiú, kóng, Tī lín sī-ūi ê īⁿ-pang lāng, in sit-chāi beh siū in ê lēng-jiók. ⁸Tók-tók lín Í-sek-liát chia^h ê

soaⁿ ah, lín tek-khak hoat-chhut lín ê ki-oāiⁿ, koh beh kiát ké-chí hō· Goá ê peh-sìⁿ Í-sek-liát; in-ūi in kün-kün beh kàu lah. ⁹Khoàⁿ ah, Goá sī ūi lín ê, goá beh oát-túg ñg lín, chiū lín beh hō· lāng chēng-choh. ¹⁰Goá koh beh ke-thiⁿ lāng tī lín ê téng-bīn, chiū-sī Í-sek-liát ke-ke hō·-hō·, it-chhè lóng án-ni; chiū i chiaⁿ ê siāⁿ beh ū lāng khiā-khi; pha-hng ê só·-chāi tit-tiōh khi-chō. ¹¹Goá iā beh ke-thiⁿ lāng kap cheng-siⁿ tī lín ê téng-bīn; in beh siⁿ-thoàⁿ chin-choē; Goá beh hō· lín chiàu-kū ū lāng khiā-khi; koh beh hó khoán-thāi lín, iāⁿ-kè khi-thâu ê sī; lín chiū chai Goá sī Iâ-hô-hoa. ¹²Goá beh hō· lāng kiāⁿ tī lín ê téng-bīn, chiū-sī Goá ê peh-sìⁿ Í-sek-liát; in beh tit-tiōh lí, lí beh choē in ê giáp; lí iā bô koh hō· in choát-sū. ¹³Chú Iâ-hô-hoa án-ni kóng, In-ūi lāng tui lín kóng, Lí sī thun-chiāh lāng-ê, koh hō· peh-sìⁿ choát-sū; ¹⁴só·-í chú Iâ-hô-hoa án-ni kóng, Lí bô beh koh thun-chiāh lāng, iāh bô beh koh hō· lí ê kok-bīn choát-sū. ¹⁵Goá bô beh hō· lí koh thiaⁿ-kìⁿ goā-pang lāng ê lēng-jiók, lí iā bô koh siū bān peh-sìⁿ ê húi-pòng, lí iā bô koh hō· lí ê kok-bīn tiōh-tak; che sī Chú Iâ-hô-hoa kóng-ê.

¹⁶Iâ-hô-hoa ê oē koh līm-kàu goá kóng, Jîn-chú ah, Í-sek-liát-ke, khiā-khi tī pún só·-chāi ê sī, ēng in ê só·-kiāⁿ só·-choē, phah lâ-sâm-i; in ê só·-kiāⁿ tī Goá ê bīn-chēng sī chhin-chhiūⁿ hū-jîn-lāng keng-kī kàu ê lâ-sâm. ¹⁸In-ūi in tī hit ê só·-chāi lâu lāng ê huìh, koh in-ūi in ēng ngó·-siōng phah lâ-sâm-i; só·-í Goá piāⁿ-chhut Goá ê siū-khi tī i ê téng-bīn. ¹⁹Goá hun-soàⁿ in tī liát-kok, in chiū si-soàⁿ tī liát-pang-tiong; Goá chiū chiàu in ê só·-kiāⁿ, in ê só·-choē lâi sīm-phoàⁿ--in. ²⁰In khi kàu in só· kàu ê goā-pang lāng hia, siat-tók Goá ê sēng-miā; in-ūi lāng chí in lâi kóng,

Che sī Iâ-hô-hoa ê peh-sìⁿ, tui I ê toē chhut-lâi--ê. ²¹Chóng-sī Goá pó-sioh Goá ê sēng-miā; chiū-sī Í-sek-liát-ke, tī in só· kàu ê liát-kok-tiong, só· siat-tók-ê. ²²Só·-í lí tiōh tui Í-sek-liát-ke kóng, Chú Iâ-hô-hoa án-ni kóng, Í-sek-liát-ke ah, Goá kiāⁿ chit-ê, m̄-sī ūi-tiōh lín ê iân-kò·, chiū-sī ūi-tiōh Goá ê sēng-miā ê iân-kò·; chiū-sī lín kiāⁿ-kàu ê liát-kok-tiong só· siat-tók-ê. ²³Goá ê toā-miā siū siat-tók tī tīⁿ-pang-tiong, chiū-sī lín só· siat-tók tī in tiong-kan--ê; Goá beh hō· i choē-sēng; koh Goá tui lín hián-bēng ka-kī choē-sēng tī in ê bák-chiu-chēng; chiū tīⁿ-pang-lāng beh chai Goá sī Iâ-hô-hoa; che sī Chú Iâ-hô-hoa só· kóng-ê. ²⁴Goá beh toà lín chhut liát-pang, tui liát-kok-tiong chū-chíp lín, chhoā lín jíp lín ê pún só·-chāi. ²⁵Goá iā beh ēng chheng ê chúⁿ hiū lín, lín chiū chheng-khi; Goá beh soē-chheng lín, tū-khi lín it-chhè ê lâ-sâm, kap lín it-chhè ê ngó·-siōng. ²⁶Goá beh ēng sin ê sim siúⁿ-sù lín; iā beh ēng sin ê sīn hē tī lín ê lâi-bīn; koh beh tui lín ê jiók-thé-tiong tū-khi chhin-chhiūⁿ chiōh ê sim, siúⁿ-sù lín chhin-chhiūⁿ bah ê sim. ²⁷Goá beh chiong Goá ê sīn hē tī lín ê lâi-bīn, hō· lín sūn-thàn Goá ê lūt-lē, siú Goá ê hoat-tō· lâi kiāⁿ--i. ²⁸Lín beh khiā-khi tī Goá só· siúⁿ-sù lín ê liát-chó· ê toē; lín beh choē Goá ê peh-sìⁿ, Goá beh choē lín ê Siōng-tè. ²⁹Goá beh kiū lín thoat-lī lín it-chhè ê ù-oē; iā beh kiò ngó·-kok hō· i hong-sēng, bô hō· lín tú-tiōh ki-hng. ³⁰Goá beh ke-thiⁿ chhiū-bák ê ké-chí, í-kíp chhân-hng ê thó·-sán; hō· lín bô koh in-ūi ki-hng siū goā-pang-lāng ê lēng-jiók. ³¹Hit-sī lín beh kī-tit lín ê pháiⁿ só·-kiāⁿ, kap lín m̄-hó ê só·-choē; chiū in-ūi lín ê choē-koà, kap khó·-òⁿ ê sū, tī ka-kī ê bīn-chēng lâi iām-chiān ka-kī. ³²Chú Iâ-hô-hoa kóng, Lín tiōh chai Goá án-

ni kiâⁿ m̄-sī ũi-tiòh lín ê iân-kò; Í-sek-liát-ke ah, lín tiòh ũi ka-kī ê só-kiâⁿ, lâi lâu-khùi kiàn-siàu. ³³Chú Iâ-hô-hoa án-ni kóng, Goá soé-chheng lín, tû-khì lín it-chhè choē-koà ê jít, beh hō lín ê siâⁿ ũ lāng khiā-khí, pha-hng ê só-chāi tit-tiòh khí-chō. ³⁴Chêng kè-lō̄ ê lāng khoàⁿ-choè hong-hoè ê toē, taⁿ chit ê hong-hoè ê toē koh ũ lāng cheng-choh. ³⁵Lāng beh kóng, Chêng choè hong-hoè ê toē, taⁿ chhin-chhiūⁿ Ai-tiân ê hng; chit ê hong-hoè, léng-chēng, húi-hoài ê siâⁿ, taⁿ khí chin kian-kò, ũ lāng khiā-khí. ³⁶Hit-sī tī lín sì-ũi só-chhun ê goā-pang-lāng, beh chai Goá Iâ-hô-hoa khí-chō hiah ê tó-hoài ê só-chāi, chai-poê hong-hoè ê toē; Goá Iâ-hô-hoa í-keng kóng-i, tek-khak chiâⁿ--i.

³⁷Chú Iâ-hô-hoa án-ni kóng, Goá beh hō Í-sek-liát-ke ũi-tiòh chit ê sū kiū Goá, tì-kàu Goá kâ in chiâⁿ; Goá beh ke-thiⁿ in ê lāng-giáh, chhin-chhiūⁿ iūⁿ-kūn. ³⁸Chhin-chhiūⁿ hiàn-chè ê iūⁿ-kūn, chiū-sī chhin-chhiūⁿ Iâ-lō̄-sat-léng siú-choeh ê sī ê iūⁿ-kūn; án-ni, chiah ê pha-hng ê siâⁿ, tek-khak ũ kui-kūn lāng moá-moá; in chiū chai Goá sī Iâ-hô-hoa.

37 Iâ-hô-hoa ê chhiú hē tī goá ê sin-chiūⁿ, Iâ-hô-hoa ēng I ê sîn chhoā goá chhut-khì, hē goá tī soaⁿ-kok-tiong; hit ê soaⁿ-kok ũ kut-thâu moá-moá. ²I hō goá tui kut-thâu ê sì-ũi keng-kè; khoàⁿ ah, tī soaⁿ-kok ê bīn-chiūⁿ ũ kut-thâu chin-choē, khoàⁿ ah, in chin ko-tâ. ³I tui goá kóng, Jîn-chú ah, chiah ê kut oē oáh boē? Goá in kóng, Chú Iâ-hô-hoa ah, Lí chai-i. ⁴I koh tui goá kóng, Lí tiòh tui chiah ê kut soan-thoân, lâi kâ in kóng, Lín ko-tâ ê kut ah, tiòh thiaⁿ Iâ-hô-hoa ê oē. ⁵Chú Iâ-hô-hoa kâ chiah ê kut án-ni kóng, Khoàⁿ ah, Goá beh hō oáh-khì jíp lín ê lâi-bīn, lín chiū beh oáh. ⁶Goá beh hō lín ê téng-bīn ũ kun,

koh hō lín ũ bah, koh ēng phê kâ lín pau, ēng oáh-khì jíp tī lín, lín chiū oē oáh; lín chiū chai Goá sī Iâ-hô-hoa. ⁷Tui án-ni, goá thàn bēng-lēng lâi soan-thoân; tng goá teh soan-thoân ê sī, ũ siaⁿ, hut-jian toē-tāng, chiah ê kut saⁿ liân-háp, ták-ki kui i ê pún-ũi. ⁸Goá khoàⁿ i, khoàⁿ-kìⁿ kut ê téng-bīn ũ kun, iā ũ bah, koh ũ phê pau tī i ê téng-bīn; chóng-sī lâi-bīn bô oáh-khì. ⁹I chiū tui goá kóng, Lí tiòh ñg hong lâi soan-thoân; jîn-chú ah, tiòh soan-thoân, lâi tui hong kóng, Chú Iâ-hô-hoa án-ni kóng, Oáh-khì ah, tui hiah ê hong lâi, pún tī chiah ê siū-thai--ê, hō in oē oáh. ¹⁰Tui án-ni, goá chiàu I só bēng-lēng goá--ê lâi soan-thoân; oáh-khì chiū lâi, jíp tī in; in chiū oáh, khí--lâi khiā, chiâⁿ-choè kék-toā ê kun-tui. ¹¹I chiū kâ goá kóng, Jîn-chú ah, chiah ê kut chiū-sī Í-sek-liát ê choân-ke; khoàⁿ ah, in kóng, Goán ê kut lóng ko-tâ, goán ê ñg-bāng lóng sit-lóh; goán it-chīn châu-biát. ¹²Só-í lí tiòh soan-thoân, lâi tui in kóng, Chú Iâ-hô-hoa án-ni kóng, Goá ê peh-siⁿ ah, khoàⁿ ah, Goá beh khai lín ê bōng, hō lín tui lín ê bōng khí--lâi, chhoā lín jíp Í-sek-liát toē. ¹³Goá ê peh-siⁿ ah, Goá khai lín ê bōng, hō lín tui lín ê bōng khí--lâi, lín chiū chai Goá sī Iâ-hô-hoa. ¹⁴Goá beh chiong Goá ê sîn hē tī lín ê lâi-bīn, lín chiū beh oáh; Goá an-ti lín tī pún só-chāi, lín chiū chai Goá Iâ-hô-hoa án-ni kóng, iā án-ni chiâⁿ; che sī Iâ-hô-hoa kóng--ê.

¹⁵Iâ-hô-hoa ê oē koh līm-kàu goá kóng, Jîn-chú ah, lí tiòh thêh chit-tè chhâ-pán, tī i ê téng-bīn siá, Ũi Iú-tai kap i ê tâng-phoāⁿ Í-sek-liát chók; koh thêh chit-tè chhâ-pán, tī i ê téng-bīn siá, Ũi-tiòh Iok-sek, Í-hoat-liân, kap i ê tâng-phoāⁿ Í-sek-liát choân-ke ê chhâ-pán. ¹⁷Lí tiòh hō in saⁿ-oá, liân choè chit-tè chhâ-pán; chiū tī lí ê chhiú-tiong beh chiâⁿ-choè

chít-tè. ¹⁸Siat-sú lí ê peh-sìⁿ m̄ng lí kóng, Lí choè chít-ê sím-mih ì-sù, lí m̄ chí-sī goán mah? ¹⁹Lí chiū tiòh tùi in kóng, Chú Iâ-hô-hoa án-ni kóng, Khoàⁿ ah, Goá beh thèh Í-hoat-liân ê chhiú só· kiáh Iok-sek ê chhâ-pán, kap i ê tâng-phoāⁿ Í-sek-liát chiaⁿ ê chi-phài; Goá beh hē-i óa tī Iû-tāi ê chhâ-pán, hō· i chiāⁿ-choè chít-tè ê chhâ-pán, chiū i beh chiāⁿ-choè chít-tè tī Goá ê chhiú. ²⁰Lí só· siá hí n̄ng tè chhâ-pán, tiòh tī in ê bák-chiu-chêng, kiáh tī lí ê chhiú. ²¹Lí tiòh tùi in kóng, Chú Iâ-hô-hoa án-ni kóng, Khoàⁿ ah, Goá beh chhiú Í-sek-liát chók tùi in só· kàu ê ták-kok chhut--lâi; koh tùi sî-ûi chu-chíp in, chhoā in tò-lâi pún só·-chāi. ²²Goá beh hō· in tī hit ê toē, tī Í-sek-liát ê soaⁿ, háp-choè chít peh-sìⁿ; Ū chít ê ông choè in chêng-lâng ê ông; in bô koh choè n̄ng-pêng ê peh-sìⁿ, iā bô koh pun-choè n̄ng-kok. ²³Iā bô koh in-ûi ngó·-siōng, kap khó-òⁿ ê mih, í-kip it-chhè ê choē-koā, phah lâ-sâm pún-sin; Goá beh kiū in chhut in it-chhè khiā-khi ê só·-chāi, chiū-sī in hoān-choē hia; Goá beh chheng-khi in; án-ni, in beh choè Goá ê peh-sìⁿ; Goá beh choè in ê Siōng-tè. ²⁴Goá ê lô·-pók Tāi-pit beh choè in ê ông; in lóng beh kui tī chít ê bók-chiá; in beh sūn-thàn Goá ê hoat-tō·, siú Goá ê lút-lē lâi kiāⁿ. ²⁵In beh khiā-khi tī Goá siúⁿ-sù Goá ê lô·-pók Ngá-kok ê toē; chiū-sī lín ê lăit-chó· só· khiā-khi--ê; in kap in ê kiáⁿ-sun, í-kip kiáⁿ-kiáⁿ sun-sun, lóng éng-oán khiā-khi tī-hia. Goá ê lô·-pók Tāi-pit beh choè in ê jîn-kun, tit-kàu éng-oán. ²⁶Koh Goá beh kap in lip pêng-an ê iok, kap in choè éng-oán ê iok; Goá iā beh kiàn-siat in, hō· in ê lêng-giáh ke-thiⁿ, koh tī in ê tiong-kan siat-lip Goá ê sêng-só· tit-kàu éng-oán. ²⁷Goá khiā-khi ê só·-chāi beh tī in tiong-kan; Goá beh choè in ê Siōng-tè, in

beh choè Goá ê peh-sìⁿ. ²⁸Goá ê sêng-só· tī in tiong-kan, tit-kàu éng-oán; goā-pang-lâng chiū beh chai Goá sī Iâ-hô-hoa, hō· Í-sek-liát chiāⁿ-choè sêng-ê.

38 Iâ-hô-hoa ê oē lîm-kàu goá kóng, Jîn-chú ah, lí tiòh bîn òng Má-kok toē ê Ko-kek, chiū-sī Lô-si, Bí-siat, Thó·-pa ê jîn-kun, soan-thoân lâi kong-kek i, kóng, ³Chú Iâ-hô-hoa án-ni kóng, Lô-si, Bí siat, Thó·-pa ê jîn-kun, Ko-kek ah, khoàⁿ ah, Goá choè lí ê tui-ték; ⁴Goá beh hō· lí óat-tng, ēng kau kau lí ê gē-chô, chiong lí kap lí ê kun-peng, bé-phit, bé-peng, toā--chhut-lâi, lóng chhēng chin súi ê chiàn-kah, chiāⁿ-choè toā ê kun-tui, giā toā-siô ê tîn-pai, ták-ê kiáh to-kiám; Pho-su-lâng, Kó·-sit-lâng kap Hut-lâng kap in lâi, ták-ê giā tîn-pai tī thâu-khoe; ⁶Ko-biat kap i ê kun-tui; pak-hng kék-thâu ê To-ka-má-chók kap i ê kun-tui; koh ū choē-choē peh-sìⁿ kap lí choē-tin. ⁷Lí tiòh ka-kī pī-pān, lí kap chū-chíp tī lí hia ê kun-tui lóng tiòh pī-pān, lí tiòh choè in ê goān-soè. ⁸Choē-choē jīt āu lí beh siū pān-lí; kàu lô·-bé ê nī lí beh lâi kàu thoat-lī to-kiám, tui liát-kok siu-hoē ê toē, kàu Í-sek-liát kú-kú pha-hng ê soaⁿ; chóng-sī í i-keng tui liát-kok-tiong toā-chhut, in lóng beh an-jian khiā-khi. ⁹Lí kap lí ê kun-tui, í-kip kap lí saⁿ-kap lâi choē-choē kok ê peh-sìⁿ, lóng beh chiūⁿ-lâi chhin-chhiūⁿ kóng-hong lâi, lí beh chhin-chhiūⁿ hūn jia-khām toē. ¹⁰Chú Iâ-hô-hoa án-ni kóng, Kàu hit-jit beh ū ì-sù heng-khi tī lí ê sim, lí beh tô·-bô· pháiⁿ ê kè-bô; ¹¹kóng, Goá beh chiūⁿ-kàu hiuⁿ-siā ê toē, kàu chēng-chēng an-jian khiā-khi ê peh-sìⁿ hia, in só· khiā-khi ê lóng bô siāⁿ-chhiūⁿ, iā bô m̄ng bô chhoāⁿ; thang chhiúⁿ só· beh chhiúⁿ--ê, kiap só· beh kiap--ê, óat-tng lí ê chhiú, kong-kek hiah ê chēng pha-hng taⁿ ū lêng khiā-khi

ê toē, í-kíp hit ê khiā-khí sè-kài ê tiong-sim-tiám, tùi liát-kok chū-chíp, tit-tiòh cheng-siⁿ hè-châi ê peh-siⁿ. ¹³Si-pa lêng, Tí-tàn lêng, Tha-si ê seng-lí lêng, kap in tiong-kan ióng ê sai, lóng beh tùi lí kóng, Lí lâi sī beh chhiúⁿ só·chhiúⁿ--ê mah? lí chū-chíp lí ê kun-tūi sī beh kiap só·kiap--ê mah? beh thèh kim-gûn, toà cheng-siⁿ hè-châi khi mah? Beh toā-toā chhiúⁿ só·chhiúⁿ--ê mah?

¹⁴Jîn-chú ah, lí tiòh in-ūi án-ni soan-thoân, tùi Ko-kek kóng, Chú Iâ-hô-hoa án-ni kóng, Tng Goá ê peh-siⁿ Í-sek-liát an-jiân khiā-khí ê jlt, lí kiám bô tit-tiòh chai mah? ¹⁵Lí beh tùi lí ê pún só·châi, tùi pak-hng ê kék-thâu lâi, lí kap choē-choē kok ê peh-siⁿ saⁿ-kap lâi, lóng sī khiā-bé, choē toā-tin, choē-choē ê kun-tūi. ¹⁶Lí beh chiūⁿ--lâi kong-kek Goá ê peh-siⁿ Í-sek-liát, chhin-chhiūⁿ bát-hûn jia-khâm toē; tī lô·bé ê jlt Goá beh chhoā lí lâi kong-kek Goá ê toē, Ko-kek ah, kàu Goá tī liát-pang ê bîn-chêng, tī lí ê sin-chiūⁿ hián-bêng choē-seng ê sī, thang hō· in bat Goá. ¹⁷Chú Iâ-hô-hoa án-ni kóng, Goá tī chá-sī, ēng Goá ê lô·pók, Í-sek-liát ê sian-ti, só·kóng--ê, chiū-sī lí mah? tng hiah ê jlt in lèk-ni chhâm-gú Goá beh chhoā lí lâi kong-kek in. ¹⁸Chú Iâ-hô-hoa kóng, Ko-kek chiūⁿ--lâi kong-kek Í-sek-liát toē ê jlt, Goá ê siū-khi beh tùi Goá ê phīⁿ-khang chhut. ¹⁹In-ūi Goá oàn-tò· kap toā siū-khi chhin-chhiūⁿ hé, chiū kóng, Hit-jlt tī Í-sek-liát toē tek-khak ū toā tín-tāng; sīm-chì hái-tiong ê hī, khong-tiong ê pe-chiáu, chhân-iá ê siù, í-kíp toē-chiūⁿ it-chhè teh sô ê thâng-thoā, kap toē-bîn-chiūⁿ ê chêng-lâng, tī Goá ê bîn-chêng lóng beh tín-tāng, soaⁿ-niá beh pang-lh, soaⁿ-khâm beh tó-hoāi, chhiūⁿ-piah lóng beh tó--lòh-khi. ²¹Chú Iâ-hô-hoa kóng, Goá beh bēng-lēng Goá chiaⁿ ê soaⁿ

hoat-chhut to-kiám lâi kong-kek Ko-kek; tak-lâng beh ēng i ê to-kiám thâi i ê hiaⁿ-tī. ²²Goá beh ēng un-ék kap lâu-huih lâi pân i; Goá iā beh ēng toā-hō·, toā-phauh, kap hé kap jiū-âng, kàng-lòh hō· i kap i ê kun-tūi, í-kíp kap i ê chêng peh-siⁿ. ²³Goá beh hián-bêng ka-kī choē toā, hián-bêng ka-kī choē-seng, iā beh hián-hiân tī choē-choē kok lêng ê bîn-chêng; in chiū chai Goá chiū-sī Iâ-hô-hoa.

39 Jîn-chú ah, lí tiòh ñg Ko-kek lâi soan-thoân kong-kek i kóng, Chú Iâ-hô-hoa án-ni kóng, Lô-si, Bí-siat, Thó·pa ê jîn-kun, Ko-kek ah, Goá kap lí choē tùi-ték; ²Goá beh hō· lí oát-túg, beh chhoā lí chìn-chêng, hō· lí tùi pak-hng ê kék-thâu lâi, toà lí kàu Í-sek-liát ê soaⁿ; ³Goá beh tùi lí ê tò-chhiú phah ka-lauh lí ê keng, tùi lí ê chiāⁿ-chhiú phah-lak lí ê chīⁿ. ⁴Lí kap lí ê kun-tūi í-kíp kap lí lâi ê liát-kok lêng beh tó tī Í-sek-liát ê soaⁿ; Goá beh chiong lí hō· tak-iūⁿ ê eng-chiáu kap chhân-iá ê iá-siù choē chiaⁿ-mih. ⁵Lí beh tó tī chhân-iá; in-ūi Goá bat kóng--i; che sī Chú Iâ-hô-hoa kóng--ê. ⁶Goá iā beh kàng-lòh hé tī Má-kok kap hái-sū an-jiân khiā-khí ê lêng ê sin-chiūⁿ; in chiū chai Goá chiū-sī Iâ-hô-hoa. ⁷Goá beh tī Goá ê peh-siⁿ Í-sek-liát tiong hián-chhut Goá ê sêng-miā, iā bô iông-ún Goá ê sêng-miā koh siū siat-tók; liát-kok lêng chiū chai Goá chiū-sī Iâ-hô-hoa, Í-sek-liát tiong ê Sêng--ê. ⁸Chú Iâ-hô-hoa kóng, Khoàⁿ ah, tãi-chì lâi--lah iā beh chiaⁿ i; che sī Goá só·kóng ê jlt. ⁹Khiā-khí Í-sek-liát siāⁿ ê lêng beh chhut-khi, khí-hé sio i ê ke-si, chiū-sī toā-soē ê tín-pai, keng-chīⁿ, thui-á kap chhiuⁿ, lóng beh ēng in lâi hiāⁿ-hé lèk-kè chhit-ni kú; ¹⁰sīm-chì in bô beh tùi chhân-iá khioh-chhâ, iā bô beh tùi chhiūⁿ-nâ chhò-chhiū; in-ūi in beh ēng ke-si hiāⁿ-hé; koh beh chhiúⁿ hiah ê chhiúⁿ in

ê lāng, kiap hiah ê kiap in ê lāng; che chiū-sī Chú Iâ-hô-hoa kóng--ê.

¹¹Tng hit-jît goá beh chiong Í-sek-liát toē, hái ê tang--sì, lāng só· keng-kè ê soaⁿ-kok, siūⁿ-sù Ko-kek choè thióng-toē chók-tòng keng-kè ê lāng ê lô·; tī-hia lāng beh bài-chòng Ko-kek kap i ê cheng-lāng; beh chheng hit só·-chāi choè Hap-bûn-ko-kek ê soaⁿ-kok. ¹²Í-sek-liát-ke beh bài-chòng in lèk-kè chhit-gêh jît ê kú, hō· hit ê toē chheng-khì. ¹³Thong-kok ê peh-siⁿ beh bài-chòng in; tng Goá tit-tiòh êng-kng ê jît, chit ê sū beh hō· in tit-tiòh miâ-siaⁿ; che sī Chú Iâ-hô-hoa kóng--ê. ¹⁴In beh phải lāng siông-siông sùn-cha piàn-toē; kap keng-kè ê lāng saⁿ-kap chòng hiah ê chhun tī toē--nih ê sin-si, thang chheng-khì hit ê toē-hng; kàu chhit-gêh jît moá, in beh koh sì-koē chhê. ¹⁵Sùn-cha piàn toē ê lāng beh keng-kè; nā ū lāng khoàⁿ-kìⁿ lāng ê kut-hâi, chiū tī-hia lîp chit ê kì-hō, theng-hâu bài-chòng ê lāng bài-chòng i tī Hap-bûn-ko-kek ê soaⁿ-kok. ¹⁶Iâ beh ū chit ê siâⁿ, miâ kiò Hap-bûn-ná. In beh án-ni chheng-khì hit ê toē.

¹⁷Jîn-chú ah, Chú Iâ-hô-hoa án-ni kóng, Lí tiòh tui ták-iūⁿ ê pe-chiáu í-klp chhân-ia̍ ê iá-siù kóng, Lín tiòh chū-chíp choè-tin lâi; tiòh tui sì-hng chū-chíp kàu Goá ūi-tiòh lín só· hiàn ê chè, chiū-sī Í-sek-liát soaⁿ ê toā-chè, hō· lín thang chiáh-bah lim-huih. ¹⁸Lín beh chiáh íong-sū ê bah, lim toē-chiūⁿ siú-léng ê huih, kang ê mī-iūⁿ, iūⁿ-á, kang ê soaⁿ-iūⁿ, kang ê gū, lóng sī Pa-san pui ê cheng-siⁿ. ¹⁹Lín chiáh Goá ūi-tiòh lín só· hiàn ê chè, beh chiáh iū kàu pá, lim-huih kàu chui. ²⁰Lín beh tī Goá ê toh chiáh bé-phit kap chē-chhia-ê, kap íong-sū kap it-chhè ê chiàn-sū kàu pá-pá; che sī Chú Iâ-hô-hoa kóng--ê. ²¹Goá beh hián-bêng Goá ê êng-kng tī liát-kok-tiong,

liát-kok iā beh khoàⁿ-kìⁿ Goá só· kiâⁿ ê sím-phoàⁿ, kap Goá só· hē tī in sin-chiūⁿ ê chhiú. ²²Án-ni tui hit-jît í-āu Í-sek-liát-ke beh chai Goá sī Iâ-hô-hoa in ê Siōng-tè. ²³Liát-kok iā beh chai Í-sek-liát-ke siū-liáh sī in-ūi in ê choē-koà; in tek-choē Goá, Goá tui in ng Goá ê bīn; chiong in kau tī in ê tui-ték ê chhiú; in chiū lóng tó tī to-ē. ²⁴Goá chiàu in ê ù-oē chiàu in ê kè-sit khoán-thāi in; tui in ng Goá ê bīn.

²⁵Só·-í Chú Iâ-hô-hoa án-ni kóng, Goá beh hō· Ngá-kok siū-liáh ê lāng tò--lâi; iā beh lín-bín Í-sek-liát choân-ke; iā beh ūi-tiòh Goá ê sêng-miâ jiát-sim. ²⁷In tī pún só·-chāi an-jiàn khiā-khí, bô lāng hō· in kiaⁿ, tī Goá chiong in tui liát-kok-tiong chhoā tò--lâi, tui tui-ték ê toē chū-chíp lâi, Goá tī liát-kok ê bīn-chêng, tī in sin-chiūⁿ hián-bêng choè-sêng ê sī, in beh tam-tng in ê kiàn-siàu kap in kan-hoân Goá it-chhè ê choē. ²⁸Goá hō· in siū-liáh tī liát-pang, koh chū-chíp in tò--lâi pún só·-chāi, bô lâu chit-lāng tī-hia, in chiū chai Goá sī in ê Siōng-tè Iâ-hô-hoa. ²⁹Goá iā bô koh tui in ng Goá ê bīn; in-ūi Goá í-keng chiong Goá ê sîn kàng-lôh tī Í-sek-liát-ke; che sī Chú Iâ-hô-hoa kóng--ê.

40 Goán siū-liáh ê jī-cháp-gō· nī, tī nī-thâu, gēh ê chhoe-cháp jît siâⁿ phoà liáu-āu tē cháp-si nī, tú-tú hit-jît Iâ-hô-hoa ê chhiú hē tī goá ê sin-chiūⁿ, chhoā goá kàu hia. ²Tī Siōng-tè tī siōng-tiong toà goá kàu Í-sek-liát toē, an-ti goá tī chin-koàiⁿ ê soaⁿ, soaⁿ-téng ê lâm-pêng ū chhin-chhiūⁿ khi-chō ê siâⁿ. ³I chhoā goá kàu hia; khoàⁿ ah, ū chit-lāng, khoán-sit chhin-chhiūⁿ tâng ê khoán-sit, chhiú thèh môa-soh, kap chhek-liông ê ko-chhih, khiā tī mng-kháu. ⁴Hit ê lāng tui goá kóng, Jîn-chú ah, kīⁿ goá só· hō· lí khoàⁿ--ê, lí tiòh êng lí

ê bák-chiu khoàⁿ, ēng lí ê hī-khang thiaⁿ, iā tióh ēng lí ê sim kì-tiâu; in-ūi lí siū toà lāi chia tiâu-tī ūi-tióh beh hō· lí khoàⁿ chiaⁿ ê sū; kìⁿ lí só· khoàⁿ-kìⁿ--ê, lí lóng tióh ká Í-sek-liát-ke kóng.

⁵khoàⁿ ah, chhù ê goā-bīn sì-ūi ū chhiūⁿ, hit lāng ê chhiú thèh chhek-liông ê ko-chhioh, tng lāk tiú, múi-tiú sī chit-tiú koh chit pa-chiūⁿ; i chiū niū chhiūⁿ kàu chit ko-chhioh, koaiⁿ chit ko-chhioh. ⁶I chiū kàu òng tang ê mng, chiūⁿ i ê kiā-á; niū mng ê hō-tēng, khoaⁿ chit ko-chhioh; koh chit ê hō-tēng, khoaⁿ iā chit ko-chhioh. ⁷Koh sī-oē-pāng, tāk-keng tng chit ko-chhioh, khoaⁿ chit ko-chhioh; saⁿ-lī gō· tiú; mng ê hō-tēng, chiū-sī oá-kūn òng-chhù ê mng ê léng-lông, khoaⁿ chit ko-chhioh. ⁸I iā niū òng chhù ê mng ê léng-lông, khoaⁿ chit ko-chhioh. ⁹Koh niū mng ê lōng, khoaⁿ poeh-tiú; i ê thiāu nng tiú; hit ê mng ê léng-lông sī òng-chhù. ¹⁰Tang-sì ê mng ū sī-oē-pāng, chit-pāng saⁿ-keng, hit-pāng saⁿ-keng, lóng tng-chit-iūⁿ ê chhùn-chhioh; chit-pēng ê thiāu kap hit pēng ê thiāu iā sī chit-iūⁿ ê chhùn-chhioh. ¹¹I niū mng-kháu, khoaⁿ chấp tiú, mng ê tng chấp-saⁿ tiú. ¹²Sī-oē-pāng thâu-chēng ê kài, chit-pēng chit-tiú, hit-pēng iā ū kài, chit-tiú; sī-oē-pāng chit-pēng lāk-tiú, hit-pēng lāk-tiú. ¹³Koh niū mng tui chit ê sī-oē-pāng ê chhù-téng kàu hit ê sī-oē-pāng ê chhù-téng, khoaⁿ jī-cháp-gō· tiú; mng kap mng saⁿ-tùi. ¹⁴Koh choè hiah ê thiāu lāk-cháp tiú; ū ī ēng thiāu choè-kài, tī mng ê sì-ūi. ¹⁵Tui jīp-mng ê thâu-chēng kàu lāi-bīn mng ê léng-lông ê thâu-chēng, kiōng gō·cháp tiú. ¹⁶Chiah ê sī-oē-pāng kap mng-lāi sì-ūi ê thiāu, í-klp in ê léng-lông, lóng ū koaiⁿ-bát ê thang; koh sì-ūi ū thang òng lāi-bīn; tāk ki thiāu ê téng-bīn ū chang-chhiū.

¹⁷I chhoā goá jīp goā-īⁿ; khoàⁿ ah, ū pāng-keng, koh tī īⁿ ê sì-ūi ū pho·chióh ê toē; pho·chióh toē ê téng-bīn ū pāng saⁿ-cháp keng. ¹⁸Pho·chióh ê toē sī tī hiah ê mng ê sin-pīⁿ, kap hiah ê mng pīⁿ-tng; che sī ē-bīn pho·chióh ê toē. ¹⁹I tui ē-bīn mng ê thâu-chēng niū kàu lāi-īⁿ thâu-chēng ê goā-bīn, khoaⁿ chit-pah tiú; tang-bīn pak-bīn lóng sī án-ni. ²⁰Goā-īⁿ òng pak ê mng, i niū i ê tng khoaⁿ. ²¹I ê sī-oē-pāng chit-pēng saⁿ-keng, hit-pēng saⁿ-keng; i ê thiāu, i ê léng-lông lóng chiāu thâu chit ê mng ê pān; tng gō·cháp tiú, khoaⁿ jī-cháp-gō· tiú. ²²I ê thang i ê léng-lông kap i ê chang-chhiū, lóng sī chiāu òng-tang ê mng; lāng tui chhit-chàn ê kiā-á chiūⁿ kàu hia; thâu-chēng ū hiah ê lōng. ²³Lāi-īⁿ ū mng kap tang-sì ê mng pak-sì ê mng saⁿ-tùi; i tui mng kàu mng niū-i, chit-pah tiú. ²⁴I chhoā goá òng lām-sì khi; khoàⁿ ah, ū mng òng-lām; koh chiāu chēng ê chhùn-chhioh niū i ê thiāu kap i ê léng-lông. ²⁵I ê lāi-bīn kap i ê léng-lông sì-ūi lóng ū thang, kap chēng só· niū ê thang tng chit-iūⁿ; tng gō·cháp tiú, khoaⁿ jī-cháp-gō· tiú. ²⁶Ū chhit-chàn kiā-á thang chiūⁿ kàu hia; thâu-chēng ū hiah ê léng-lông; thiāu-téng ū chang-chhiū, chit-pēng chit-chāng, hit-pēng chit-chāng. ²⁷Lāi-īⁿ ū mng òng-lām; tui mng kàu mng i òng-lām niū-i chit-pah tiú.

²⁸I chhoā goá tui lām-mng kàu lāi-īⁿ; chiū chiāu chēng ê chhùn-chhioh niū lām-mng; i ê pāng, i ê thiāu, i ê léng-lông, lóng chiāu chēng ê chhùn-chhioh; i ê lāi-bīn kap i léng-lông sì-ūi lóng ū thang; tng gō·cháp tiú, khoaⁿ jī-cháp-gō· tiú. ³⁰Chiu-ūi ū léng-lông, tng jī-cháp-gō· tiú, khoaⁿ gō·tiú. ³¹I ê lōng òng goā-īⁿ, thiāu-téng ū chang-chhiū, chiūⁿ poeh-chàn kiā-á kàu hia. ³²I chhoā goá kàu lāi-īⁿ, òng tang; i niū hit ê mng, chiāu chēng ê chhùn-

chhioh. ³³I ê pâng, i ê thiâu, i ê léng-lông, lóng chiàu chêng ê chhùn-chhioh; i ê lăi-bîn, kap i léng-lông sî-ûi lóng ū thang, tng gō·cháp tiú, khoah jī-cháp-gō· tiú. ³⁴I ê lóng òng goā-īⁿ, thiâu-téng tī chit-pêng hit pêng ū chang-chhiū; chiūⁿ poeh chàn kiā-á kàu hia. ³⁵I koh chhoā goá kàu pak-mng, niū-i chiàu chêng ê chhùn-chhioh. ³⁶Koh niū i ê pâng, i ê thiâu, i ê léng-lông; lăi-bîn sî-ûi lóng ū thang, i ê tng gō·cháp tiú, khoah jī-cháp-gō· tiú. ³⁷I ê thiâu òng goā-īⁿ, thiâu-téng tī chit-pêng hit pêng ū chang-chhiū; chiūⁿ poeh chàn kiā-á kàu hia.

³⁸Mng ê thiâu-piⁿ ū pâng, kap i ê mng; tī-hia soé sio-chè ê seng-lé; tī mng-lông ê lăi-bîn, chit-pêng ū nng tè toh, hit pêng ū nng tè toh; tī hit téng-bîn thang lăi thài sio-chè, siók-choē chè, pō·kè-sit ê chè ê seng-lé. ⁴⁰Chiūⁿ kàu òng pak ê mng-kháu, chit-pêng ê goā-bîn ū nng tè toh, mng-lông hit pêng iā ū nng tè toh. ⁴¹Tī mng-piⁿ chit-pêng ū sî-tè toh, hit-pêng ū sî-tè toh, kiōng poeh tè; tī hit téng-bîn thài seng-lé. ⁴²Ūi-tiōh sio-chè ê lō·ēng ê sî tè toh, sī chiōh phah--ê, tng tiú-poàⁿ, khoah tiú-poàⁿ, koāiⁿ chit-tiú; thài sio-chè kap chia ē chè, só· ēng ê khi-kū hē tī hit téng-bîn. ⁴³U kau, khoah chit pa-chiúⁿ, têng-tiâu tī lăi-bîn ê sî-ûi; toh-téng ū chè-bah. ⁴⁴Lăi-mng ê goā-bîn, pak-mng-piⁿ ê lăi-īⁿ, ū pâng-keng; ūi-tiōh chhiūⁿ-koa ê lăng lăi siat; hiah ê pâng-keng òng-lâm, tang-mng-piⁿ iā ū chit-keng òng-pak. ⁴⁵I kâ goá kóng, Chit-keng òng-lâm ê pâng sī hō· tam-tng kò·chhù ê chè-si ēng. ⁴⁶Hit-keng òng-pak ê pâng sī hō· tam-tng kò·toāⁿ ê chè-si ēng; chia ē sī Lī-bī chók-tiong Sat-tok ê kiáⁿ-sun, chiū-kūn lăi-hô-hoa lăi hók-săi--ê. ⁴⁷I koh niū hit ê īⁿ, tng chit-pah tiú, khoah chit-pah tiú; sī sù-hong--ê; toāⁿ sī tī chhù-chêng.

⁴⁸I chhoā goá kàu chhù-chêng ê léng-lông, niū léng-lông ê ták ki thiâu, chit-pêng gō· tiú, hit-pêng gō· tiú. Mng ê khoah, chit-pêng saⁿ tiú, hit-pêng saⁿ tiú. ⁴⁹Léng-lông tng jī-cháp tiú, khoah cháp-it tiú; ū lăng peh-chiūⁿ ê kiā-á; hiah ê thiâu-piⁿ, koh ū soē-ki thiâu; chit-pêng chit ki, hit-pêng chit-ki.

41 I koh chhoā goá kàu tiān hia, niū hiah ê thiâu; chit-bîn khoah lăk-tiú, hit-bîn khoah lăk-tiú; khoah oēh kap pò·piⁿ saⁿ-tâng. ²Mng-kháu khoah cháp tiú; mng ê siang-pêng-piⁿ, chit-pêng gō· tiú, hit-pêng gō· tiú, i niū i ê tng sî-cháp tiú, khoah jī-cháp tiú. ³I kàu lăi-bîn, niū mng-kháu ê thiâu, nng tiú; mng-kháu lăk-tiú, mng-kháu ê khoah chhit tiú. ⁴I niū i ê tng jī-cháp tiú, khoah jī-cháp tiú, tī tiān ê chêng-bîn; i tui goá kóng, Che sī chî-seng-só. ⁵I niū chhù ê chhiūⁿ lăk tiú, chhù sî-chiu-ûi ê piⁿ-pâng, kok khoah sî tiú. ⁶Piⁿ-pâng ū saⁿ-chàn, chit-chàn thăh tī hit-chàn ê téng-bîn, ták-chàn ū saⁿ-cháp keng; chit ê chhù lêng-goā ū chit phiⁿ chhiūⁿ, choē sî-ûi piⁿ-pâng ê lō·ēng, hō· i ê īⁿ-á thang khoā tī-hia, bián-tit khoā tī chhù ê chhiūⁿ. ⁷Chiah ê sî-ûi ê piⁿ-pâng, ná-koāiⁿ ná-khoah; in-ûi chhù ê ūi tī chhù ê sî-bîn ná-koāiⁿ, só·í chhù ê khoah tit-tit kàu téng-bîn; tui ē-chàn kàu téng-chàn, tiōh tui tiong-chàn chiūⁿ--khi. ⁸Goá koh khoāⁿ-kìⁿ chhù ê sî-ûi ū koāiⁿ ê gîm; piⁿ-pâng ê toē-ki, koāiⁿ chiok-chiok chit ko-chhioh, chiū-sī lăk toā-tiú. ⁹Piⁿ-pâng goā-bîn ê chhiūⁿ, kâu gō· tiú; só· chhun ê toē chiū-sī chhù ê piⁿ-pâng ê só·-chăi. ¹⁰Sî-bîn ūi chhù hiah ê pâng-keng, saⁿ-lī jī-cháp tiú ê khoah. ¹¹Piⁿ-pâng ê mng lóng òng só· chhun ê toē; chit ê mng òng-pak, chit ê mng òng-lâm; sî-ûi só· chhun ê toē, lóng khoah gó· tiú. ¹²Tī sai-pêng lêng-goā keh-khui ê toē thâu-chêng

ê chhù-thé̍h khoah chhit-cháp tiú; i ê chhiūⁿ sì-ùi kâu gō[·] tiú; tng káu-cháp tiú. Án-ni, i niū chhù, tng chit-pah tiú; iā niū keh-khui ê só[·]-chāi, kap só[·] khí-chō--ê, kap i ê chhiūⁿ, kiong tng chit-pah tiú. ¹⁴Chhù ê chêng-bīn, kap òng-tang keh-khui ê toē, khoah chit-pah-tiú.

¹⁵I niū āu-bīn keh-khui ê toē thâu-chêng ê chhù-thé̍h, í-kíp chit-pêng hit-pêng lâu ê lông, tng chit-pah tiú; koh niū lāi-tiān, kap īⁿ ê lông. ¹⁶I ê hō[·]-tēng, i ê koaiⁿ-bát ê thang-á, i ê sì-ùi saⁿ-chàn ê lâu ê lông; tī hō[·]-tēng ê tui-bīn, sì-ùi ê chhiūⁿ lóng áⁿ chhâ-pán; tui thô[·]-kha kàu thang-á, (thang-á lóng ū jia-khàm), tit-kàu mng̤ ê téng-bīn, chiū-sī kàu lāi-bīn ê chhù kap goā-bīn, lāi-goā sì-ùi ê chhiūⁿ-pia, lóng chiàu chhùn-chhih. ¹⁸Ū kek ki-lō[·]-peng kap chang-chhiū, nng̤ ê ki-lō[·]-peng ê tiong-kan ū chit-châng ê chang-chhiū; ki-lō[·]-peng ták-ê ū nng̤ ê bīn; ¹⁹chit-pêng ū lāng ê bīn, òng chang-chhiū, hit-pêng ū sai ê bīn, òng chang-chhiū; chhù-lāi sì-ùi lóng sī án-ni. ²⁰Tui thô[·]-kha kàu mng̤-téng, lóng ū kek ki-lō[·]-peng kap chang-chhiū; tiān ê chhiūⁿ lóng sī án-ni. ²¹Tiān ê mng̤-khiā sī sù-hong--ê; chhì-sèng-só[·] ê chêng-bīn, khoán-sit chhin-chhiūⁿ tiān ê khoán-sit. ²²Toāⁿ sī chhâ-choè--ê, koaiⁿ saⁿ tiú, tng nng̤ tiú, i ê kak, i ê chō, kap i ê sì-piⁿ lóng sī chhâ-choè--ê; i tui goá kóng, Che sī Iā-hô-hoa bīn-chêng ê toh. ²³Tiān kap chhì-sèng-só[·] ū nng̤ ê mng̤. ²⁴Ták ê mng̤ ū nng̤-siⁿ, chit ê nng̤-siⁿ sī oē áu-tit--ê; chit ê mng̤ nng̤-siⁿ, hit ê mng̤ iā nng̤-siⁿ. ²⁵Tiān ê mng̤-téng ū kek ki-lō[·]-peng kap chang-chhiū, kap kek tī chhiūⁿ-téng--ê chit-iūⁿ; tī goā-bīn lóng ê thâu-chêng ū kâu ê chhâ-pán. ²⁶Lông ê piⁿ-thâu, chit-pêng hit-pêng, lóng ū koaiⁿ-bát ê thang-á kap chang-chhiū; chhù ê piⁿ-pâng,

kap kâu ê chhâ-pán, lóng sī án-ni.

42 I chhoā goá chhut-lāi kàu goā-īⁿ; koh chhoā goá jip lēng-goā keh-khui ê toē saⁿ-tùi-bīn ê pâng; hit keng pâng òng-pak, tī chhù-thé̍h ê tui-bīn. ²Tī chit-pah tiú tng, gō[·]-cháp tiú khoah ê thâu-chêng, ū pak-mng̤. ³Siók lāi-īⁿ jī-cháp tiú ê tui-bīn, koh siók goā-īⁿ pho[·]-chiòh-toē ê tui-bīn, ū lâu ê lông tui lâu ê lông, saⁿ-chàn. ⁴Tī hiah ê pâng ê thâu-chêng ū chit-tiāu lō[·], khoah cháp tiú, òng lāi-bīn chit-pah tiú ê lō[·]; in ê mng̤ lóng òng-pak. ⁵Téng-chàn ê pâng kah oéh, in-ùi hō[·] lâu ê lông chiām i ê toē; pí tiong-chàn, ē-chàn, chiām kah-choē. ⁶In-ùi i ū saⁿ-chàn, chóng-sī bô thiāu, chhin-chhiūⁿ hiah ê īⁿ ê thiāu; só[·]-í i ê téng-chàn pí toē-piⁿ ê ē-chàn tiong-chàn kah oéh. ⁷Koh tī goā-bīn ê pâng ê piⁿ-thâu, òng hit ê pâng ê thâu-chêng ê goā-īⁿ, tng gō[·]-cháp tiú. ⁸In-ùi goā-īⁿ chia[·]h ê pâng, tng gō[·]-cháp tiú; khoāⁿ ah, tiān ê thâu-chêng ū chit-pah tiú. ⁹Tī pâng ê ē-bīn, tui tang-pêng ū jip-khi ê só[·]-chāi; chiū-sī lāng tui goā-īⁿ oē jip-khi hia. ¹⁰Ōng-lām tī īⁿ ê chhiūⁿ ê khoah, tī keh-khui ê só[·]-chāi tui-bīn, iā tī chhù-thé̍h ê tui-bīn, ū hiah ê pâng; i ê thâu-chêng ū lō[·], in chhin-chhiūⁿ òng-pak ê pâng ê khoán-sit; tng khoah lóng saⁿ-tāng; chhut-jip ê só[·]-chāi, lóng chiàu in ê khoán-sit, iā chiàu in ê mng̤. ¹²Chiàu òng-lām hiah ê pâng ê mng̤, tī lō[·] ê thâu ū mng̤, chiū-sī tang--sì ê chhiūⁿ bīn-chêng ê lō[·], tī jip-khi ê só[·]-chāi. ¹³I ká goá kóng, Keh-khui ê só[·]-chāi ê thâu-chêng, chia[·]h ê pak--sì ê pâng, lām--sì ê pâng, lóng sī sèng ê pâng; chhin-kūn Iā-hô-hoa ê chè-si beh tī-hia chia[·]h chhì-sèng ê mih; iā ēng chhì-sèng ê mih, chiū-sī sò[·]-chè, siók-choē-chè, pò[·]-kè-sit ê chè, hē tī hit só[·]-chāi, in-ùi chit só[·]-chāi sī sèng. ¹⁴Chè-si jip-khi ê sī, chiū m̄-thang tui sèng-só[·] chhut-lāi

kàu goā-īⁿ; tiòh tī-hia pàng-hē in kiāⁿ chit-hūn ê sī só· chhēng ê saⁿ; in-ūi he sī sèng; tiòh oāⁿ in ê saⁿ, chiaⁿ thang kàu siók tī peh-siⁿ--ê. ¹⁵I niū lāi-chhù bēng-pék, chiū chhoā goá chhut òng-tang ê mng, niū i ê sī-ūi. ¹⁶I ēng ko-chhiōh niū tang-hng, chiū-sī ēng ko-chhiōh niū i ê sī-ūi, gō-pah ko-chhiōh. ¹⁷I ēng ko-chhiōh niū pak-hng, niū i ê sī-ūi, gō-pah ko-chhiōh. ¹⁸I ēng ko-chhiōh niū lâm-hng gō-pah ko-chhiōh. ¹⁹I oát kàu sai-hng ēng ko-chhiōh niū-i, gō-pah ko-chhiōh. ²⁰I niū i ê sī-hng, sī-ūi ū chhiūⁿ, tng gō-pah, khoah gō-pah, lāi hun-piat sèng--ê kap pēng-siōng--ê.

43 Āu-lāi i chhoā goá kàu chit ê mng, chiū-sī òng-tang ê mng. ²Khoàⁿ ah, Í-sek-liát Siōng-tè ê ēng-kng tui tang--sī lāi; I ê siaⁿ chhin-chhiūⁿ choē-choē chúⁱ ê siaⁿ; toē chiū in-ūi I ê ēng-iāu lāi hoat-chhut kng. ³I ê khoán-sit sī chhin-chhiūⁿ goá só· khoán-kìⁿ ê khoán-sit, chiū-sī goá chēng lāi beh biát siāⁿ ê sī só· khoán-kìⁿ ê khoán-sit; hit ê īⁿ-siōng iā chhin-chhiūⁿ goá tī Ka-pa-ló· hô-piⁿ só· khoa-kìⁿ ê īⁿ-siōng; goá chiū phak-lóh toē. ⁴Iā-hô-hoa ê ēng-kng tui òng-tang ê mng jlp tī tiān-lāi. ⁵Tui án-ni sīn chiū kú-khi goá, toà goá jlp lāi-īⁿ; khoàⁿ ah, Iā-hô-hoa ê ēng-kng chhiong-moá tiān-lāi. ⁶Goá thiaⁿ-kìⁿ ū chit-ūi tui tiān-lāi òng goá kóng-oē; ū chit-lâng khiā tī goá ê sin-piⁿ. ⁷I tui goá kóng, Jīn-chú ah, che sī Goá pó-chō ê só·chāi, sī Goá kha-chiūⁿ só· táh ê toē, Goá beh tī-chia tiām tī Í-sek-liát lāng ê tiōng-kan kàu éng-oán. Í-sek-liát-ke kap in ê kun-ông bô beh koh ēng in ê im-hēng í-klp in ê kun-ông ê sin-si tī koāiⁿ ê só·chāi, lāi phah lâ-sâm Goá ê sēng-miā; ⁸in hē in ê mng-tēng kūn-oá Goá ê mng-tēng, in ê mng-khiā kūn-oá Goá ê mng-khiā; in kap Goá ê tiōng-kan put-kò keh chit-choā chhiūⁿ;

koh ēng in só· kiāⁿ khó-òⁿ ê sū phah lâ-sâm Goá ê sēng-miā; só·-í Goá siū-khi lāi biát in. ⁹Taⁿ in tiòh tui Goá ê bīn-chēng tui--khi in ê im-hēng kap kun-ông ê sin-si lī-khui hng-hng, Goá chiū tiām tī in ê tiōng-kan kàu éng-oán.

¹⁰Jīn-chú ah, lí tiòh chiong chit ê tiān chí-sī Í-sek-liát-ke, hō· in in-ūi ka-kī ê choē-koā lāi kiàn-siāu; in iā tiòh niū tiān ê kui-bô·. ¹¹In nā ūi-tiòh ka-kī it-chhè só·-kiāⁿ ê sū lāi kiàn-siāu, lí tiòh chí-sī in chit ê tiān ê bô· kap i ê khoán-sit, i chhut ê só·chāi, i jlp ê só·chāi, kap i it-chhè ê kui-bô·, i it-chhè ê lé-gī, i it-chhè ê kui-bô·, i it-chhè ê hoat-tō·, lóng siá tī in ê bák-chiu-chēng; hō· in siú it-chhè ê kui-bô·, it-chhè ê lé-gī lāi kiāⁿ i. ¹²Tiān ê hoat-tō· chiū-sī án-ni, tī soaⁿ-téng sī-ūi ê kài-lāi lóng choē chī-sēng. Khoàⁿ ah, che chiū-sī tiān ê hoat-tō·.

¹³Í-hā sī toāⁿ ê niū-sò·, sī ēng tiú niū i; (chit ê tiú sī chit tiú koh ke chit pa-chiúⁿ); toāⁿ-toē chit-tiú, khoah chit-tiú, sī-ūi ê kīⁿ ū iān, koāiⁿ chit pa-chiúⁿ; che chiū-sī toāⁿ ê chō. ¹⁴Tui oá thô-kha ê toé-chō kàu ē-chàn ê khat, koāiⁿ nng tiú, khoah chit tiú, tui soē-khat kàu toā-khat koāiⁿ sī tiú, khoah chit-tiú. ¹⁵Téng-bīn ê toāⁿ ū sī tiú; toāⁿ ê téng-bīn ū thóng sī kī kak. ¹⁶Toāⁿ tng chấp-jī tiú, khoah chấp-jī tiú, khoán-sit sū-hong. ¹⁷Sī-bīn ê khat, tng chấp-sī tiú, khoah chấp-sī tiú; sī-ūi ê iān ū poāⁿ-tiú; i ê toé-chō sī-ūi chit-tiú; i ê kiā-chàn òng tang.

¹⁸I tui goá kóng, Jīn-chú ah, Chú Iā-hô-hoa án-ni kóng: Kí-chō chè-toāⁿ ūi-tiòh beh tī hí téng-bīn hiàn sio-chè, hiū-huih; kàu chō-chiāⁿ ê sī i ê lē chhin-chhiūⁿ ē-toé. ¹⁹Chú Iā-hô-hoa kóng, Lí tiòh chiong chit chiaⁿ kang ê gū-á, choē siók-choē ê chè, kau hō· chè-si Lī-bī-lāng, Sat-tok ê hō·-è, chiū-sī hiah ê chhin-kūn Goá hók-sāi Goá ê. ²⁰Lí tiòh chhú gū-á

ê huìh, boah tī toāⁿ ê sì-kak, kap khat-á ê sì-kak; kap sì-ùi ê iān; án-ni lâi hō· i chheng-khì, koh ùi-tiòh i siók-choē. ²¹Lí iā tiòh chiong hit chiah choē siók-choē-chè ê gū-á, sio tī sèng-só· ê goā-bīn, chhù-lāi tiāⁿ-tiòh ê só·-chāi. ²²Tē-jī-jit tiòh chiong bô hâ-chhū ê soaⁿ-iūⁿ-kóng hiàn choē siók-choē ê chè; in beh chheng-khì hit ê toāⁿ chhin-chhiūⁿ bat ēng kang ê gū-á chheng-khì i chit-iūⁿ. ²³Lí í-keng chheng-khì i, tiòh hiàn chit-chiah bô hâ-chhū kang ê gū kap iūⁿ-kūn tiong chit-chiah bô hâ-chhū kang ê mī-iūⁿ. ²⁴Lí tiòh chiong chiah ê mīh hiàn tī Iâ-hô-hoa ê bīn-chêng, chè-si tiòh ēng iām sám tī in téng-bīn, hiàn hō· Iâ-hô-hoa choē sio-chè. ²⁵Chhit-jit-lāi múi-jit lí tiòh pī-pān chit-chiah kang ê soaⁿ-iūⁿ choē siók-choē ê chè; in iā tiòh pī-pān chit-chiah kang ê gū-á kap iūⁿ-kūn-tiong chit-chiah kang ê mī-iūⁿ, lóng bô hâ-chhū-ê. ²⁶Lék-kè chhit-jit in beh ùi toāⁿ siók-choē, hō· i chheng-khì; án-ni hun-piat i choē sèng. ²⁷Hiah ê jit í-keng moá, tui tē poeh-jit í-āu chè-si beh tī toāⁿ-téng hiàn lín ê sio-chè kap pēng-an ê chè; Goá beh chiap-láp lín; che sī Chú Iâ-hô-hoa kóng--ê.

44 I koh toà goá tò-túg kàu sèng-só· ê goā-bīn òng-tang ê m̄ng; hit ê m̄ng koaiⁿ--teh. ²Iâ-hô-hoa ká goá kóng, Chit ê m̄ng, tek-khak tiòh koaiⁿ, m̄-thang khui; bô-lūn sím-mīh lāng m̄-thang tui-hia jip, in-ùi Iâ-hô-hoa, Í-sek-liát ê Siōng-tè, í-keng tui-hia jip; só· í tiòh tng-tng koaiⁿ--teh. ³Lūn-kàu jīn-kun, in-ùi i sī jīn-kun, thang chē tī hit lâi-bīn, tī Iâ-hô-hoa ê bīn-chêng chiáh piáⁿ; i tiòh tui chit ê m̄ng ê lōng jip, iā tiòh tui-hia chhut. ⁴I koh toà goá tui pak-m̄ng kàu tiān ê thau-chêng; goá chiū khoàⁿ, khoàⁿ-kìⁿ Iâ-hô-hoa ê ēng-kng chhiong-moá Iâ-hô-hoa ê tiān; goá chiū phak-lóh toē. ⁵Iâ-hô-hoa ká goá kóng,

Jīn-chú ah, Goá tui lí só· kóng-khí Iâ-hô-hoa tiān-lāi it-chhè ê lé-gí hoat-tō· lí tiòh chù-ì, ēng bák-chiu khoàⁿ, ēng hī-khang thiaⁿ, iā tiòh chù-ì tiān-tng jip ê só·-chāi, kap sèng-só· it-chhè chhut-khì ê só·-chāi. ⁶Lí iā tiòh tui hiah ê poē-gék-ê, tui Í-sek-liát-ke, kóng, Chú Iâ-hô-hoa án-ni kóng, Í-sek-liát-ke ah, lín kiāⁿ it-chhè khó-òⁿ ê sū tiòh liáh-choē kàu-giáh; ⁷lín hiàn Goá ê piáⁿ kap iū kap huìh ê sí, lín chhoā hiah ê sim bô siū kat-lé, seng-khu iā bô siū kat-lé ê goā-pang lāng jip Goá ê sèng-só·, lâi phah lâ-sâm Goá ê tiān, koh poē Goá ê iok, ke-thiⁿ lín it-chhè khó-òⁿ ê sū. ⁸Lín iā bô chīn-tiong tī kò·siú Goá sèng-mīh ê chit-hūn; sī ùi-tiòh lín pún-sin phài pát-lāng tī Goá ê sèng-só· kò·siú Goá kau-tai lín ê chit-hūn. ⁹Chú Iâ-hô-hoa án-ni kóng, Í-sek-liát chók-tiong ê goā-pang lāng, chiū-sī sim bô siū kat-lé, seng-khu bô siū kat-lé ê goā-pang lāng, lóng m̄-thang jip Goá ê sèng-só·. ¹⁰Tng Í-sek-liát kiāⁿ bê-lō· ê sí, ũ Lī-bī lāng lī-khui Goá hng-hng, chiū-sī kiāⁿ bê-lō· lī-khui Goá khi tè in ê ngó-siōng; in tiòh tam-tng in ê choē-koà. ¹¹Chóng-sī in beh tī Goá ê sèng-só· choē chhe-ēng, koán-lí tiān-tng ê m̄ng, tī tiān-lāi choē chhe-ēng; ùi-tiòh peh-siⁿ thāi sio-chè kap chè-sū ê cheng-siⁿ, beh khiā tī in ê bīn-chêng lâi hók-sāi in. ¹²Kì-jiān tī in ê ngó-siōng ê bīn-chêng choē peh-siⁿ ê chhe-ēng, koh choē that-gāi hō· Í-sek-liát-ke hām-lóh choē-koà; só·-í Goá kiáh-khí chhiú kong-kek in, in beh tam-tng in ê choē-koà; che sī Chú Iâ-hô-hoa kóng--ê. ¹³In boē thang chhin-kūn Goá, tui Goá kiāⁿ chè-si ê chit-hūn, iā m̄-thang chhin-kūn Goá chit-kiāⁿ sèng-mīh, chiū-sī chì-sèng ê mīh; in beh tam-tng in ê kiàn-siáu kap in só· kiāⁿ khó-òⁿ ê sū. ¹⁴Chóng-sī Goá beh hō· in tam-tng kò·siú tiān ê chit-hūn, pān-lí kī-

tiong it-chhè ê sū, kap hit lāi-bīn só· tiòh choè ê kang.

¹⁵Í-sek-liát chók kiáⁿ bê-lō· lī-khui Goá ê sī, chè-si Lī-bī lāng, Sat-tok ê kiáⁿ-sun, iū-goân kò-siú Goá ê sèng-só·, in beh chhin-kūn Goá, hòk-sāi Goá, koh khiā tī Goá ê bīn-chēng, ēng iū kap huìh hiàn hō· Goá; che sī Chú Iâ-hô-hoa kóng--ê. ¹⁶In beh jlp Goá ê sèng-só·, chiū-kūn Goá ê toh, hòk-sāi Goá, siú Goá só· kau-tài in choè--ê. ¹⁷In jlp lāi-īⁿ ê mng̃ ê sī tiòh chhēng iū-toē-saⁿ; in tī lāi-īⁿ ê mng̃ kap tī tiān-lāi kiáⁿ chit-hūn ê sī, lóng m̄-thang chhēng iūⁿ-mng̃ ê i-hók. ¹⁸In ê thâu-khak-téng tiòh tì iū-toē-pò· ê bō, kha-thúi tiòh chhēng iū-toē-pò· ê khò; hit ê oē lâu-koāⁿ-ê lóng m̄-thang chhēng. ¹⁹In chhut-khì kàu goā-īⁿ, chiū-sī kàu goā-īⁿ ê peh-siⁿ hia, tiòh thng̃ kiáⁿ chit-hūn ê i-hók hē tī sèng ê pāng-keng, chhēng pát-hō ê i-hók, bián-tit ēng in ê saⁿ hō· peh-siⁿ chiāⁿ-sèng. ²⁰In m̄-thang thì-thâu, iā m̄-thang hō· thâu-mng̃ hoat tng̃-tng̃; tók-tók tiòh chián thâu-mng̃. ²¹Chè-si jlp lāi-īⁿ ê sī lóng m̄-thang lim-chiú. ²²Iā m̄-thang chhoā koáⁿ-hū kap siū lí-chhut ê hū-jīn-lāng choè-bó; tók-tók tiòh chhoā Í-sek-liát chók-tiong ê chāi-sek-lú á-sī chè-si ê koáⁿ-hū. ²³In tiòh hō· Goá ê peh-siⁿ chai sèng-ê kap pēng-siōng-ê ê cheng-chha; koh hō· in hun-piat bō chheng-khì-ê kap chheng-khì-ê. ²⁴Ū saⁿ-kò ê sū in tiòh khiā-teh phoàⁿ-toàn, tiòh chiàu Goá ê phoàⁿ-toàn lāi phoàⁿ-toàn; tī Goá it-chhè ê choeh-kí tiòh siú Goá chiah ê hoat-tō· lút-lē; iā tiòh siú Goá chiah ê an-hioh-jlt choè-sèng. ²⁵In m̄-thang kūn-oá sí-lāng, phah lâ-sâm ka-kī; tók-tók thang ūi-tiòh lâu-pē, lâu-bú, kiáⁿ, cha-bó·-kiáⁿ, hiaⁿ-tī, kap iáu-bē chhut-kè ê chì-bē phah lâ-sâm ka-kī. ²⁶I í-keng chheng-khì liáu-āu, tiòh kã

i koh sng̃ chhit-jlt. ²⁷Tng i jlp sèng-só· kàu lāi-īⁿ ê jlt, beh tī sèng-só· hòk-sāi, tiòh ūi pún-sin hiàn siók-choē-chè; che sī Chú Iâ-hô-hoa kóng--ê. ²⁸In tek-khak ū sán-giáp, Goá sī in ê sán-giáp; m̄-thang tī Í-sek-liát-tiong hō· in ki-giáp, Goá sī in ê ki-giáp. ²⁹Sò·-chè, siók-choē-chè, pò·-kè-sit-chè, in lóng thang chiah i; Í-sek-liát tiong só· hiàn it-chhè ê mih lóng kui tī in. ³⁰Kìⁿ-nā khí-thâu-sék ê mih ê tē-it ê, kap it-chhè lé-mih-tiong ê lé-mih, lóng kui tī chè-si; lín iā tiòh ēng khí-thâu chhut ê bēh-hún hō· chè-si, thang hō· hok-khì līm-kàu lí ê ke. ³¹Bô-lūn chiàu á-sī siū, kìⁿ-nā ka-kī sí-ê, á-sī siū peh-thiah--ê, chè-si lóng m̄-thang chiah.

45 Lín liam-khau pún-toē choè-giáp, tiòh hiàn chit-hūn hō· Iâ-hô-hoa lāi choè-sèng, tng̃ nng̃-bān gō·-chheng ko-chhioh, khoa chit-bān ko-chhioh; i ê kài ê sì-ūi lóng choè-sèng. ²Kí-tiong hun-piat chit-toāⁿ choè sèng-só·, tng̃ gō·-pah, khoa gō·-pah, i ê khoán-sit sù-hong; sì-ūi koh gō·-cháp tiú choè kau-ia ê toē. ³Tī só· niū-ê ê tiong-kan lí tiòh niū, tng̃ nng̃-bān gō·-chheng, khoa chit-bān; hit tiong-kan ū sèng-só·, chiū-sī chì-sèng--ê. ⁴Che sī choān-toē chit-hūn ê sèng-toē; tiòh kui tī chè-si, chiū-sī choè sèng-só· ê chhe-ēng, kūn-oá lāi hòk-sāi Iâ-hô-hoa ê; chit ê toē thang choè in khí-chhù ê só·-chāi, kap sèng-só· ê sèng-toē. ⁵Ū-koh chit-hūn, tng̃ nng̃-bān gō·-chheng, khoa chit-bān, tiòh kui tī tiān-lāi choè chhe-ēng ê Lī-bī lāng, choè in ê giáp, jī-cháp keng pāng. ⁶Lín tiòh hun-phài choè siāⁿ ê giáp, khoa gō·-chheng, tng̃ nng̃-bān gō·-chheng, kap só· hiàn ê sèng-toē saⁿ-pāi; che sī beh choè Í-sek-liát choān-ke ê lō·-ēng. ⁷Kìⁿ-nā kui tī jīn-kun--ê sī tī só· hiàn ê sèng-toē í-klp siāⁿ ê giáp chit-pēng hit-pēng, tī só·

hiàn sèng-toē ê thâu-chêng kap siâⁿ ê giáp ê thâu-chêng, tùi sai-hng òng-sai, tùi tang-hng òng-tang; i ê tng tiòh kap in ê chit chi-phài ê hūn-giáh saⁿ-tàng, tùi sai-kài kàu tang-kài.

⁸Tī Í-sek-liát ê kóng-lāi jîn-kun beh tit-tiòh chit-ê choè ki-giáp; āu-lāi Goá chiaⁿ ê jîn-kun bô koh khi-ap Goá ê peh-siⁿ; beh ēng toē hō· Í-sek-liát-ke chiàu in ê chi-phài.

⁹Chú Iâ-hô-hoa án-ni kóng: Í-sek-liát chiaⁿ ê jîn-kun ah, Lín taⁿ kàu-giáh--lah; tiòh tū--khì không-pō kap chhiūⁿ-kiap ê sū, péng-kong kiâⁿ-gī; bô koh pà-chiām peh-siⁿ ê giáp; che sī Chú Iâ-hô-hoa kóng--ê. ¹⁰Lín tiòh ēng kong-tō ê thian-phêng, kong-tō ê i-hoat, kong-tō ê pà-tek. ¹¹I-hoat kap pà-tek tiòh pīⁿ-toā, hō· pà-tek thang toé hō-múi-ní cháp-hūn ê chit-hūn, i-hoat iā thang toé hō-múi-ní cháp-hūn ê chit-hūn; lóng ēng hō-múi-ní choè phiau-chún. ¹²Sià-khek-lék tiòh choè jī-cháp kù-lah; jī-cháp ê sià-khek-lék, jī-cháp-gō· ê sià-khek-lék, cháp-gō· ê sià-khek-lék sī choè lín ê bí-ná. ¹³Lín só· eng-kai hiàn ê lé-mih tiòh án-ni; sió-béh chit hō-múi-ní tiòh hiàn i-hoat lăk-hūn ê chit-hūn, toā-béh chit hō-múi-ní tiòh hiàn i-hoat lăk-hūn ê chit-hūn; ¹⁴lūn-kàu iū ê tēng-lē, tùi iū ê pà-tek, chiū-sī tùi chit kho-ní, chiū-sī cháp ê pà-tek, koh sī chit hō-múi-ní, hiàn chit pà-tek cháp-hūn ê chit-hūn; in-ūi cháp pà-tek, chiū-sī chit hō-múi-ní; tùi Í-sek-liát pūi ê chháu-tiūⁿ tī iūⁿ-kūn-tiong múi nng-pah chiaⁿ iūⁿ tiòh hiàn chit chiaⁿ iūⁿ-ko, choè sò·-chè, sio-chè, siā-un-chè, thoè in siók-choē; che chiū-sī Chú Iâ-hô-hoa kóng--ê. ¹⁶Kéng-lāi ê cheng peh-siⁿ lóng tiòh ēng chit ê lé-mih hiàn hō· Í-sek-liát ê jîn-kun. ¹⁷Jîn-kun ê pún-hūn tī choeh-kī, ták-gêh ê chhoe-it, ták-pái an-hioh-jit kap Í-sek-liát ke-tiong só· tiāⁿ-tiòh ê choeh-kī tiòh hiàn sio-chè, sò·-chè, koan-

tiān-chè; i tiòh pī-pān siók-choē-chè, sò·-chè, sio-chè, kap pēng-an-chè, ūi-tiòh Í-sek-liát-ke siók-choē.

¹⁸Chú Iâ-hô-hoa án-ni kóng, Tī chiaⁿ-gêh chhoe-it lín tiòh chhú bô hâ-chhū ê gū-káng, lâi chheng-khì sèng-só·. ¹⁹Chè-si tiòh chiong siók-choē-chè ê huìh boah tī tiān ê mng-khiā, kap toāⁿ-khat ê sì-kak, kap lâi-īⁿ ê mng-khiā. ²⁰Hit-gêh ê chhoe chhit iā tiòh án-ni choè ūi-tiòh chhò-gō· hoān-choē-ê, kap gū-gōng lâi hoān-tiòh--ê, lâi ūi-tiòh tiān siók-choē.

²¹Chiaⁿ-gêh cháp-si, lín tiòh siú poāⁿ-kè-choeh, siú chit ê choeh chhit-jit; tiòh chiaⁿ bô-kàⁿ ê piáⁿ. ²²Hit-jit jîn-kun tiòh ūi-tiòh ka-kī kap kok-lāi ê cheng peh-siⁿ pī-pān chit chiaⁿ kang ê gū choè siók-choē-chè. ²³Tng choeh-kī ê chhit-jit i tiòh pī-pān sio-chè hiàn hō· Iâ-hô-hoa, liân-liân chhit-jit, ták-jit tiòh ēng chhit-chiaⁿ gū-káng kap chhit chiaⁿ mī-iūⁿ-kóng, lóng bô hâ-chhū--ê; ták-jit iā tiòh pī-pān chit chiaⁿ soaⁿ-iūⁿ-kóng choè siók-choē-chè. ²⁴I iā tiòh pī-pān sò·-chè, chit chiaⁿ gū-káng chit ê i-hoat, chit chiaⁿ mī-iūⁿ-kóng chit ê i-hoat, múi i-hoat tiòh iū chit-him. ²⁵Chhit-gêh cháp-gō·; siú choeh ê sī chhit-jit kú i tiòh án-ni choè; chiàu siók-choē-chè, chiàu sio-chè, chiàu sò·-chè, iā tiòh chiàu iū.

46 Chú Iâ-hô-hoa án-ni kóng: Lāi-īⁿ òng-tang ê mng tī choè-kang ê lăk-jit-lāi tek-khak tiòh koaiⁿ; tók-tók tī an-hioh-jit tiòh khui, gēh ê chhoe-it iā tiòh khui. ²Jîn-kun tiòh tùi chit ê mng ê lóng tùi goā-bīn jíp, khiā tī mng-khiā-piⁿ; chè-si tiòh pī-pān i ê sio-chè kap i ê siā-un-chè, i tiòh tī mng-tēng hit tah keng-pài; jiân-āu chhut-khì, chit ê mng kàu ê-hng-sī m̄-thang koaiⁿ. ³Tī chiaⁿ ê an-hioh-jit, kap gēh ê chhoe-it, kok-lāi ê peh-siⁿ tiòh tī chit ê mng-kháu keng-pài tī Iâ-hô-hoa ê bīn-cheng.

⁴Jîn-kun tī an-hioh-jit só· tiòh hiàn hō· Iâ-hô-hoa ê sio-chè, tiòh bô hâ-chhû ê iûⁿ-ko lāk-chiah, bô hâ-chhû ê mî-iûⁿ-kóng chit-chiah; i ê sò·-chè ùi-tiòh hit chiah mî-iûⁿ-kóng tiòh chit ê i-hoat, ùi-tiòh hiah ê iûⁿ-ko ê sò·-chè sī chiàu i ê lēk-liōng chit ê i-hoat phoè iû chit him. ⁶Tng gēh ê chhoe-it tiòh hiàn bô hâ-chhû ê gû-káng chit-chiah, iûⁿ-ko lāk-chiah, mî-iûⁿ-kóng chit-chiah; lóng tiòh bô hâ-chhû-ê. ⁷I iā tiòh pī-pān sò·-chè, ùi-tiòh gû-káng hiàn chit ê i-hoat, ùi-tiòh mî-iûⁿ-kóng hiàn chit ê i-hoat, ùi-tiòh hiah ê iûⁿ-ko chiū chiàu i ê lēk-liōng chit ê i-hoat phoè iû chit-him. ⁸Jîn-kun jip-lâi ê sī, tiòh tui chit ê mng̤ ê lōng jip, iā tiòh tui chit ê lō· chhut. ⁹Tī ták ê choeh-kī, kok-lāi ê peh-siⁿ tiâu-kìⁿ Iâ-hô-hoa ê sī, tui pak-mng̤ jip-lâi keng-pài-ê tiòh tui lâm-mng̤ chhut-khì; tui lâm-mng̤ jip-lâi-ê tiòh tui pak-mng̤ chhut-khì; m̄-thang tui só· jip ê mng̤ oát-tò-túg, tiòh tit-tit chìn-chēng chhut-khì. ¹⁰Peh-siⁿ jip-khì ê sī, jîn-kun iā tiòh tī in ê tiong-kan jip-khì; peh-siⁿ chhut-khì, jîn-kun iā tiòh kap in chhut-khì. ¹¹Tī choeh-kī kap tãi-hoē ê sī, sò·-chè tiòh ùi-tiòh chit-chiah gû-káng hiàn chit ê i-hoat, ùi-tiòh chit-chiah mî-iûⁿ-kóng hiàn chit ê i-hoat, ùi-tiòh hiah ê iûⁿ-ko chiū chiàu i ê lēk-liōng, chit ê i-hoat phoè iû chit-him. ¹²Jîn-kun nā pī-pān kam-sim ê chè, sio-chè á-sī siā-un-chè choè kam-sim ê chè, hiàn hō· Iâ-hô-hoa, tiòh ū lāng kâ i khui òng-tang ê mng̤, i tiòh pī-pān i ê sio-chè kap i ê siā-un-chè chhin-chhiūⁿ tī an-hioh-jit só· choè chit-iūⁿ; jiân-āu i tiòh chhut-khì; chhut-khì-liáu tiòh ū lāng kâ i koaiⁿ-mng̤. ¹³Ták-jit lí tiòh pī-pān bô hâ-chhû, bē moá-nī ê iûⁿ-ko chit-chiah, choè sio-chè hiàn hō· Iâ-hô-hoa; ták chá-khí tiòh pī-pān i. ¹⁴Ták chá-khí iā tiòh pī-pān saⁿ-kap hiàn ê sò·-chè, chit i-hoat

lāk-hūn ê chit-hūn, kap chit him iû saⁿ-hūn ê chit-hūn chhiau-hô mī-hún; chit ê sò·-chè tiòh siōng-siōng hiàn hō· Iâ-hô-hoa, choè éng-oán tiāⁿ-tiòh ê lē. ¹⁵Ták chá-khí in tiòh án-ni pī-pān iûⁿ-ko, sò·-chè, kap iû, choè siōng-siōng hiàn ê sio-chè.

¹⁶Chú Iâ-hô-hoa án-ni kóng: Jîn-kun nā chiong sán-giap hō· i ê kiáⁿ ê chit-ê, chiū-sī choè i ê giap, kui tī i hiah ê kiáⁿ, sī in sēng-chiap choè giap--ê. ¹⁷Chóng-sī i nā chiong i ê sán-giap ê chit-hūn hō· i ê jîn-sin̄ ê chit-ê, sī choè jîn-sin̄-ê kàu chū-iū ê nī, hit-sī iû-goân kui tī jîn-kun; lūn-kàu i ê sán-giap tiòh lâu hō· i hiah ê kiáⁿ. ¹⁸Jîn-kun m̄-thang chhiūⁿ-toát peh-siⁿ ê sán-giap, lâi koáⁿ in lī-khui in só· sēng-chiap-ê; i tiòh tui ka-kī ê giap-tiong chiong sán-giap hō· i ê kiáⁿ; bián-tit Goá ê peh-siⁿ sī-soàⁿ, ták-lāng lī-khui i só· sēng-chiap--ê.

¹⁹I chiū chhoā goá tui mng̤-piⁿ ê lō· jip-lâi kàu chè-si òng pak hiah ê sēng ê pāng-keng; khoàⁿ ah, āu-bīn sai-si ū chit só·-chāi. ²⁰I chiū kâ goá kóng, Che sī chè-si chú pó·-kè-sit-chè kap siòk-choē-chè, í-kíp pek sò·-chè ê só·-chāi; bián-tit toà-kàu goā-īⁿ, hō· peh-siⁿ chiān-choè sēng. ²¹I koh chhoā goá chhut-khì kàu goā-īⁿ, hō· goá keng-kè īⁿ sī ê kak-thâu; khoàⁿ ah, tī hit ê īⁿ ták ê kak-thâu kok ū chit ê īⁿ. ²²Tī īⁿ ê sī kak-thâu ū īⁿ, sī-bīn ū chhiūⁿ ūi-teh; ták ê īⁿ, tng̤ sī-cháp tiú, khoah saⁿ-cháp; sī ê kak-thâu ê īⁿ, in ê chhùn-chhioh lóng chit-iūⁿ. ²³Sī ê īⁿ ê chiu-úi ū khí chit-liát, i ê ē-bīn lóng ū chú-mih̄ ê só·-chāi. ²⁴I kâ goá kóng, Chiah-ê chiū-sī chú-mih̄ ê chàu-kha; tiān-lāi chiah-ê choè chhe-ēng--ê tī chia chú peh-siⁿ ê chè-sū.

47 I chhoā goá tò-túg kàu tiān-mng̤, khoàⁿ ah, ū chúi tui tiān ê mng̤-tēng-ē òng-

tang lâu chhut; in-ūi tiān ê thâu-chêng òng-tang; chiah ê chúí tùi ē-bīn tùi tiān ê chiān-pêng, chè-toān ê lâm-pêng, lâu-lóh. ²I chiū chhoā goá tùi pak-m̄ng chhut-khì, chhoā goá tùi goā-bīn oan kàu goā-m̄ng, tùi òng tang-pêng ê m̄ng ê lō; khoàⁿ ah, chúí tùi chiān-pêng piak-chhut-lâi. ³Hit-lâng chhiú thêh chin-soh, òng-tang kiāⁿ chhut-khì ê sī, i chiū niū chit-chheng tiú, kah goá tùi chúí kè--khì, chúí im kha-bák. ⁴I koh niū chit-chheng, kah goá tùi chúí liâu--kè khì, chúí im kha-thâu-u. Koh niū chit-chheng, kah goá liâu--kè-khì, chúí im kàu io. ⁵Koh niū chit-chheng; chúí chiū chiān-choè hô, goá boē-oē liâu--kè-khì; in-ūi chúí tiòng-tīⁿ, chiān-choè oē siū--tit ê chúí, boē liâu-tit ê hô. ⁶I chiū tùi goá kóng, Jīn-chú ah, lí ū khoàⁿ-kìⁿ chit-ê mah? I chiū chhoā goá, hō[·] goá oát-túg kàu hô-piⁿ. ⁷Goá tò-túg-khì ê sī, khoàⁿ ah, tī hô-piⁿ siang-pêng ū chhiū-bák chin-choē. ⁸I ká goá kóng, Chiah ê chúí òng-tang lâu-khì, beh lóh kàu A-láhpá, tit-tít lâu kàu hái; só[·] hoat-chhut ê chúí beh lâu jlp iām-hái, hái--nih ê chúí chiū piàn-hó. ⁹Hô-chúí só[·] kàu ê só[·]-chāi, ták-iūⁿ siⁿ-thoàⁿ ê tōng-bút lóng beh tit-tiòh oáh, iā beh ū hī chin-choē; in-ūi chúí lâu kàu hia, hái--nih ê chúí piàn-hó; hit ê hô só[·] lâu kàu ê só[·]-chāi, só[·] ū ê mih lóng beh tit-tiòh oáh. ¹⁰Chiong-lâi beh ū thó-hí lāng khiā tī hoāⁿ-piⁿ; tùi Ūn-ki-tí kàu Ūn-í-kek-liân lóng choē pha-bāng ê só[·]-chāi, hiah ê hī kok chiàu i ê lūi, chhin-chhiūⁿ toā-hái ê hī chin-choē. ¹¹Chóng-sī noā-thô[·] ê toē kap chúí-têh ê só[·]-chāi boē tit-tiòh i-hó, lâu--teh chhut iām. ¹²Tī hô ê siang-pêng-piⁿ beh hoat-siⁿ ták-lūi ê chhiū-bák, thang choē chiáh-mih, hióh boē kō-tâ, ké-chí chhut bô tng; ták gēh-jit beh kiat sin ê ké-chí, in-ūi chiah ê chúí sī tùi sèng-só[·] lâu-

chhut-ê; chhiū-téng ê ké-chí beh choē chiáh-mih, hióh ū i-tī ê kong-iōng.

¹³Chú Iā-hô-hoa án-ni kóng: Lín pun chit ê toē choē giáp chiàu Í-sek-liát chap-jī chi-phài; i ê toē-kài tiòh chhin-chhiūⁿ ē-toē; Iok-sek beh tit-tiòh nng hūn. ¹⁴Lín sêng-chiap chit ê toē choē-giáp tiòh saⁿ-kap piⁿ-pun; in-ūi Goá bat kiáh-khí chhiú òng-ún, chiong chit ê toē hō[·] lín ê liát-chó; chit ê toē beh kui tī lín choē-giáp. ¹⁵Toē ê kài-hān chiū-sī án-ni; pak-pêng ê kài tùi toā-hái, khi Hi-tèk-lūn ê lô[·], tit-tít kàu Se-tát-tát chhut-jlp ê só[·]-chāi; ¹⁶kàu Hap-má, Pí-lô-tha, Se-pek-liân, chiū-sī tī Tāi-má-sek ê keng-kài kap Hap-má ê keng-kài ê tiòng-kan; kàu Hô-lân piⁿ-kài ê Hap-sat-hap-thê-kan. ¹⁷Tùi hái ê keng-kài chiū-sī Hap-sat-í-lân kūn tī Tāi-má-sek ê keng-kài, koh tī pak-pêng òng-pak sī Háp-boat ê keng-kài; che sī pak-pêng ê kài. ¹⁸Tang-pêng ê kài tī Hô-lân, Tāi-má-sek, Ki-liát kap Í-sek-liát toē ê tiòng-kan chiū-sī Iok-tàn-hô; lín tiòh tùi pak-pêng ê kài niū kàu tang-hái; che chiū-sī tang--sī ê kài. ¹⁹Lâm-pêng òng-lâm ê kài sī tùi Tha-má kàu Bí-lī-pa-ka-te-su ê chúí, soà kàu Ai-kíp ê khoe, thàng-kàu toā-hái; che sī lâm-pêng òng-lâm ê kài. ²⁰Sai-pêng ê kài chiū-sī toā hái, tùi lâm-pêng ê keng-kài, tit-kàu Hap-má chhut-jlp tùi-bīn ê só[·]-chāi; che chiū-sī sai-pêng ê kài. ²¹Án-ni lín tiòh chiàu Í-sek-liát ê chi-phài ūi ka-kī pun chit ê toē. ²²Lín tiòh liam-khau pun chit ê toē choē-giáp kui tī lín pún-sin kap tī lín tiòng-kan kià-kha ê chhut-goā lāng, chiū-sī tī lín tiòng-kan siⁿ kiāⁿ cha-bó[·]-kiāⁿ ê; lín tiòh khoàⁿ in chhin-chhiūⁿ Í-sek-liát ke ê tiòng-kan só[·] siⁿ--ê chit-iūⁿ; in tī Í-sek-liát chi-phài ê tiòng-kan kap lín saⁿ-kap tit-tiòh toē choē-giáp. ²³Goā-bīn lāng khiā-khí tī hit ê chi-phài ê tiòng-kan, lín chiū tī

hia pun toē hō· i choè-giáp; che chiū-sī Chú Iâ-hô-hoa kóng--ê.

48 Chi-phài ê miâ chiàu ē-toé só· kì--ê; tùi kék-pak ê kài tùi Hi-ték-lûn ê lō·, kàu Hap-má chhut-jíp ê só·-chāi, tī Tāi-má-sek kóng-kài Hap-sat-í-lân òng-pak kûn-oá Hap-má ê toē, tùi-tang kàu sai; Tàn, chit-hūn. ²Oá-kûn Tàn ê toē-kài, tùi-tang kàu sai; A-siat, chit-hūn. ³Oá-kûn A-siat ê toē-kài, tùi tang kàu sai; Ná-hut-tha-lī, chit-hūn. ⁴Oá-kûn Ná-hut-tha-lī ê toē-kài, tùi-tang kàu-sai; Má-ná-se, chit-hūn. Oá-kûn Má-ná-se ê toē-kài, tùi-tang kàu-sai; Í-hoat-liân, chit-hūn. ⁶Oá-kûn Í-hoat-liân ê toē-kài, tùi-tang kàu sai; Liū-piân, chit-hūn. ⁷Oá-kûn Liū-piân ê toē-kài, tùi-tang kàu sai; Iū-tāi, chit-hūn.

⁸Oá-kûn Iū-tāi ê toē-kài, tùi-tang kàu sai, sī lín só· hiàn ê toē, khoah nng-bân gō·-chheng ko-chhih, tùi-tang kàu-sai, tng kap hiah ê hūn ê chit-ê saⁿ-tâng, sèng-só· tī hit tiong-kan. ⁹Lín só· hiàn hō· Iâ-hô-hoa ê toē tióh tng nng-bân gō·-chheng ko-chhih, khoah chit-bân. ¹⁰Só· hiàn ê sèng-toē tióh kui hō· chè-si; pak--sì tng nng-bân gō·-chheng, sai--sì khoah chit-bân, tang--sì khoah chit-bân, lâm--sì tng nng-bân gō·-chheng; Iâ-hô-hoa ê sèng-só· tī hit tiong-ng. ¹¹Tióh kui hō· Sat-tok ê kiáⁿ-sun-tiong chiáⁿ-choè sèng ê chè-si, chiū-sī kò·-siú Goá só· kau-tài--ê; tng Í-sek-liát lêng kiáⁿ bê-lō· ê sī, in bô kiáⁿ bê-lō· chhin-chhiūⁿ Lī-bī lêng kiáⁿ bê-lō·. ¹²Chit-ê tióh kui hō· in, chiū-sī tùi só· hiàn ê choân-toē-tiong hiàn hō· in choè chit-sèng--ê, oá-kûn Lī-bī lêng ê toē-kài. ¹³Lī-bī lêng só· tit-tióh ê toē tióh tng nng-bân gō·-chheng, khoah chit-bân, kap chè-si ê toē-kài saⁿ-tâng; lóng-chóng tng nng-bân gō·-chheng, khoah chit-bân. ¹⁴Chit ê toē m̄-thang boē, m̄-thang tùi-

oáⁿ, khí-thâu-sék ê m̄h m̄-thang kui hō· pát-lâng; in-ūi sī kui tī Iâ-hô-hoa choè-sèng--ê.

¹⁵Só·-chhun gō·-chheng khoah ê toē, sī tī hit ê nng-bân gō·-chheng ê thâu-chêng, tióh choè pêng-siông ê lō·-êng, thang khí siáⁿ, khí chhù, choè kau-ia ê toē; siáⁿ tióh tī tiong-ng. ¹⁶I ê chhùn-chhih chiū-sī án-ni; pak-bīn sì-chheng gō·-pah, lâm-bīn sì-chheng gō·-pah, tang-bīn sì-chheng gō·-pah, sai-bīn sì-chheng gō·-pah. ¹⁷Siáⁿ tióh kau-ia; òng-pak nng-pah gō·-cháp, òng-lâm nng-pah gō·-cháp, òng-tang nng-pah gō·-cháp, òng-sai nng-pah gō·-cháp. ¹⁸Í-goā só· chhun ê tng kap só· hiàn ê sèng-toē saⁿ-tâng, òng-tang chit-bân, òng-sai chit-bân; koh kap só· hiàn ê sèng-toē saⁿ-tâng; kī-tiong só· chhut-sán beh hō· siáⁿ-lāi choè-kang ê lêng choè chiáh-m̄h. ¹⁹Tùi Í-sek-liát chheng chi-phài ê tiong-kan tī siáⁿ-lāi choè-kang--ê beh tī-hia chheng-choh. ²⁰Lín só· hiàn ê choân-toē, tng nng-bân gō·-chheng, khoah nng-bân gō·-chheng; lín só· hiàn ê sèng-toē kap siók tī siáⁿ ê toē sī sù-hong--ê.

²¹Só· hiàn ê sèng-toē í-kíp siók tī siáⁿ ê toē, siang-pêng chhun ê toē tióh kui tī jûn-kun, só· hiàn ê toē tī hit nng-bân gō·-chheng ê thâu-chêng kàu tang--sì ê kài, koh òng-sai tī hit nng-bân gō·-chheng ê thâu-chêng kàu sai--sì ê kài, kap hiah ê hūn ê toē saⁿ-tâng, lóng kui tī jîn-kun; só· hiàn ê sèng-toē kap tiān ê sèng-toē lóng tī hit lāi-bīn. ²²Koh tùi Lī-bī lêng ê giáp, tùi siók tī siáⁿ ê giáp, sī siók jîn-kun-ê ê tiong-kan, tī Iū-tāi ê kài kap Piân-ngá-bín ê kài ê tiong-kan, lóng kui jîn-kun ê.

²³Lūn-kàu kī-ū ê chi-phài; tùi-tang kàu-sai; Piân-ngá-bín, chit-hūn. ²⁴Oá-kun Piân-ngá-bín ê toē-kài tùi-tang kàu-sai; Se-biān chit-hūn. ²⁵Oá-kûn Se-biān ê toē-kài tùi-tang kàu-sai; Í-sat-ka, chit-hūn. ²⁶Oá-kûn Í-sat-ka

ê toē-kài tùi-tang kàu-sai; Se-pò·lún, chít-hūn. ²⁷Oá-kūn Se-pò·lún ê toē-kài tùi-tang kàu-sai; Ka-tek, chít-hūn. ²⁸Oá-kūn Ka-tek ê toē-kài, lâm-pêng òng-lâm, hit ê toē-kài tùi Tha-má kàu Bí-lī-pa Ka-tē-su ê chú, kàu Ai-kíp ê khoe thàng-kàu toā-hái. ²⁹Che sī lín tióh liam-khau pun hō· Í-sek-liát ê chi-phài choè-giáp ê toē, in ták-ê só· tit-tióh ê giáp chiū-sī án-ni; che sī Chú Iâ-hô-hoa só· kóng--ê.

³⁰Tùi siâⁿ chhut--khì ê lō· sī chiàu ē-bīn só· kì ê; tī pak-bīn chiàu só· niū--ê, sì-chheng gō·pah ko-chhih, Siâⁿ hiah ê mng tióh chiàu Í-sek-liát chi-phài ê miá; pak-bīn ū saⁿ ê mng; Liū-piān ê mng, chít-ê; Iū-tāi ê mng, chít-ê; Lī-bī ê mng, chít-ê. ³²Tang-bīn sì-chheng gō·pah, ū saⁿ ê mng; Iok-sek ê mng, chít-ê; Piān-ngá-bín ê mng, chít-ê; Tàn ê mng, chít-ê. ³³Lâm-bīn sì-chheng gō·pah, ū saⁿ ê mng; Se-biān ê mng, chít-ê; Í-sat-ka ê mng, chít-ê; Se-pò·lún ê mng, chít-ê. ³⁴Sai-bīn sì-chheng gō·pah, ū saⁿ ê mng; Ka-tek ê mng, chít-ê; A-siat ê mng, chít-ê; Nà-hut-tha-lī ê mng, chít-ê. ³⁵Siâⁿ sì-úi kiōng chít-bān poeh-chheng; tùi hit-jit í-āu siâⁿ ê miá kiò-choè, Iâ-hô-hoa tī-hia.